

Kartat Awana Pjesa 4

# Një jetë besimi



TruthSeekers





# TruthSeekers

## Një jetë besimi

© 2012 Awana® Clubs International

1 East Bode Road, Streamwood, IL 60107-6658 U.S.A.  
internationalprogram@awana.org • (630) 213-2000

Përshtatur nga Botimi i fëmijëve, Themelet e qëndrueshme:  
Romakëve, New Tribes Mission.

Të gjitha të drejtat e rezervuara. Asnjë material nga ky publikim nuk mund të riprodhohet apo përkthet pa leje të shkruar nga botuesi.

Awana dhe logoja Awana janë marka të regjistruara të Awana Clubs International. Të gjitha citimet nga Shkrimi janë marrë nga Bibla, Diodati i Ri, përkthimi 1991-94. E drejta e autorit Albanian Bible Society. Përdorur me leje. Tërë të drejtat e rezervuara.



# Bibla: Mesazhi i Perëndisë ndaj tërë botës



Në të shkuarën, para se të shkruhej Fjala e Perëndisë, Perëndia u foli njerëzve përmes ëndrrave, një zë të cilin njerëzit mund ta dëgjonin dhe përmes Birit të Tij, Jezu Krishtit. Por tani Perëndia na flet përmes Fjalës së Tij të shkruar. Bibla, Fjala e Perëndisë, na tregon se ka vetëm një rrugë përmes së cilës mund të kemi jetën e përjetshme: përmes besimit në Jezu Krishtin që vdiq, u varros dhe u ngjall përsëri për ne. Përbashkësia jonë me Perëndinë nuk është vetëm për sot, por përgjithmonë: ne jemi pjesarë të përhershëm të familjes së Tij. Perëndia ynë i përsosur ka zgjedhur të jetojë brenda nesh dhe të të na shfaqet përmes Frymës së Shenjtë dhe Fjalës së Tij, Biblës. Ai na tregon po ashtu, përmes Frymës së Tij, të vërtetat që na duhen në çdo çast në jetën tonë këtu në tokë.

Kemi lexuar tashmë në Bibël për gjërat e mrekullueshme që ka bërë Jezu Krishti për të na bërë plotësisht të pranueshëm para Perëndisë. Kemi mësuar se për shkak të mëkatit të Adamit, të gjithë u bëmë mëkatarë, u ndamë nga Perëndia. Ne nuk mund të shpëtojmë veten nga ndëshkimi i përjetshëm në liqenin e zjarrit. Perëndia na dha Ligjin (Dhjetë Urdhërimet) në mënyrë që të shohim se sa mëkatarë jemi. Ai dëshironte të kuptonim që nuk ishim në gjendje të shpëtonim veten nga gjykimi që meritojmë për mëkatet tona. A kujton mendimet dhe ndjenjat që ke pasur kur kuptove se ishe mëkatar, i ndarë nga Perëndia dhe i dënuar për të kaluar përjetësinë në Ferr? A kujton gëzimin që të dha Perëndia kur kuptove që Jezu Krishti bëri gjithçka që duhej për të falur mëkatet e tua dhe për të të dhënë jetën e përjetshme me Të në qiell (Romakëve 5:11)?

Tani, ndërsa studiojmë Fjalën e Perëndisë, mund të zbulojmë planin e Perëndisë për ne si besimtarë. Perëndia na do dhe dëshiron ta njohim Atë dhe Birin e Tij që dha jetën e Tij për ne. Ai nuk do të na mashtrojë. Ne mund të mësojmë nga Fjala e Perëndisë se çfarë është e drejtë dhe e gabuar. Nëse mbështetemi në arsyetimin tonë për atë që është e drejtë apo në bazë të asaj që na thonë të tjerët rreth së drejtës, ne do të mashtrohemi. Por nëse njohim dhe besojmë Fjalën e Perëndisë, nuk mund të mashtrohemi. Perëndia dëshiron që mendimet, fjalët dhe veprimet të jenë sipas asaj që na mëson në Fjalën e Tij. Do të mësojmë po ashtu nga Fjala e Perëndisë që Perëndia është Ai që na jep fuqinë për të jetuar jetën e re që na ka dhënë.

Për të njohur atë që ka thënë Perëndia në Fjalën e Tij, ne duhet ta lexojmë atë. Le të kalojmë një kohë çdo ditë duke lexuar Fjalën e Perëndisë; në Fjalën e Tij do të mësojmë gjithçka që Perëndia dëshiron të dimë.



# Bëje!

## Thuaji mësuesit tënd librat e Dhiatës së Re

Mateu	1 Timoteut
Marku	2 Timoteut
Luka	Titi
Gjoni	Filemoni
Veprat e Apostujve	Hebrenjve
Romakëve	Jakobi
1 Korintasve	1 Pjetrit
2 Korintasve	2 Pjetrit
Galatasve	1 Gjonit
Efesianëve	2 Gjonit
Filipianëve	3 Gjonit
Kolosianëve	Juda
1 Thesalonikasve	Zbulesa
2 Thesalonikasve	

Fjala e Perëndisë është si një  
vizore: është gjithmonë e  
drejtë dhe e vërtetë.

# Mëso përmendsh

*Ligji i Përtërirë 12:32: Do të kujdeseni të zbatoni në praktikë tërë gjërat që ju urdhëroj; nuk do t'u shtoni as do t'u hiqni asgjë.*

**Zbatoni:** Bindeni

## Historia

- Jam shumë i gëzuar për takimet e reja të Biblës që po fillojmë me ty, xhaxhi Piter - tha Karola me gëzim. - Çfarë do të studiojmë këtë herë?

- Do të studiojmë një prej librave të Biblës që quhet Letra e Romakëve - tha xhaxhi Piteri. - Është një letër e shkruar nga një apostull që quhej Pal. Kjo letër është një prej shumë letrave në Bibël që Perëndia i tha Palit të shkruante.

- A është kjo në Dhiatën e Re apo të vjetër? - pyeti Xhoni.

- Ajo është në Dhiatën e Re - u përgjigj xhaxhi Piteri.

- Hëm, më duhet të kontrolloj të 27 librat e Dhiatës së Re për ta gjetur - tha Karola, ndësa filloi të kthente faqet e Biblës së saj dhe të Xhonit. - Më duhet shumë kohë.

- Atëherë, është koha që ti dhe Xhoni të filloni të mësoni librat e Dhiatës së Re - tha xhaxhi Piteri. - Në këtë studim të Biblës që do të fillojmë, do të lexoni pjesë të Shkrimit në shumë libra të Dhiatës së Re.

- Atëherë çfarë do të mësojmë tek Romakët? - pyeti Xhoni.

- Ne do të mësojmë shumë gjëra, Xhon - u përgjigj xhaxhi Piteri. - Ashtu si në Dhiatën e Vjetër, edhe në Dhiatën e Re do të shikojmë planin plot hir të Perëndisë në shpëtimin e mëkatarëve. Por do të shikojmë gjithashtu se si na mëson Perëndia, kush janë bijtë e Tij, çfarë dëshiron të dimë dhe të bëjmë. Në Dhiatën e Vjetër izraelitët po prisnin që të vinte Çlirimtari, por në Dhiatën e Re, ne shikojmë që Ai ka ardhur. Kur erdhi Çlirimtari, ndodhën shumë ndryshime që ndikuan tërë botën. Ne do të studiojmë shumë nga këto ndryshime në librin e Romakëve.

- Le të fillojmë! - tha Karola e gëzuar.

- Në fillim, - tha xhaxhi Piteri, - do të mësojmë disa të vërteta që janë shumë të rëndësishme që t'i dimë si të krishterë. Mund të duhen disa javë, por jam i sigurt që do të gëzoheshit po t'i studioni ato në fillim. Por le të fillojmë të mësojmë tani librat e Dhiatës së Re.

Shëno pohimet më poshtë që nuk janë të vërteta.



- \_\_\_\_\_ Perëndia na flet vetëm përmes predikuesve
- \_\_\_\_\_ Perëndia dëshiron të zgjedhim atë se si duhet të jenë mendimet, fjalët dhe veprimet tona në bazë të asaj që Ai mëson në Fjalën e Tij.
- \_\_\_\_\_ Ne mund ta dimë me anë të Fjalës së Perëndisë çfarë është e drejtë dhe çfarë e gabuar.
- \_\_\_\_\_ Perëndia na do dhe Ai dëshiron ta njohim Atë dhe Birin e Tij që dha jetën e Tij për ne.
- \_\_\_\_\_ Perëndia nuk ka një plan për besimtarët.
- \_\_\_\_\_ Perëndia na flet përmes Fjalës së Tij të shkruar.
- \_\_\_\_\_ Nëse njohim dhe i besojmë Fjalës së Perëndisë, ne nuk mund të mashtrohemi.
- \_\_\_\_\_ Përbashkësia jonë me Perëndinë nuk është thjesht për sot, por përgjithmonë: ne jemi anëtarë të përhershëm të familjes së Tij.

## Veprimtari shtesë

Nëse ia ke thënë tashmë mësuesit 27 librat e Dhiatës së Re, mund të mësosh dhe t'ia thuash përmendsh mësuesit 39 librat e Dhiatës së Vjetër për të marrë pikë shtesë (shiko faqen 135 për një listë të librave të Dhiatës së Vjetër).

### Karta Awana 1 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Privilegjet tona si besimtarë në Jezu Krishtin



Përmes Krishtit na është dhënë dhurata e jetës së përjetshme me Të. Kur vëmë besimin tonë në Jezu Krishtin, ne bëhemi pjesëtarë të familjes së Tij. Jezu Krishti është kreu i familjes së Tij dhe pronari i secilit prej nesh. Jezu Krishti është me ne tani dhe gjithmonë. Sa herë që mbliidhemi së bashku me të tjerët apo vetë, Ai është me ne.

Te Mateu 28:20 Jezusi u tha ndjekësve të Tij: *“Unë jam me ju gjithë ditët, deri në mbarim të botës”*.

Borxhi ynë i mëkatit u pagua plotësisht me anë të gjakut të Tij, i cili u derdh për ne në kryq. Në çastin që vëmë besimin tonë në Krishtin, u shpëtuan nga përjetësia në liqenin e zjarrit. Ne duhet të kalojmë pjesën tjetër të jetës këtu në tokë duke mësuar madhësinë e asaj që ka bërë për ne Perëndia në Krishtin. Ai meriton adhurimin dhe lavdërimin tonë. Përmes leximit dhe studimit të Fjalës së Perëndisë, mësojmë se si ta adhurojmë dhe shërbejmë. Këtë dëshiron Perëndia të bëjmë tani dhe në përjetësi: të adhurojmë dhe t'i shërbejmë Zotit Jezus.

*Ti je i denjë, o Zot, të marrësh lavdinë, nderimin dhe fuqinë, sepse ti i krijove të gjitha gjërat, dhe nëpërmjet vullnetit tënd ekzistojnë dhe u krijuan (Zbulesa 4:11).*

Le të mendojmë se si mund t'i japim nderimin Perëndisë përmes lavdërimit dhe adhurimit të Tij. Mendoj se të gjithë mund të biem dakord se mund të lavdërojmë Perëndinë përmes këngëve që këndojmë. Nuk na duhet një zë i bukur; Perëndia kënaqet kur i këndojmë me zemër Atij. Thurja e lavdeve ndaj Perëndisë është privilegj për bijtë e Tij.

A e dije se privilegji që kanë besimtarët për t'iu lutur Perëndisë është po ashtu një mënyrë për të adhuruar dhe lavdëruar Atë? Perëndia nuk lodhet asnjëherë për të shkuar tek Ai. Ai dëshiron që t'i flasim në çdo kohë. Ka shumë gjëra që mund t'i themi Perëndisë përmes lutjes. Ne mund ta lavdërojmë për mirësinë e Tij: t'i themi sa i mirë, i dashur dhe i këndshëm është. Ne mund ta falënderojmë për çdo gjë që ka bërë për ne në të shkuarën, për ato që po bën tani dhe ka premtuar të bëjë në të ardhmen.

Për shkak të Jezu Krishtit, Perëndia na ka dhënë privilegjin që t'i bëjmë kërkesa me anë të lutjes. Nuk ka kërkesë shumë të madhe apo shumë të vogël. Perëndia kujdeset për ne dhe dëshiron që t'i paraqesim çdo nevojë. A e dije se edhe pse Perëndia është më i madh se të gjithë, Ai kujdeset për problemet tona të përditshme? Perëndia nuk do që të shqetësohemi për diçka në jetën tonë. Ai dëshiron që t'i lëmë ato në duart e Tij. Perëndia nderohet kur i tregojmë se kemi besim të mjaftueshëm për t'ia paraqitur ato shqetësime Atij.

Për momentin le ta lavdërojmë Perëndinë përmes lutjes për privilegjet që kemi në Jezu Krishtin.



Libri i Psalmeve është një vend i shkëlqyer për të gjetur shembuj të lavdërimit dhe adhurimit në Bibël. Aty mund të gjesh shumë lavdërim për karakterin dhe veprat e mëdha të Perëndisë. Karakteri i Perëndisë nuk ndryshon. Psalmet mund të jenë një inkurajim dhe ndihmë e madhe ndërsa adhurojmë dhe lavdërojmë Perëndinë.

Lexo një ose më shumë nga këto Psalme dhe shkruaj në hapësirat bosh më poshtë atë që ke gjetur për të lavdëruar Perëndinë: Psalmi 8, 19, 103, 104, 139, 148 dhe 150. Rretho se cilat Psalme mund të lexosh.

1. \_\_\_\_\_  
\_\_\_\_\_
2. \_\_\_\_\_  
\_\_\_\_\_
3. \_\_\_\_\_  
\_\_\_\_\_

# Mëso përmendsh

***Zbulesa 4:11: Ti je i denjë, o Zot, të marrësh lavdinë, nderimin dhe fuqinë, sepse ti i krijove të gjitha gjërat, dhe nëpërmjet vullnetit tënd ekzistojnë dhe u krijuan.***

## Historia

- Kisha nevojë për këtë mësim sot - tha Karola. - E kam pasur të vështirë të kuptoja se si të lutemi, edhe pse kemi folur për lutjen më parë. Gjëja e vetme që kam bërë është që i kam kërkuar Perëndisë gjëra që kam dashur prej Tij. E kam mësuar shumë mirë këtë pjesë!

- Kështu lutën shumë njerëz - tha xhaxhi Piteri. - Por, ashtu siç pamë sot, lutja është shumë më tepër se sa thjesht të kërkojmë gjëra.

- Më pëlqen vargu i sotëm i Biblës - tha Xhoni. - Nëse e përsëris çdo ditë, do të më kujtojë të lavdëroj Perëndinë në lutjet e mia për atë që është dhe atë që ka bërë për mua. Dhe do të bëj një listë me tërë karakteristikat e Perëndisë dhe ato që ka bërë Jezu Krishti për mua. Pastaj do ta vendos në një vend ku duket lehtë. Do të kaloj kohë çdo ditë duke parë listën dhe duke zgjedhur gjërat e ndryshme për të lavdëruar Zotin.

- Më duket ide fantastike! - tha xhaxhi Piteri.

- A mund ta kem edhe unë atë listë? - pyeti Karola. - Lista do të më ndihmojë të kujtoj që të lutem. Mendoj se duhet t'i shtoj listës tërë ato gjëra që duhet të falënderoj Perëndinë. Harroj të jem aq mirënjohëse sa duhet, edhe pse xhaxhi Piteri na ka mësuar çdo javë të jemi mirënjohës për gjërat që na ka dhënë Perëndia dhe ato që bën për ne.

- Jam i kënaqur që të dy doni të përdorni privilegjin e lutjes që Perëndia na ka dhënë - tha xhaxhi Piteri. - Por dua që të mbani mend që Perëndia dëshiron që t'i kërkojmë gjëra. Mbase ajo që duhet të ndryshojmë për gjërat që i kërkojmë Perëndisë është që, përveçse t'i kërkojmë gjëra për veten, ne duhet t'i kërkojmë Perëndisë të plotësojë edhe nevojat e të tjerëve, apo për raste që t'u dëshmojmë të tjerëve, apo që të na ndihmojë që t'i bindemi Fjalës së Tij, ose....

- Oh, më duhet kjo! - ndërpreu Karola. - Do ta vë edhe këtë në listën time!

- Fantastike, Karola! - tha xhaxhi Piteri. - Tani mos harroni të shikoni listën tuaj. Nuk vlen për asgjë nëse thjesht e varni në mur.

# Lista e lutjes së Karolës:

## Ne mund ta adhurojmë dhe nderojmë Perëndinë përmes lutjes:

- \_\_\_\_\_ Perëndia komunikon me njeriun.
- \_\_\_\_\_ Perëndia është i përjetshëm.
- \_\_\_\_\_ Ai është kudo në çdo kohë.
- \_\_\_\_\_ Ai njeh gjithçka.
- \_\_\_\_\_ Perëndia është më i madh se të gjithë dhe më i rëndësishëm se të gjithë; Ai është autoriteti më i lartë.
- \_\_\_\_\_ Perëndia është i shenjtë dhe i drejtë; Ai kërkon vdekjen si pagesë për mëkat.
- \_\_\_\_\_ Perëndia është i plotfuqishëm; nuk ka asgjë të pamundur për Të.
- \_\_\_\_\_ Ai është i dashur, plot hir dhe i mëshirshëm.
- \_\_\_\_\_ Perëndia është besnik. Ai bën gjithmonë atë që thotë. Ai nuk ndryshon kurrë.

## Ne mund t'i bëjmë Perëndisë kërkesa përmes Jezu Krishtit:

- \_\_\_\_\_ Ne mund t'i kërkojmë Atij të na bëjë më të ngjashëm me Birin e Tij, Jezu Krishtin.
- \_\_\_\_\_ Ne mund t'i kërkojmë Atij ndihmë për nevojat tona dhe nevojat e të tjerëve.
- \_\_\_\_\_ Rritje frymërore.
- \_\_\_\_\_ Problemet e përditshme.
- \_\_\_\_\_ Nevojat fizike.
- \_\_\_\_\_ Ne duhet t'i kërkojmë Perëndisë të na ndihmojë që të çojmë Lajmin e Tij të Mirë te të tjerët.
- \_\_\_\_\_ Ne mund të lutemi për mundësi për t'u treguar atyre të vërtetën e Perëndisë.
- \_\_\_\_\_ Ne mund të lutemi që Fryma e Shenjtë do t'u bëjë të njohur mëkatet e tyre dhe shenjtërinë e Perëndisë.

## Ne mund ta falënderojmë Perëndinë përmes lutjes:

- \_\_\_\_\_ Ne mund të hedhim vështrimin pak dhe ta falënderojmë për atë që ka bërë në të shkuarën, sidomos për shpëtimin tonë në Jezu Krishtin.
- \_\_\_\_\_ Ne mund ta falënderojmë Atë për ç'ka po bën tani në jetën tonë dhe në jetën e atyre që njohim dhe kujdesemi.
- \_\_\_\_\_ Ne mund ta falënderojmë Atë për ç'ka do të bëjë në të ardhmen.
- \_\_\_\_\_ Ne mund të shikojmë gjërat që na ka premtuar në Fjalën e Tij dhe e falënderojmë me anë të besimit, duke besuar se Ai i mban gjithmonë premtimet e Tij.

## Veprimtari shtesë

Përdor listën e Karolës për të të ndihmuar që t'i lutesh çdo ditë Perëndisë. Përdor listën për shtatë ditë me radhë dhe tregoji mësuesit tënd kur të kesh mbaruar. Pas shtatë ditësh vazhdo të lutesh!

### Karta Awana 2 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Premtimet e Jezusit ndaj tërë besimtarëve



Besimi i krishterë është ndryshe nga besimet apo fetë e tjera. Si? Le të shikojmë besimin e krishterë:

- Të krishterët marrin faljen e mëkateve
- Drejtim nga Libri i vërtetë (Bibla) që ka për autor Perëndinë, Krijuesin tonë
- Ka një ndihmës që premtot të jetojë brenda besimtarëve
- Ka një Shpëtimtar që premtot të kthehet për besimtarët
- Jep jetë të përjetshme me Perëndinë në qiell
- Ka Perëndinë e vetëm e të vërtetë.

Shumica e feve kanë perënditë e tyre, por vetëm besimi i krishterë ka një Perëndi të Shenjtë që mori me dashje ndëshkimin për mëkatet e njerëzimit. Por ndryshe nga perënditë e tjera që mund të kenë jetuar një herë, vdekja nuk mund të mbante Perëndinë tonë të Shenjtë. Ai u ngjall prej së vdekurish! Shpëtimtari, Jezu Krishti, jeton! Ai është në të djathtë të Atit në qiell dhe Ai do të kthehet përsëri në tokë.

Besimtarët nuk zbatojnë një mori rregullash; ne ndjekim një person: Shpëtimtarin tonë të gjallë, Jezu Krishtin. Ne jemi pranuar nga Perëndia jo për shkak të veprave tona të mira, por për shkak të asaj që ka bërë Jezu Krishti për këdo, kudo, mbi një kryq romak. Disa fe mësojnë se njerëzit mund të jenë aq të mirë sa të shkojnë në qiell. Disa besojnë se kushdo mund të jetë me Të në qiell për shkak se Ai i do të gjithë. Megjithatë në vargun që kishim sot përmendsh mund të lexojmë se, edhe pse Krishti vdiq për tërë njerëzit, jo të gjithë njerëzit do të jetojnë me Perëndinë përherë në qiell.

*Kush beson në Birin ka jetë të përjetshme, kurse kush nuk i bindet Birit nuk do të shohë jetë, por zemërimi i Perëndisë qëndron mbi të (Gjoni 3:36).*

Çfarë do të thotë ky varg? Do të thotë se çdo person duhet të vendosë nëse beson apo jo që Fjala e Perëndisë është e vërtetë. Ata duhet të besojnë e Jezusi vdiq për mëkatet e tyre: duke i shpëtuar nga ndëshkimi i përjetshëm në liqenin e zjarrit.

Për ata që besojnë Jezu Krishti premtot se kur u ktheje në qiell, Ai do të dërgonte Perëndinë Frymë e Shenjtë për të jetuar përherë në ta. Fryma e Shenjtë do të ndihmojë besimtarët të bëjnë veprën e Perëndisë. Jezusi premtot po ashtu se Fryma e Shenjtë do të ndihmojë besimtarët të jenë dëshmitarët e Tij. Vetëm Perëndia Frymë e Shenjtë mund të bindë një person që Bibla është e vërtetë.

Jezusi premtot se Ai do të kthehet për ata që besojnë në Të. Ne mund të gëzohemi shumë duke e ditur se ne do të kalojmë përjetësinë me Perëndinë. Megjithatë, ata që nuk besojnë në Jezu Krishtin, kthimi i Tij do të jetë i frikshëm. Për ta përjetësia do të thotë vetëm ndarje nga Perëndia dhe ndëshkim për mëkatin (Zbulesa 20:15).

Si besimtarë kemi privilegjin për t'u thënë të tjerëve për Shpëtimtarin tonë të mrekullueshëm. Ne kemi Frymën e Shenjtë që na ndihmon të dëshmojmë, kështu le të vazhdojmë të përhapim Lajmin e Mirë derisa të gjithë, kudo, të kenë mundësinë për të dëgjuar.



Shëno pohimet më poshtë që nuk janë të vërteta për besimin e krishterë

- \_\_\_\_\_ 1. Marr faljen e mëkateve.
- \_\_\_\_\_ 2. Duhet të bëj vepra të mira për të marrë faljen e mëkateve.
- \_\_\_\_\_ 3. Pranoj drejtimin nga Libri (Bibla) i vërtetë që ka autor Perëndinë tonë Krijues.
- \_\_\_\_\_ 4. Duhet të gjejë mënyrën e vet për t'i pëlqyer Perëndisë dhe të pranohet prej Tij.
- \_\_\_\_\_ 5. Të ketë një Ndhmës (Frymën e Shenjtë) që premton të jetojë me ta.
- \_\_\_\_\_ 6. Të ketë një Shpëtimtar që premton të kthehet për besimtarët.
- \_\_\_\_\_ 7. Të dijë me siguri se do të kenë jetë të përjetshme me Perëndinë në qiell.
- \_\_\_\_\_ 8. Ata shpresojnë se do të jenë aq të mirë sa të shkojnë në qiell.
- \_\_\_\_\_ 9. Besojnë në Perëndinë e vetëm të vërtetë.
- \_\_\_\_\_ 10. Besojnë se ka shumë perëndi.

**Tani mbetet në dorë të atyre që dëgjojnë  
lajmin e mirë të besojnë dhe pranojnë  
këtë dhuratë të shpëtimit.**

## **Veprimtari shtesë**

A do t'i kërkosh Perëndisë për të sjellë ndërmend njerëzit që kanë nevojë të dëgjojnë ungjillin? Kur të fillosh të ndash ungjillin, thuaja mësuesit tënd.

## Varg përmendsh

***Gjoni 3:36: Kush beson në Birin ka jetë të përjetshme, kurse kush nuk i bindet Birit nuk do të shohë jetë, por zemërimi i Perëndisë qëndron mbi të.***

Të përjetshme: Përgjithmonë

## Historia

- Xhaxhi Piter, kam përdorur listën time të lutjes për t'u lutur këtë javë, - tha Xhoni, - dhe po më pëlqen! E nis çdo ditë duke u lutur për personat e listës. Madje kam bërë një listë me njerëz të cilëve dua t'u flas për Perëndinë.

- Fantastike! - tha Karola. - Perëndia nuk më ka bërë të ditur asnjë person të cilit mund t'i flas.

- Shiko, nuk është se Perëndia më dha një listë me emra, - tha Xhoni. - Jam lutur që Perëndia të më kujtojë njerëzit për të cilët e di që nuk kanë njohuri rreth Jezusit dhe për atë që ka bërë për ne. Tani kur takon po flas me njerëzit, filloj të mendoj menjëherë nëse kanë nevojë të dëgjojnë ungjillin. Pastaj përpqem të mendoj për mënyra se si mund të flas me ta që të fillojnë të mendojnë për Perëndinë. Kam vënë re që disa prej tyre janë shumë të interesuar për të zbuluar më tepër.

- Oh! Shiko, nëse funksionon kështu, - tha Karola, edhe unë do të mendoj njësoj për njerëzit. Ka ndodhur që më ka ardhur ndërmend të flisja me dikë, por kam vendosur ta injoroj. Mendova me vete që ata nuk ishin të interesuar.

- Kështu ti i kërkon Perëndisë të të tregojë dikë dhe pastaj ti e injoron, Karola? - pyeti Xhoni duke buzëqeshur.

- Ashtu mendoj, - tha Karola, - por po përpqem të mos e përsëris!

- A e mbani mend ju të dy se cilat të vërteta janë të rëndësishme për t'u treguar njerëzve që kanë pak ose aspak njohuri për Perëndinë dhe Fjalën e Tij? - pyeti xhaxhi Piteri.

- Po, - tha Karola. - I kam ende ato shënime që mbajta nga ty pak kohë më parë kur kisha probleme me dëshminë ndaj dikujt. I mbaj në çantën e shkollës, kështu i kam gjatë tërë ditës.

- Mendoj se duhet të kem edhe unë një kopje të atyre shënimeve, - tha Xhoni. - Është një ide e mirë t'i mbash me vete tërë kohën, edhe pse mendoj se mund të mbaj mend shumicën prej tyre.

- Oh, me të vërtetë? - tha Karola. - Shiko, le ta shohim se sa di. Do të të bëj disa pyetje dhe të shohim nëse di aq sa mendon.

- Në rregull, fillo me pyetjet, - tha Xhoni. - Mendoj se do të të lë pa mend.



Përdor testin e Karolës rreth disa të vërtetave të rëndësishme të cilat mund t'ua tregojmë jobesimtarëve. Nëse ke nevojë për ndihmë, mund të përdorësh shënimet e Karolës në faqen 136 për të shpallur ungjillin.

- |              |             |                  |                      |
|--------------|-------------|------------------|----------------------|
| 1. Të gjithë | 2. Gjak     | 3. Jezu Krishti  | 4. Çlirimtari        |
| 5. Vdekja    | 6. Perëndia | 7. Adami dhe Eva | 8. Luciferi (Satani) |

1. Kush është Krijuesi Shumë i Lartë që do njerëzimin? \_\_\_\_\_
2. Cili engjëll i rebeluar kundër Perëndisë, u dëbua nga qielli dhe mashtroi Evën në kopshtin e Edenit? \_\_\_\_\_
3. Në kopshtin e Edenit, kujt iu tha të mos hanin nga pema e njohjes të së mirës e të së keqes, por nuk u bindën dhe u ndanë nga Perëndia? \_\_\_\_\_
4. Për shkak të mosbindjes (mëkatit) së Adamit, sa njerëz kanë lindur nën sundimin e Satanit, të ndarë nga Perëndia? \_\_\_\_\_
5. Kë premtoi vazhdimisht Perëndia se do të dërgonte për të shpëtuar njerëzit nga Satani, mëkati dhe vdekja frymërore (ndarja nga Perëndia)? \_\_\_\_\_
6. Perëndia i tha Adamit se do të kishte ndëshkim po të mos i bindej (mëkatonte) Atij. Cili është ndëshkimi për mëkatin? \_\_\_\_\_
7. Perëndia, derisa të dërgonte Çlirimtarin, lejoi njerëzit t'i afroreshin Atij me anë të besimit (duke besuar që vetëm Perëndia mund t'i shpëtonte), duke bërë flijime për kafshët. Çfarë do të derdhej si kujtesë prej Perëndisë që ndëshkimi për mëkatin është vdekja? \_\_\_\_\_
8. Kush është ky: Ai është Biri i Perëndisë, Ai lindi në mënyrë të mrekullueshme, Ai është i përsosur: si Perëndi dhe njeri, Ai vdiq në kryq (borxhi ynë i mëkatit u pagua përmes derdhjes së gjakut të Tij), u varros, u ngjall përsëri dhe u ngjiti në qiell?  
\_\_\_\_\_

### Karta Awana 3 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Perëndia dërgoi Frymën e Tij të Shenjtë të premtuar



Jezusi vdiq, u varros, u ngjall përsëri dhe iu shfaq ndjekësve të Tij për dyzet ditë (Veprat 1:3). Ai udhëzoi dishepujt e Tij të prisnin në Jerusalem, sepse do të dërgonte Frymën e Shenjtë (Ndihmuesin dhe Ngushëlluesin) për t'u dhënë fuqi për të bërë veprën e Tij. Pastaj Ai u ngjiti në qiell. Jezusi e mbajti premtimin. Ai është Perëndia. Ai është besnik dhe Ai bën atë që premtonte.

A kujton që kur izraelitët ishin në shkretëtirë, Perëndia udhëzoi Moisiun të ndërtonte tabernakullin? Atje në dhomën e veçantë të quajtur Vendi Shumë i Shenjtë, Perëndia banoi në mes të izraelitëve. Perëndia tregoi praninë e Tij me anë të resë e cila mbushte tërë tabernakullin. Në atë kohë ky ishte vendbanimi i veçantë i Perëndisë në tokë. Më vonë, kur izraelitët ishin në vendin që u dha Perëndia, Salomoni ndërtoi tempullin. Kur tempulli mbaroi, lavdia e Perëndisë mbushi tempullin. Perëndia po u tregonte njerëzve se Ai nuk banonte më në tabernakullin e vjetër, por në tempullin e ri (1 Mbretërve 8:10-21). Tempulli që Salomoni ndërtoi u shkatërrua më vonë, por një tempull tjetër u ndërtua në vend të tij. Tempulli i Perëndisë në Jerusalem ishte vendbanimi i veçantë i Perëndisë kur Jezusi ishte këtu në tokë. Në atë kohë vetëm priftërinjtë mund të takoheshin me Perëndinë.

Jezusi, kur vdiq në kryq dhe thirri: “U krye!”, Perëndia pranoi pagesën e Jezusit për mëkatin tonë dhe grisi tempullin e tempullit nga maja në fund. Perëndia e bëri këtë për të treguar se që prej asaj kohe njerëzit mund të shkonin drejtpërdrejtë te Perëndia (Hebrenjve 10:19). Nuk kishte më nevojë për priftërinj që komunikonin midis Perëndisë dhe popullit të Tij. Shtëpia e Perëndisë nuk do të ishte më në ndërtesat e bëra prej druri dhe guri; Ai do të jetonte te bijtë e Tij.

Fryma e Shenjtë u dërgua për të jetuar përgjithmonë në trupin e çdo besimtari në mënyrë që secili mund të ishte tempulli i Perëndisë këtu në tokë (1 Korintasve 6:19). Megjithatë tërë besimtarët së bashku quhen Kisha e Perëndisë: jo ndërtesa, por grupi i besimtarëve. Kisha e vërtetë e Perëndisë filloi ditën e Rrëshajave, ditën që Fryma e Shenjtë u dërgua nga Perëndia për të jetuar te besimtarët. Që prej asaj kohe, sa herë që një person beson në Krishtin, Fryma e Shenjtë vjen menjëherë të banojë në atë besimtar të ri, duke e bërë atë pjesë të Kishës së vërtetë (Efesianëve 1:13).

Si vepron Perëndia Frymë e Shenjtë në jetën tonë? Nga Fjala e Perëndisë Fryma na mëson madhështinë e Jezu Krishtit. Ai na ndihmon po ashtu të bëjmë një jetë që i pëlqen Perëndisë.

Le të falënderojmë Perëndinë që na ka dhënë Frymën e Shenjtë për të na ndihmuar dhe mësuar rreth Zotit Jezus.



Fryma e Shenjtë na ndihmon të njohim Perëndinë dhe t'i bindemi Fjalës së Tij. Shëno ndryshimet më poshtë, të cilat i ke parë tashmë në jetën tënde që kur ke besuar te Jezu Krishti si Shpëtimtari yt.

- \_\_\_\_\_ Një dashuri për Perëndinë.
- \_\_\_\_\_ Një dëshirë për të lexuar Biblën.
- \_\_\_\_\_ I aftë të falësh ata që të lëndojnë.
- \_\_\_\_\_ Një interesim për nevojat e të tjerëve.
- \_\_\_\_\_ Dëshiron të adhurosh Perëndinë.
- \_\_\_\_\_ Dëshiron të takohesh me të krishterë të tjerë.

***Por fryti i Frymës është: dashuria, gëzimi, paqja, durimi, mirëdashja, mirësia, besimi, zemërbutësia, vetëkontrolli. Kundër këtyre gjërave nuk ka ligj. (Galatasve 5:22-23)***

## Varg përmendsh

***Gjoni 14:16-17: Në qoftë se do të kërkonit diçka në emrin tim, unë do ta bëj. Nëse më doni, zbatoni urdhërimet e mia. Dhe unë do t'i lutem Atit dhe ai do t'ju japë një Ngushëllues tjetër, që do të qëndrojë përgjithmonë me ju.***

## Historia

- Për çfarë po mendon, Xhon? - pyeti Karola. - U bë kohë që nuk po e dëgjon xhaxhi Piterin.

- Më vjen keq, xhaxhi Piter - tha Xhoni. - Po mendoja për diçka që ke thënë më parë.

- Për çfarë? - pyeti xhaxhi Piteri.

- Ti the që vendbanimi i Perëndisë në tokë nuk është më në tempuj të ndërtuar nga njerëzimi, por te vetë besimtarët - tha Xhoni. - Po sikur të mëkatojmë? A do të qëndrojë ende?

- Ai do të qëndrojë përgjithmonë - tha xhaxhi Piteri. - Ne jemi tempulli i Tij i ri dhe Ai nuk do të largohet kurrë nga këta tempuj derisa të ketë jetë në ta.

- Për këtë po mendoheshe aq shumë? - pyeti Karola.

- Jo vetëm kjo, - u përgjigj Xhoni. - Fryma e Shenjtë, duke qenë frymë, e di që nuk lëviz vërdallë në trupin tim, por e kam të vështirë ta imagjinoj se si jeton brenda nesh.

- Jam dakord, - tha Karola. - Edhe unë e kam të vështirë të imagjinoj se si njeh çdo gjë që bëjnë dhe thonë të gjithë në fshehtësi. Dhe më mahnitëse është se Ai di se çfarë mendojnë njerëzit. Ai duhet të jetë zhgënjyer shumë herë!

- Ke të drejtë për këtë! - tha Xhoni.

- Faleminderit! - tha Karola.

- Shiko, kjo më përfshin edhe mua, - tha Xhoni. - E di që edhe unë e kam zhgënjyer!

- Bibla e quan këtë "trisitim të Frymës së Shenjtë", - tha xhaxhi Piteri. - Por nuk e trishton Atë nëse i bindesh udhëzimeve të Perëndisë të dhëna në Fjalën e Tij. Bibla thotë gjithashtu se Fryma e Shenjtë trishtohet kur e shuajmë (pra, nuk e dëgjojmë). Kjo kur nuk e dëgjojmë kur përpiqet të na flasë përmes mendjeve tona për të bërë apo mos bërë diçka.

- Për shembull, kur donte që t'u dëshmoja njerëzve dhe unë e injoroja, - tha Karola. - Nuk e lejova t'i fliste mendjes time dhe u largova nga ata njerëz.

- Dhe kur ti dhe unë zihemi me njëri-tjetrin, Karola, - tha Xhoni. - Jam i sigurt se Ai trishtohet nga kjo! Ai madje e di se kur jam i zemëruar me ty dhe nuk e shfaq. Ai duhet të jetë i trishtuar me mua shumicën e kohës!

- Kujto, - tha xhaxhi Piteri. - Perëndia të do. Ai e di që ti po rritesh në jetën tënde të krishterë dhe prandaj është Fryma e Shenjtë, të të ndihmojë të rritesh.

Kush është Fryma e Shenjtë? Tërë pohimet më poshtë rreth Frymës së Shenjtë janë të vërteta përveç dy prej tyre. Vëru vizë dy pohimeve që nuk janë të vërteta.

1. Ai është Perëndi.
2. Ai jeton te besimtarët.
3. Ai ndihmon besimtarët t'u thonë besimtarëve të tjerë mesazhin e ungjillit.
4. Ai trishtohet kur besimtarët mëkatojnë.
5. Kur besimtarët mëkatojnë, Ai largohet prej tyre.
6. Ai ndihmon besimtarët të kuptojnë Fjalën e Perëndisë.
7. Ai ndihmon besimtarët t'i binden Fjalës së Perëndisë.
8. Ai ndihmon njerëzit të kuptojnë se janë mëkatarë.
9. Ai ndihmon njerëzit të kuptojnë nevojën e tyre për një Shpëtimtar.
10. Ai zemërohet me besimtarët kur nuk e dëgjojnë Atë.
11. Ai ngushëllon besimtarët kur janë të trishtuar apo vuajnë.
12. Ai u jep besimtarëve dituri për të njohur se çfarë është e drejtë dhe çfarë është e gabuar.
13. Ai nuk do të largohet kurrë nga besimtarët.
14. Në çastin që një person bëhet besimtar, Ai vjen për të jetuar tek ai besimtar.

## Veprimtari shtesë

A e trishton Frymën e Shenjtë? Si ndihmë për të kujtuar se Fryma e Shenjtë është me ty në çdo kohë, bëj një listë sa herë që trishton apo shuan (nuk dëgjon) Frymën e Shenjtë. Nëse mendon vazhdimisht për praninë e Frymës së Shenjtë në jetën tënde, do të të mbrojë që të mos mëkatosh. Provoje!

### Karta Awana 4 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Pagëzimi i besimtarëve



Jezusi, para se të kthehej në qiell, u tha njëmbëdhjetë apostujve të Tij të shkonin në mbarë botën dhe të bënëin dishepuj. Ata duhet t'u tregonin njerëzve për mesazhin e Jezu Krishtit. Ata duhet të pagëzonin tërë ata që besonin në Jezu Krishtin, si Shpëtimtarin e tyre. Jezusi u tha atyre të pagëzonin çdo besimtar në emër të Perëndisë Atë, Perëndisë Bir dhe Perëndisë Frymë e Shenjtë.

Çfarë do të thotë pagëzim? Dhiata e Re përdor fjalën pagëzim në disa mënyra. Pagëzimi që Jezusi urdhëroi apostujt e Tij për ta zbatuar te tërë besimtarët ishte ndryshe nga ai i Gjonit. Pagëzimi i Gjonit ishte për të treguar se njerëzit e dinin që ishin mëkatarë dhe po prisnin ardhjen e Çlirimtarit (Mateu 3:3). Por Jezusi u tha apostujve të pagëzonin tërë ata që besonin në Krishtin, Çlirimtarin. Pagëzimi për të cilin foli Jezusi ishte për të treguar se një person kishte vendosur me të vërtetë besimin e tij në Krishtin. Ky pagëzim është figurë e varrojes dhe ringjalljes së Krishtit (Romakëve 6:3-4). Uji në të cilin zhyten besimtarët në pagëzim është figurë apo ilustrim i varrit në të cilin u vendos Zoti Jezus pasi vdiq për ne në kryq (Kolodianëve 2:12). Perëndia ndëshkoi Jezusin në kryq sikur të ishim ne të varur në kryq ndëshkuar për mëkatet tona (Romakëve 5:8; 2 Korintasve 5:21). Perëndia thotë se kur Jezusi vdiq, tërë ata që e pranojnë si Çlirimtarin e tyre, kanë të përbashkët vdekjen e Tij (Romakëve 6:6). Perëndia thotë se kur Jezusi u varros, ne u varrosëm me Të (Romakëve 6:4). Prandaj, kur një besimtar zhytet në ujë, ai u tregon të tjerëve se ka pranuar që Jezusi vdiq dhe u varros me të. Perëndia thotë se kur Jezusi u ngjall nga varri, ne u ngjallëm me Të. Jeta që Perëndia na ka dhënë është jeta e Jezusit (Galatasve 2:20). Ne vdiqëm kur vdiq Ai, por tani kemi jetë të përhjetshme në Të. Kur besimtari del nga uji në të cilin ishte zhytur, po u tregon të tjerëve se pranon faktin që Jezusi u ngjall prej së vdekurish në emër të tij (Kolodianëve 2:12).

Pagëzimi nuk na shpëton nga ndëshkimi i mëkateve tona apo pushteti i Satanit dhe vdekjes. Po ashtu nuk na bën bij të Perëndisë. Ne bëhemi bij të Perëndisë menjëherë kur i besojmë Zotit Jezus si Shpëtimtari ynë (Gjoni 1:12-13). Nëse jemi bij të Perëndisë, ne do të shkojmë në qiell edhe po të mos jemi pagëzuar kurrë (Luka 23:39-43).

Pagëzimi është një dëshmi për të tjerët. Duke u pagëzuar ti u tregon të tjerëve që nuk beson në veten tënde, por në vdekjen, varrosjen dhe ringjalljen e Jezusit si vdekja, varrosja dhe ringjallja jote. Pagëzimi është një mënyrë për t'u thënë të tjerëve faktin që ke vdekur me Krishtin, je varrosur me Të dhe je ngjallur me Të në jetën e re dhe të përhjetshme.



Fjalitë më poshtë janë fakte të vërteta për pagëzimin. Duke përdorur përgjigjet për fjalitë me numra më poshtë, mbush fjalëkryqin duke përkruar numrat.

### Fjalëkryqi

Frymë e Shenjtë

Bir

Pagëzohen


Mëkatet

Dëshmi

Atë

Besimtarët

Ringjalljes



### Horizontalisht

Besimtarët pagëzohen në emër të: Perëndisë 1. \_\_\_\_, Perëndisë 2. \_\_\_\_ dhe Perëndisë 3. \_\_\_\_\_.

4. Pagëzimi është një \_\_\_\_\_ publike që beson në Jezu Krishtin si Shpëtimtari yt.

5. Në Bibël Jezusi urdhëroi tërë ata që besojnë në të të \_\_\_\_\_.

### Vertikalisht

1. Pagëzimi është figura e varrosjes dhe \_\_\_\_\_ së Krishtit.

2. Jezusi u tha apostujve të pagëzonin tërë \_\_\_\_\_.

4. Pagëzimi nuk mund të heqë \_\_\_\_\_ tona.

# Varg përmendsh

***Mateu 28:19: Shkoni, pra, dhe bëni dishepuj nga të gjithë popujt duke i pagëzuar në emër të Atit e të Birit e të Frymës së Shenjtë.***

## Historia

- Sot po përpqesha t'i dëshmoja një vajze që ishte shumë e interesuar, - tha Karola. - Edhe ajo e njeh mirë Biblën.

- Çfarë kishte kaq interesante ajo? - pyeti Xhoni.

- Ajo ka disa ide shumë të ndryshme për atë që thotë Shkrimi, - tha Karola. - Po të mos kishim studiuar Biblën me xhaxhi Piterin, nuk do ta kisha dalluar që ajo që mendonte ishte gabim.

- Ndoshta këto janë idetë e saj, - tha Xhoni. - Nëse nuk ka shkuar kurrë në kishë, mund të mos ketë pasur askënd që t'i ketë mësuar atë që thotë Bibla.

- Por kjo është interesantja, - tha Karola. - Ajo ka qenë në kishë: në disa kisha. Siç thashë, ajo e njeh mirë Biblën. Por nuk përputhet me atë që na ka thënë xhaxhi Piteri.

- A ka të bëjë me shpëtimin tonë? - pyeti Xhoni. - Sepse ne e dimë me siguri se ka vetëm një rrugë për t'u shpëtuar. A ia the asaj?

- U përpoqa, - tha Karola. - Por ajo filloi të thoshte se ishte pagëzuar kur ishte foshnjë, kështu që mendonte se kjo do ta çonte në qiell. Por pastaj tha se shkoi në një kishë tjetër ku atje thoshin që duhet të bësh vepra të mira për të shkuar në qiell. Kështu ajo u përpoq të bënte ashtu. Duket se në çdo vend ku shkon, dëgjon diçka ndryshe. Tani mendon se meqë është pagëzuar dhe po bën tërë ato gjëra të mira, nuk ka pse të merakoset për shpëtimin.

- A i shpjegove se pagëzimi nuk shpëton askënd? - pyeti Xhoni.

- Ia thashë, - tha Karola. - Dhe ajo tha që nuk e dinte se pagëzimi është diçka që Jezusi urdhëroi të krishterët ta bënin për t'u treguar të tjerëve që ata besonin në Të. Megjithatë, ajo tha se i pëlqente të shkonte nëpër kisha të ndryshme, prandaj e ftova tek e jona.

- A mendon se do të vijë? - pyeti Xhoni.

- Ajo tha se do të vijë me mua këtë të diel, meqë e ftova të vijë këtu më pas për të ngrënë, - tha Karola duke buzëqeshur. - Ajo të ngjan ty, Xhon, në një pikë. I pëlqen të hajë.

- Hëm, - tha Xhoni. - Mendoj se do të më pëlqente ta njihja!

# Veprimtari shtesë

Tregoji mësuesit apo shkruaj diku se çfarë do të thotë të pagëzohesh. Nëse je pagëzuar, tregoji mësuesit tënd. Nëse nuk je pagëzuar, mendo për arsyet se pse nuk je pagëzuar. Ndoshta këtë herë ke kuptuar plotësisht se çfarë do të thotë pagëzim dhe se është urdhër i Perëndisë.

---

---

---

## Karta Awana 5 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Jeta në Kishën e re në Jerusalem



Çfarë është Kisha? A është ndërtesa? Jo, Kisha e vërtetë përbëhet nga njerëzit: njerëz si ne që kanë vënë besimin e tyre në Jezu Krishtin. Ne besimtarët jemi Kisha dhe Jezu Krishti jeton në ne me anë të Frymës së Tij. A jetojmë dhe mësojmë si pjesë e Kishës? Çfarë bëjmë si pjesë e Kishës? Për të gjetur përgjigjet e ketyre pyetjeve, do të lexojmë për kishën e hershme në Jerusalem.

Jezusi premtoi se Fryma e Shenjtë do t'u kujtonte apostujve gjithçka që kishte mësuar Jezusi gjatë tre viteve të Tij me ta. Fryma e Shenjtë do t'u mësonte po ashtu atyre tërë gjërat e tjera që Jezusi donte që ata të dinin (Gjoni 14:26). Pastaj apostujt mësuan kishën në Jerusalem atë që u kishte mësuar Jezusi dhe gjërat e reja që u kishte mësuar Fryma e Shenjtë. Perëndia pajisi njerëzit të shkruanin të vërtetat të cilat donte që besimtarët t'i dinin. Ne i quajmë këto shkrime Dhiata e Re, e cila është pjesa e fundit e Biblës sonë. Perëndia donte që edhe ne të dëgjonim, besonim dhe bindeshim vullnetit të Zotit Jezus (2 Timoteut 3:16-17; 2 Pjetrit 3:15-18). Këto të vërteta në Bibël, që u shkruan nga njerëzit e zgjedhur të Perëndisë, janë ato që ne duhet t'i njohim, besojmë dhe bindemi. Urdhërat e Perëndisë ndaj Kishës së Tij nuk ndryshojnë kurrë.

Besimtarët takoheshin si grup, të ndarë nga jobesimtarët (Veprat 2:42). Ata kujtonin vdekjen e Zotit. Kjo kohë përkujtimi quhet Darka e Zotit. Natën kur Juda tradhtoi Jezusin, në fund të Festës së Pashkës, Zoti Jezus mësoi dishepujt e Tij këtë mënyrë të veçantë për të kujtuar vdekjen e Tij. Buka: Luka 22:19. Jezusi mori bukën që ishte para Tij në tryezë, e theu dhe ua dha apostujve të Tij. Ai u tha atyre të kujtonin trupin e Tij të cilin do ta jepte në kryq për mëkatet e tyre dhe mëkatet e tërë botës. Apostujt udhëzuan besimtarët në Jerusalem të kujtonin Zotin Jezus në këtë mënyrë. Edhe ne duhet të kujtojmë trupin e Tij të pamëkatë që e dha për ne. Sa herë që marrim pjesë në Darkën e Zotit, ne duhet të falënderojmë Perëndinë për Jezusin dhe flijimin e trupit të Tij për ne. Kupa: Luka 22:20. Kur pinë verën, ata do të kujtonin gjakun e Jezusit që u derdh për mëkatarët. Për shkak të gjakut të Jezusit që dha për ne, Perëndia bëri një marrëveshje apo "besëlidhje" të re. Perëndia bëri një marrëveshje me tërë ata që besojnë në gjakun e Jezusit se do të marrin faljen nga tërë mëkatet e tyre dhe do të kenë jetën e përjetshme.

Kisha e parë në Jerusalem vazhdonte po ashtu të kalonte kohë së bashku duke iu lutur Perëndisë (Veprat 2:42). Lutja ishte shumë domethënëse në jetën e Zotit Jezus kur ishte këtu në tokë. Jezusi, që ishte Biri i Perëndisë, foli me Atin e Tij në çdo kohë. Edhe ne duhet të lutemi: si individë, familje dhe si Kishë e Zotit Jezu Krisht.

Kisha në Jerusalem tregoi dashuri për besimtarët e tjerë duke i ndihmuar dhe

duke i dhënë njëri-tjetrit (Veprat 2:44-45). Këtë do Zoti edhe prej nesh. Edhe nëse nuk kemi para për t'ia dhënë Zotit, ne mund të japim kohën tonë për të bërë gjërat për dikë apo për kishën. Ne mund të ndihmojmë njëri-tjetrin duke përgatitur ushqimin për një të sëmurë, duke bërë pazarin apo duke ndihmuar në shtëpi, duke u kujdesur për fëmijët e një prindi të sëmurë apo të zënë me punë: lista është e gjatë. Zoti pranon atë që u japim besimtarëve të tjerë ashtu sikur të ishte bërë për të.

Besimtarët e Jerusalemit falënderuan Perëndinë dhe e lavdëruan: për faljen e mëkateve të tyre, për dhuratën e jetës së përjetshme që kishin marrë përmes Zotit Jezu Krisht dhe për kujdesin e Tij të përditshëm për ta (Veprat 2:46-47). A e kujton se si Izraeli lavdëroi Zotin kur i shpëtoi, por pastaj u ankuan dhe u rebeluan kundër Tij? Ata harruan tërë gjërat e mrekullueshme që kishte bërë për ta. Ky duhet të jetë një paralajmërim për secilin prej nesh, sepse është shumë e rëndësishme që të vazhdojmë ta lavdërojmë Perëndinë edhe kur gjërat nuk shkojnë mirë dhe po kalojmë kohë të vështira.

Apostujt dhe besimtarët po u thoshin të tjerëve lajmin e mirë që mëkatarët mund të shpëtohen përmes Zotit Jezus (Veprat 2:47). Çdo ditë njerëz të rinj po besonin te Zoti Jezus si Çlirimtari i premtuar. Dëshmia ndaj të tjerëve është përgjegjësia e çdo besimtari. Ne duhet të përdorim çdo mundësi për t'u mësuar njerëzve mesazhin e ungjillit.

Shumë njerëz që u bënë pjesë e kishës në Jerusalem u ishte dhënë privilegji për ta parë Jezusin me sytë e tyre. Ne nuk e kemi parë ende, por në Bibël Ai na ka lënë të shkruar ndodhitë e jetës së Tij dhe për jetën që jeton përmes Kishës së Tij. Edhe pse kanë kaluar 2,000 vjet Kisha është ende e gjallë dhe kemi gëzimin për të qenë pjesë e saj.

## Veprimtari shtesë

Merr pjesë në kishë për tri javë rresht dhe shkruaj datat më poshtë. Tregoji mësuesit tënd kur t'i plotësosh të tjera.

---

Data

---

Data

---

Data

## Varg përmendsh

*Hebrenjve 10:24-25a: Dhe le të kujdesemi për njëri-tjetrin, për t'u nxitur për dashuri dhe vepra të mira, pa hequr dorë nga të mbledhurit bashkë tonin, sikurse kanë zakon disa, por të nxisim njëri-tjetrin.*

**Nxitur:** inkurajuar

**Hequr dorë:** braktisur

**Të mbledhurit:** Takimi me të krishterë të tjerë për adhurim dhe përbashkësi

**Nxisim:** inkurajojmë

## Historia

- Nuk mund të pres deri të dielën, - tha Karola.
- Pse? - pyeti xhaxhi Piteri. - Çfarë ka të veçantë kjo e diel?
- Sepse ajo vajza të cilës po i dëshmoj do të vijë në kishë me mua për herë të dytë,
- tha Karola. - Ajo ka vizituar edhe kisha të tjera, por mendoj se i pëlqen kisha jonë.
- A tha ajo se çfarë shikon ndryshe te kisha jonë në krahasim me të tjerat ku ka marrë pjesë? - pyeti xhaxhi Piteri.
- Shiko, këtë e di me siguri, - tha Karola. - Të rinjtë në kishë ishin shumë miqësorë me të. Edhe të rriturit iu prezantuan. Dhe pastori i kërkoi nëse mund t'i bënte një vizitë në shtëpi për të takuar familjen e saj.
- Çfarë mendoi për këtë? - pyeti xhaxhi Piteri.
- Ajo tha se do t'i kthente përgjigje këtë javë, - u përgjigj Karola. - Ajo tha se të atit nuk i pëlqen të shkojë në kishë. Ai nxorri një seri justifikimesh, si: "Nuk kam rroba të bukura për të veshur"; "Ata nuk predikojnë të vërtetën"; "Asnjë nuk silltet me mirësjellje me mua"; "Unë mund ta adhuroj Perëndinë në shtëpi. Nuk kam nevojë të shkoj në kishë për ta adhuruar".
- Duket se ai nuk e di se çfarë u urdhëron Perëndia besimtarëve për t'u takuar që ta adhurojnë Atë dhe për përbashkësinë e krishterë, - tha xhaxhi Piteri. - Jo se nuk mund ta dhurojmë Perëndinë në shtëpi, sepse Perëndia është i lumtur kur e adhurojmë kudo ku jemi, por Ai e bën të qartë se dëshiron gjithashtu të takohemi së bashku.
- Shiko, do të lutem që babai i saj ta lejojë pastorin t'i shkojë për vizitë, - tha Karola. - Ai kujdeset me të vërtetë për njerëzit në komunitetin e tij dhe po kështu njerëzit në kishë. Dhe askujt prej nesh nuk i intereson për veshjet që vesh dikush.
- Po mesazhi i pastorit? - pyeti xhaxhi Piteri. - A e pëlqeu shoqja jote?
- Po, - u përgjigj Karola. - Ajo tha se mësoi shumë nga mësimi i Shkollës të së Dielës dhe nga mesazhi i pastorit. Mendoj se kjo është hera e parë që ka dëgjuar një mesazh sipas Biblës!



Rretho numrin e fjalive më poshtë që nuk janë të vërteta rreth përbashkësisë së besimtarëve:

Shënim: përbashkësia mund të nënkuptojë miqësi, bashkëpunim, njerëz që kanë të njëjtat interesa, njerëz që ndihmojnë njëri-tjetrin, që kujdesen për njëri-tjetrin dhe që duan njëri-tjetrin.

1. Besimtarët takohen së bashku për t'iu lutur Perëndisë.
2. Besimtarët ndihmojnë njëri-tjetrin.
3. Besimtarët duhet të mos shoqërohen me jobesimtarë.
4. Besimtarët duhet të jenë miqësorë me jobesimtarët dhe të kalojnë kohë me ta për t'u folur për ungjillin.
5. Besimtarët duhet të takohen së bashku për të falënderuar Perëndinë dhe ta lavdërojnë Atë.
6. Besimtarët, sot, nuk duan që të takohen me jobesimtarët ndërsa adhurojnë Perëndinë.
7. Besimtarët kujtojnë vdekjen e Çlirimtarit me Darkën e Zotit.
8. Besimtarët u thonë të tjerëve rreth planit të shpëtimit të Perëndisë: ungjillit.

***Por, po të ecim në dritë, sikurse ai është në dritë, kemi bashkësi njeri me tjetrin, dhe gjaku i Jezu Krishtit, Birit të tij, na pastron nga çdo mëkat.  
(1 Gjonit 1:7)***

#### Karta Awana 6 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Apostulli Pal u shkruan një letër të krishterëve



Në Librin e Veprave të Apostujve lexojmë se apostujt udhëtuan në shumë qytete. Disa nga librat e Dhiatës së Re kanë marrë emrin nga këto vende. Librat u shkruan në fillim si letra drejtuar kishave dhe të krishterëve individualë gjatë kohës në të cilën jetonin apostujt. Tani këta libra janë Fjala e Perëndisë për ne. Këto libra u shkruan nga apostujt dhe njerëzit e tjerë që u zgjodhën nga Fryma e Shenjtë.

Fryma e Shenjtë përdori apostullin Pal për të shkruar shumicën e letrave në Dhiatën e Re. Pali kishte qenë drejtuesi i atyre që përndoqën, burgosën dhe vranë besimtarët (Veprat 7:58-59; 8:3). Megjithatë jeta e tij ndryshoi pasi takoi Zotin Jezus rrugës për në Damask (Veprat 9:1-6). Pali u bë besimtar dhe misionar. Ai udhëtoi në shumë vende të largëta, nga Jerusalemi në Korint, duke u treguar njerëzve lajmin e mirë rreth Zotit Jezus: që Ai vdiq për tërë mëkatarët, u varros, u ngjall përsëri dhe është ulur në të djathtë të Perëndisë. Pali donte të predikonte ungjillin në qytetet ku nuk ishte shpallur ende.

Pali u thirr nga Perëndia për t'u shpallur lajmin e mirë johebrenjve apo kujtdo që nuk ishte jude (2 Timoteut 4:17). Ai dëshironte të vizitonte kishën në Romë. Rrugës për në Spanjë ai planifikoi të vizitonte kishën në Romë. Kështu ai shkroi një letër besimtarëve në Romë, qoftë për të shpjeguar planin e tij qoftë për t'u shpallur atyre mësimin e tij të ungjillit. Ky ishte mesazhi i ungjillit që kishte paraqitur në çdo vend ku kishte punuar si misionar (Kolosianëve 1:23). Pali u shkroi shumicën e letrave të tij kishave, si kishës në Romë, të cilat ishin themeluar falë punës së të tjerëve. Letra të cilën Pali e shkroi nga Korinti ndaj besimtarëve në Romë quhet tani Letra e Romakëve.

Në letrën e Palit drejtuar Romakëve, të cilën do ta studiojmë këtë vit, Perëndia shpjegon të vërtetat e mrekullueshme rreth shpëtimit dhe rreth jetës tonë në Krishtin. Këto të vërteta na ndihmojnë të rritemi në njohjen tonë të Perëndisë dhe rreth asaj që kanë bërë për ne. Këto të vërteta na ndihmojnë të jetojmë jetën në Krishtin, duke u rritur në marrëdhënien tonë me Perëndinë. Dhe ato na ndihmojnë t'u tregojmë të tjerëve në mënyrë të qartë për Të.

Pali u prezantohet besimtarëve në Romë duke thënë së pari se ishte "...një shërbëtor i Jezu Krishtit...". Pali donte të thoshte se ishte një shërbëtor vullnetar i Jezusit. Pali, para se të takonte Zotin në rrugën për në Damask, ishte shërbëtor i mëkatit, vetes dhe Satanit. Megjithatë, nga koha kur takoi Zotin Jezus, Pali e dëshoi Atë dhe u bë shërbëtori i Tij me vullnet të lirë deri sa vdiq. Pali vazhdoi letrën e tij duke thënë se ishte "...thirrur për të qenë apostull...". Kjo do të thotë se Pali u zgjodh nga Zoti Jezus dhe u dërgua si përfaqësuesi i Tij për t'u treguar të tjerëve lajmin e mirë rreth Jezusit. Gjëja e tretë që Pali thotë për veten në kapitullin 1, vargu 1, për letrën

drejtuar besimtarëve në Romë ishte se ai ishte “...i veçuar për ungjillin e Perëndisë”. Pali, për shkak se ishte thirrur nga Zoti Jezus për të qenë përfaqësuesi i Tij, nuk donte të kalonte kohën e tij duke fituar para, duke jetuar për kënaqësitë e tij, duke pushuar tërë kohën apo duke bërë vetëm ato gjëra që kishte qejf. Ai nuk do të fliste për mesazhin e vet. Ai do të fliste vetëm mesazhin e Perëndisë.

Pali kujtoi besimtarët që ata duhet të ishin “*të dashur nga Perëndia...*”. Ne na thuhet në Fjalën e Perëndisë se Perëndia do tërë botën dhe dha Birin e Tij për të vdekur për të gjithë. Megjithatë ai ka një marrëdhënie shumë të veçantë me tërë ata që janë bërë bijtë e Tij përmes besimit në Zotin Jezus. Pali u tha besimtarëve në Romë se ata ishin “*thirrur shenjtore...*”. Secili prej nesh që është bir i Perëndisë është po ashtu i shenjtë. I shenjtë do të thotë “ai që është i ndarë”. Në çastin që vendosim besimin tonë në Zotin Jezus si Shpëtimtari ynë, Perëndia na veçon për veten dhe shërbesën e Tij. Para se ti dhe unë të bëheshim bijtë e Perëndisë, përmes ndikimit të Satanit, ne ishim mëkatarë në qëndrimet dhe veprimet tona. Megjithatë, nga çasti që lindëm në familjen e Perëndisë, u veçuam nga Perëndia për t’u përdorur vetëm prej Tij për të bërë gjërat që i pëlqejnë Atij.

Besimtarët në Romë u shpëtuan me anë të hirit të Perëndisë kur besuan në Zotin Jezus. Pali uronte favor për ta nga Perëndia, që do të thoshte gëzim, lumturi, siguri, begati, kënaqësi dhe të tjera. Pali uronte po ashtu për ta bekime që rridhnin nga paqja me Perëndinë. Edhe pse jemi tani në paqe me Perëndinë, zemrat dhe mendjet tona mund të shqetësohen. Ndonjëherë shqetësohemi në vend që të besojmë në Zotin për t’u kujdesur për ne. Perëndia dëshiron që tërë besimtarët të kenë siguri që Ai është Ati i tyre dhe se i do ata dhe kujdeset për ta.

Si besimtarë edhe ne, si Pali, duhet t’u shpallim të tjerëve këtë lajm të mirë të shpëtimit me anë të hirit përmes Jezu Krishtit.

## Varg përmend

***Veprat 20:24: Por unë nuk dua t'ia di fare për jetën time që nuk e çmoj aq, sa ta kryej me gëzim vrapimin tim dhe shërbesën që mora nga Zoti Jezus, të dëshmoj plotësisht ungjillin e hirit të Perëndisë.***

## Historia

Ndërsa Xhoni dhe Karola po prisnin që të vinte xhaxhi Piteri për studimin e tyre javor biblik, ata po diskutonin për studimin e tyre të ri te libri i Romakëve.

- Jam i gëzuar që do të studiojmë një prej librave në Bibël që ka shkruar Pali, - thotë Xhoni. - Mendoj se do të jetë një prej njerëzve të mi të preferuar në Bibël. Nuk njoh njeri sot që do të jepte jetën për t'i shërbyer Perëndisë ashtu si Pali.

- Nuk mendoj se do të isha i lumtur të jepja çdo gjë vetëm për t'u thënë njerëzve të tjerë për ungjillin, - tha Karola. - Kam shumë plane për vete pasi të mbaroj vitin e fundit të shkollës. Dua të udhëtoj dhe të kem një shtëpi të bukur, rroba, makinë....

- Dukesh shumë egoiste, - ndërpreu Xhoni. - Nuk e di se si Perëndia mund të quajë shenjtore kur mendon vetëm për vete!

- Nuk po mendoj vetëm për vete! - tha Karola. - A nuk mund t'i kem tërë këto gjëra dhe përsëri t'u them miqve për Jezusin?

- Nuk duket se të ka ngelur shumë kohë për t'u treguar të tjerëve për ungjillin, - tha Xhoni. - Ja ku po vjen xhaxhi Piteri. Le ta pyesim se çfarë mendon.

- Për çfarë do të më pyesnit ju të dy? - pyeti xhaxhi Piteri.

- Mund ta kutoj se si Perëndia e quajti Palin shenjtor, - tha Xhoni, - sepse shkoi në burg dhe u vra për predikimin e ungjillit. Por nuk mund ta kuptoj se si Karola të quhet shenjtore.

- As ti nuk mund të jesh shenjtor, Xhon! - qeshi Karola. - Ajo që mësuam për shenjtorët sot, xhaxhi Piter, është ndryshe nga ajo që kishim kuptuar më parë për ta. Kemi menduar gjithmonë se vetëm dikujt që ka bërë gjëra të mëdha për Perëndinë i është dhënë nderi të quhet shenjtor. Tani, shohim në Bibël se tërë besimtarët në Jezu Krishtin quhen shenjtorë, edhe pse nuk kanë bërë diçka të madhe për Të.

- Kjo është e vërtetë, - tha xhaxhi Piteri. - Megjithatë, është po ashtu nder të jesh shenjtor, një pjestar i familjes së Perëndisë, me privilegjin për t'i shërbyer Atij në çfarëdo lloj mënyrë që vendosim t'i pëlqejmë Atij.

- E dëgjove, Karola? - pyeti Xhoni. - Perëndia dëshiron që t'i pëlqejmë Atij, jo vetes!

- Është e vërtetë, t'i pëlqejmë vetëm vetes nuk i pëlqen Perëndisë, - tha xhaxhi Piteri, - por kjo nuk ndryshon pozicionin tonë. Sapo bëhemi shenjtorë, ne gjithmonë mbetemi shenjtorë!



Fjalitë e mëposhtme janë fakte të vërteta rreth apostullit Pal. Mbush hapësirat bosh me këto fjalë.

- a. lajmin e mirë      b. besimtar      c. përdoqën      d. misionar      e. Biblës  
f. Zoti Jezus      g. burgosën      h. Fryma e Shenjtë      i. Pal      j. vranë

1. Pali kishte qenë drejtuesi i atyre që \_\_\_\_\_, \_\_\_\_\_ dhe \_\_\_\_\_ besimtarët (Veprat 7:58; 8:3).
2. Megjithatë jeta e Palit ndryshoi kur takoi \_\_\_\_\_ rrugës për në Damask (Veprat 9:1-6).
3. Pali u bë \_\_\_\_\_ dhe \_\_\_\_\_.
4. Pali udhëtoi në shumë vende të largëta, duke u shpallur njerëzve \_\_\_\_\_ për Zotin Jezus.
5. \_\_\_\_\_ zgjodhi apostujt dhe njerëzit e tjerë për të shkruar letra kishës dhe besimtarëve individualë gjatë kohës që ishin gjallë apostujt. Disa nga këto letra u bënë libra të \_\_\_\_\_.
6. Personi të cilin përdori Fryma e Shenjtë për të shkruar shumicën e këtyre letrave ishte apostulli \_\_\_\_\_.

## Veprimtari shtesë

Për të mësuar për kthimin e Palit lexo Veprat e Apostujve 7:58-59; 8:3 dhe 9:1-6.

### Karta Awana 7 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Pali ishte i kushtuar predikimit të Ungjillit



Pali falënderoi Zotin për besimin e të krishterëve romakë. Besimi i tyre në Krishtin njihet dhe flitej për të nga njerëzit në shumë vende. Bindja dhe besimi i tyre në Zotin Jezus shihej lehtësisht nga të tjerët nga mënyra se si jetonin dhe nga gjërat që thoshin. Kështu duhet të jetë edhe për ne. A flasin njerëzit për besimin tonë në Jezu Krishtin? A çuditën ata se si i besojmë Perëndisë në çdo situatë, pavarësisht se sa e vështirë është?

Pali lutej vazhdimisht për besimtarët në Romë. Edhe ne duhet të lutemi me besim për miqtë tanë besimtarë, për ata të cilëve po u mësojmë ungjillin për herë të parë dhe për ata që nuk kanë dëgjuar ende Fjalën e Perëndisë.

Pali donte të përdorej nga Zoti për të ndihmuar besimtarët të ecnin me Zotin dhe të forcoheshin edhe më tej në besimin e tyre. E tërë jeta e Palit ishte kushtuar veprës së predikimit të Fjalës së Perëndisë. Për Palin kjo ishte gjëja më e rëndësishme në botë. Ai donte të kujtonte besimtarët për gjërat që ata i dinin tashmë nga Fjala e Perëndisë dhe donte po ashtu t'i mësonte gjërat e reja të cilat Zoti i kishte mësuar atij.

Pali e dinte po ashtu se ai do të inkurajohej duke dëgjuar se si Zoti tregonte dashurinë dhe kujdesin e Tij të vazhdueshëm për besimtarët romakë. Të gjithë kemi nevojë për përbashkësinë me të krishterët e tjerë. Kur takohemi së bashku mund t'i themi njëri-tjetrit se si Perëndia po tregon dashurinë dhe kujdesin e Tij për ne. Ne mund të inkurajojmë po ashtu besimtarët e tjerë që vuajnë nga sëmundje, borxhe apo probleme familjare. A ke miq, familje apo fqinj që vuajnë apo që janë të shkruajuar, të cilët duhet t'i inkurajosh? A kanë reshtur së ardhuri në kishë? Çfarë mund të bësh për t'i ndihmuar (Hebrenjve 10:24-25; Kolosianëve 1:9-11, 28-29)? Një mënyrë për të ndihmuar të tjerët është të lutemi për ta dhe t'u mësojmë mesazhin e Perëndisë. Fjalët e Perëndisë mund të sjellin paqe, na shtojmë t'i bindemi Zotit dhe na bëjnë të fortë në besimin tonë duke e ditur se kemi dashurinë dhe kujdesin e vazhdueshëm të Perëndisë (Kolosianëve 2:2-3).

Pali, i cili kishte qenë kreu i atyre judenjve që përndiqnin, burgosnin dhe vrisnin besimtarët, e konsideronte veten si një prej mëkatarëve më të mëdhenj, megjithatë Perëndia kishte fuqinë ta shpëtonte nga ndëshkimi i mëkatit dhe pushteti i Satanit. Pali e dinte se Zoti Jezus donte që ai t'u thoshte të tjerëve për lajmin e mirë: i njëjti mesazh i ungjillit që e shpëtoi atë dhe tërë mëkatarët që besojnë. Le të mendojmë për këtë. Mendo sikur të ketë këtu një shpërthim sëmundjesh dhe njerëzit të vdisnin. Mendo sikur qeveria të dërgonte një anije me ilaçin shërues dhe të të kërkonte që këtë ilaç t'ua jepje të gjithëve: pa pagesë. A do të ishte e drejtë që ta mbaje ilaçin për vete dhe të refuzoje ta ndaje me të tjerët? Jo! Si përfaqësues i zgjedhur i qeverisë do të ishte

përgjegjësia jote t'ua mundësoje ilaçin të gjithëve.

Zoti Jezus erdhi në botë dhe vdiq për tërë mëkatarët (1 Korintasve 15:3). Para se të kthehej në qiell ai ua besoi lajmin e mirë të ungjillit tërë bijve të Tij në mënyrë që ata t'ia jepnin çdo personi në botë. Kur ishte gjallë Pali ungjilli iu besua atij. Ungjilli iu besohet tani tërë atyre që janë bijtë e Perëndisë. Ne jemi përgjegjës për të çuar lajmin e mirë të tërë njerëzit. Perëndia na ka caktuar të jemi lajmëtarët e Krishtit. Ne jemi përgjegjës për t'ua shpallur mesazhin e Tij të shpëtimit atyre që nuk e kanë dëgjuar kurrë.

Le të falënderojmë Perëndinë në lutje për shpëtimin tonë dhe t'i kërkojmë Atij të na ndihmojë t'ua shpallim të tjerëve ungjillin e Jezu Krishtit.



Vendos X para çdo pohimi të vërtetë më poshtë.

Pali lutej vazhdimisht për besimtarët në Romë.

Edhe ne duhet të lutemi me besnikëri:

- \_\_\_\_\_ Për miqtë tanë besimtarë,
- \_\_\_\_\_ Për ata të cilëve po u mësojmë ungjillin për herë të parë,
- \_\_\_\_\_ Për tërë ata që nuk kanë dëgjuar ende për Fjalën e Perëndisë.

Pali donte të përdorej nga Zoti për të ndihmuar besimtarët të ecnin me Zotin dhe të bëheshin edhe më të fortë në besimin e tyre.

- \_\_\_\_\_ Ai donte t'i kujtonte për gjërat që njihnin tashmë nga Fjala e Perëndisë.
- \_\_\_\_\_ Ai donte gjithashtu t'u mësonte gjëra të reja të cilat u kishte mësuar Zoti.

Pali e dinte se ai do të inkurajohej duke dëgjuar se si Zoti kishte treguar dashurinë dhe kujdesin e Tij të vazhdueshëm për besimtarët romakë.

Ne të gjithë kemi nevojë për përbashkësi me të krishterë të tjerë:

- \_\_\_\_\_ Në mënyrë që t'u themi të tjerëve se si Perëndia tregoi dashurinë dhe kujdesin e Tij për ne.
- \_\_\_\_\_ Në mënyrë që mund të inkurajojmë besimtarët e tjerë që po vuajnë nga sëmundje apo probleme financiare apo ekonomike.

# Varg përmendsh

**2 Korintasve 5:20: Ne, pra, bëhemi lajmëtarë për Krishtin, sikurse Perëndia të këshillonte nëpërmjet nesh; dhe ne ju këshillojmë juve për hir të Krishtit: Paqtohuni me Perëndinë!**

**Lajmëtarë:** Përfaqësues të caktuar

**Këshillonte:** kërkonte

**Për hir:** në vend

**Paqtohuni:** Ndryshuar nga armiq në miq

## Historia

- E di që mendon se apostulli Pal ishte një drejtues i madh i krishterë, Xhon, - tha Karola, - por e kam të vështirë të kuptoj se si dikush si Pali mund të përdorej nga Perëndia për diçka të mirë, sidomos si ambasadori i Perëndisë!

- As unë nuk e kuptoj, - tha Xhoni, - por mendoj se ka të bëjë me Perëndinë që ka mëshirë ndaj nesh. Ne kemi përjetuar mëshirën e Tij ndaj nesh, apo jo, Karola?

- Po, - tha Karola, - por nuk kam bërë ndonjë gjë aq të keqe!

- Nuk mendoj se ka rëndësi para Perëndisë se sa i keq është mëkati, - tha Xhoni. - Mëkati është mëkat.

- Ja ku po vjen xhaxhi Piteri, - tha Xhoni. - Përshëndetje, xhaxhi Piter. Po diskutojmë për mësimin tonë rreth Palit. Karola nuk po kupton se pse Perëndia përdori dikë si Pali të bënte diçka të mirë për Të kur ai kishte bërë aq shumë gjëra të tmerrshme ndaj besimtarëve.

- Disa gjëra rreth Perëndisë janë të vështira për t'u kuptuar, - tha xhaxhi Piteri. - Megjithatë, nëse mendon për mësimin tonë sot, do të kujtoni që sapo besojmë në Jezu Krishtin dhe në atë që ka bërë për ne në kryq, Perëndia fal tërë gjërat e këqija, edhe gjërat që kemi bërë në të shkuarën. Ai na shikon vetëm si të drejtë, pa mëkat.

- Perëndia duhet ta ketë dashur shumë Palin sa i fali mëkatin e tij të përndjekjes së të krishterëve, - tha Karola. - Nuk mendoj se ai meritonte të falej për këtë!

- Askush nuk meriton të falet për ndonjë mëkat, - tha xhaxhi Piteri. - Dhe Pali e dinte këtë. Pali nuk ishte krenar për atë që kishte bërë para se të bëhej besimtar. Por ai e dinte se Perëndia e kishte falur për tërë mëkatet. Vazhdoj të jem i çuditur se si Perëndia mund ta shikoj Palin dhe tërë besimtarët e tjerë dhe të na shohë ne ashtu sikur të mos kishim mëkatuar dhe pastaj të na japë privilegjin për t'i shërbyer. Po, Karola, Perëndia na do me të vërtetë të gjithëve!

- Tani e kuptoj se pse Pali donte që të gjithë të njihnin se duheshin nga Perëndia dhe mund të faleshin përgjithmonë për tërë mëkatet e tyre, - tha Xhoni. - Ai e dinte se duhej shumë dashuri për të falur atë që ishte bërë. Ai duhet ta ketë ditur që nëse

Perëndia mund ta donte, Ai mund të donte dhe falte këdo. Mendoj se na duhen më tepër njerëz si Pali që janë gati t'u flasin të tjerëve rreth dashurisë dhe faljes së Perëndisë.

- Gjithmonë do të kemi nevojë për më tepër ambasadorë për Krishtin, - tha xhaxhi Piteri.

*Sepse Perëndia e deshi aq botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetë të përjetshme (Gjoni 3:16).*



Plotësoni vendet bosh për të përfunduar fjalinë. Mund të gjeni përgjigjet te Gjoni 3:16

**Lajmëtarët flasin për lajmin e mirë: lajmi i mirë  
që Jezusi vdiq për mëkatarët, u varros,  
dhe u ngjall përsëri ditën e tretë.**

Perëndia, përmes këtij mesazhi të fuqishëm, çliron \_\_\_ ata që besojnë nga ndëshkimi i mëkatit, pushteti i Satanit dhe ndarja e përjetshme nga Perëndia.

## Veprimtari shtesë

A ke miq, familje apo fqinj që vuajnë apo që janë të shkurajuar, të cilët duhet t'i inkurajosh? A kanë reshtur së ardhuri në kishë? Çfarë mund të bësh për t'i ndihmuar? Tregoji mësuesit se si mund të ndihmosh dikë që njeh. Kërkoji mësuesit të lutet me ty që të bësh gjënë e duhur për ta ndihmuar.

### Karta Awana 8 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Perëndia dënon mëkatin



Kur Perëndia krijoi gjithçka mëkati nuk ekzistonte. Për një farë kohe Adami dhe Eva ecën në marrëdhënie të ngushtë me Krijuesin e tyre, Perëndinë. Por kur Adami dhe Eva mëkatuan, ata u ndanë nga Perëndia. Për shkak të tyre tërë njerëzimi lindi mëkatar dhe ishte i ndarë nga Perëndia. Ndëshkimi për mëkatin është vdekja.

Në kohë të ndryshme në historinë e botës Perëndia ka shfaqur zemërimin e Tij ndaj mëkatit dhe rebelimit të njeriut kundër Perëndisë. Shumica e njerëzve në botë refuzuan të dëgjonin paralajmërimet e Perëndisë. Prandaj Perëndia shfaqti zemërimin e Tij duke ndëshkuar njerëzit për mëkatet e tyre. Ai shfaqti në fillim zemërimin e tij në kopshtin e Edenit. Adami dhe Eva mëkatuan duke u rebeluar kundër Perëndisë. Prandaj Perëndia mallkoi tokën dhe e nxorri Adamin dhe Evën nga kopshti të cilin e kishte përgatitur për ta (Zanafilla 3:23-24). Që prej asaj kohe ka pasur sëmundje, brengë dhe vdekje në tërë botën.


Zemërimi i Perëndisë kundër rebelimit të njeriut u shfaq përsëri qartë në kohën e Noeut (Zanafilla 6-8). Perëndia shkatërroi tërë botën me anë të një përmbytje të madhe. Dhiata e Vjetër flet shumë herë të tjerë kur Perëndia shfaqti zemërimin e Tij kundër mëkatit. Perëndia shkatërroi Sodomën dhe Gomorrën (Zanafilla 19). Perëndia ndëshkoi egjiptianët se refuzuan t'i bindeshin urdhërit të Tij për të çliruar popullin e Tij, izraelitët (Eksodi 7-14). Megjithatë Dhiata e Re flet për shfaqjen më të madhe që na ka dhënë Perëndia për urrejtjen e Tij ndaj mëkatit. Perëndia ndëshkoi Birin e Tij në kryq për mëkatet tona. Kur Jezusi u var në kryq, errësira mbuloi tërë vendin për tri orë. Zoti Jezus thirri: *"Perëndia im, Perëndia im, pse më ke braktisur?"* Zemërimi i Perëndisë ndaj mëkatit ra mbi Birin e Tij, Zotin Jezu Krisht. Të gjitha gjërat e shkruara në Dhiatën e Vjetër dhe të Re i zbulojnë tërë botës që Perëndia urren mëkatin dhe nuk do ta lërë pa ndëshkuar.

Johebrenjtë refuzuan hapur Perëndinë dhe të vërtetën (Romakëve 1:18-20). Kush ishin johebrenjtë? Çdo person që nuk ka lindur si pasardhës i Abrahamit, Isakut dhe Jakobit është johebre. Perëndia thotë se johebrenjtë nuk kanë justifikim që nuk e njohin. Ai u ka treguar në mënyrë të qartë përmes gjërave që ka krijuar se ekziston dhe se është Krijuesi shumë i lartë. Dielli, hëna, yjet, toka dhe gjërat që janë në tokë, janë provë e qartë për tërë njerëzit se Ai është Krijuesi shumë i lartë (Psallmi 19:1-6). Prandaj Ai duhet të adhurohet si Perëndia i vetëm sovran. Megjithatë çfarë bëri shumica e njerëzve? Ata refuzuan të falënderonin Perëndinë dhe ta adhuronin.

Çdo brez vazhdoi të harronte gjithnjë e më tepër rreth Perëndisë dhe u bë aq i marrë dhe i keq sa që filluan të adhurojnë kafshët, zvarranikët dhe gdhendjet e statujat e burrave dhe grave. Njerëzit zgjodhën të mos mendonin apo dëgjonin për të vërtetën.

Si rezultat paraardhësit tanë humbën njohurinë e Perëndisë së vërtetë dhe të gjallë. Prandaj Perëndia lejoi që ata të ndiqnin dëshirat e këqija të zemrave të tyre. Ata refuzuan Perëndinë si Krijuesi i tyre dhe sunduesi sovran dhe lejuan dëshirat e tyre të liga që t'i drejtonin.

Le të mendojmë se si ishim para se të shpëtoheshim. Edhe ne ishim mëkatarë. Për çdo mendonim në shumicën e kohës? Me çfarë e kalonim kohën? Si u flisnim të tjerëve? A ishim gjithmonë të mirë? A mendonim gjithmonë për atë që ishte më e mira për të tjerët apo vinim veten të parën? Duke menduar për këto gjëra, na ndihmon të jemi mirënjohës për gjithçka që ka bërë Krishti për ne. Dhe na ndihmon të jemi të durueshëm dhe të mirë me të tjerët që nuk e njohin ende Krishtin.



Çfarë justifikimi kishin johebrenjtë për të mos besuar te Perëndia?

---

Lexo Romakëve 1:20 dhe Isaia 44:24

**Perëndia thotë se tërë njerëzit nuk kanë justifikim që nuk e njohin ekzistencën dhe fuqinë e Tij. Çdo ditë, kur shohim gjërat që ka bërë dhe na ka dhënë, duhet të dimë se Ai është Krijuesi shumë i lartë.**

# Varg përmendsh

***Romakëve 1:18: Sepse zemërimi i Perëndisë zbulohet nga qielli për çdo pabesi e padrejtësi të njerëzve, që mbysin të vërtetën në padrejtësi.***

**Zemërim:** Tërbim

**Pabesi:** Rebelim kundër Perëndisë

**Padrejtësi:** Mendime dhe sjellje mëkatore

## Historia

- Xhaxhi Piter! - thirri Karola, ndërsa po vinte drejt tij me vrap. - Dua të të them se çfarë më ndodhi rrugës nga shkolla për në shtëpi sot!

- Çfarë, Karola? - pyeti xhaxhi Piteri.

- Shiko, nga t'ia filloj? - tha Karola, duke u përpjekur të merrte frymë lirshëm. - E para, ka ardhur një vajzë e re në klasën tonë në shkollë. Dhe po mendoja për një mënyrë se si të bëhesha shoqe me të. E dini se çfarë? Ajo jeton afër nesh, kështu që u kthym në shtëpi së bashku. Sapo u ndava me të pak minuta më parë.

- Fantastike, Karola! - tha Xhoni që ishte me xhaxhi Piterin. - Tani ke një shoqe me të cilën mund të kalosh kohën. A është e krishterë ajo?

- Jo, - tha Karola, - por kjo është më fantastikja. Në klasë mësuesi po fliste përsëri se si u formua bota. Dhe ajo nuk beson se e ka krijuar Perëndia. Por rrugës për në shtëpi e pyeta Donën se çfarë mendonte për diskutimin që patëm në klasë. Dhe ajo tha se besonte se çfarë thoshte mësuesi, sepse nuk kishte dëgjuar asnjëherë ndonjë shpjegim tjetër se si u formua bota.

- Oh, mund ta imagjinoj se sa u gëzove për këtë! - qeshi Xhoni.

- Ke të drejtë! - tha Karola e gëzuar. - Dhe ndërsa po flisnim për këtë, po ecnim në park ku janë tavolinat e piknikut. Shiko, në një prej tavolinave ishte një ushqim që dukej i mrekullueshëm dhe ishte rregulluar shumë bukur. Kishte pjata me ushqime që nuk i kishim parë më parë. Kishte pjatanca, mbulesë tavoline, edhe zbukurime. Menjëherë e kuptuam se ato nuk kishin ardhur vetë; dikush e kishte gatuar atë ushqim. Dhe ne do të donim ta kishim takuar atë person për ta pyetur....


- E di, e di! - ndërpreu Xhoni. - Ti i the Donës që, ashtu siç e dinit pa asnjë dyshim që ushqimi nuk shkoi atje vetë, por që dikush duhet të ketë rregulluar tryezën, duhet të jemi gjithashtu në gjendje të shohim botën dhe të dimë që nuk u krijua vetë dhe duhet të zbulojmë se kush e bëri.

- Pak a shumë, - tha Karola duke qeshur.



Perëndia u tregoi qartë njerëzve me anë të gjërave që krijoi se ekzistonte dhe se Ai është Krijuesi i madh. Lista e mëposhtme me fjalë përfshin disa nga gjërat që krijoi Perëndia. Vendosi këto fjalë në kutitë e sakta në fjalëkryqin më poshtë. E para është gati.

**Kafshët Lulet Yjet Uji Toka Hëna Peshku Pemët Dielli**



## Veprimtari shtesë

Bëj një listë me dhjetë gjëra të tjera që sheh vërdallë teje të cilat i ka krijuar Perëndia. Thuaja mësuesit tënd dhjetë gjërat.

### Karta Awana 9 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Plani i shpëtimit i Perëndisë



Apostulli Pal donte t'ua shpallte ungjillin johebrenjve mëkatarë. Edhe pse disa mund të mos e kenë menduar veten si njerëz të këqinj, tërë gjërat e mira që mund të kenë bërë mund t'i shpëtojnë nga zemërimi i Perëndisë. Ndëshkimi për mëkatin është vdekja.

Sot do të zbulojmë se çfarë mendon Perëndia për popullin jude (pasardhës të Abrahamit, Isakut dhe Jakobit) dhe për tërë "mirësinë" e tyre. Judenjtë mendonin se ishin më të mirë se johebrenjtë. Ata besonin se mund të siguronin miratimin e Perëndisë me anë të gjërave të mira që bënin dhe duke zbatuar ligjin. Judenjtë mendonin se ishin të drejtë: duke bërë gjithmonë atë që ishte e drejtë.

Judenjtë nuk miratonin gjërat e këqija që bënin johebrenjtë, por ata bënin të njëjtat mëkate, por në mënyrë tjetër. Ata kishin po ato mendime të këqija në mendjet e tyre dhe në fshehtësi i rebeloheshin urdhërimeve të Perëndisë.

Pali paralajmëroi judenjtë se thjesht ngaqë nuk miratonin mënyrën e të jetuarit të johebrenjve, nuk do të thoshte se ata do t'i shpëtonin ndëshkimit për mëkatin. Perëndia mund të shikonte tërë mëkatet e tyre! Ky paralajmërim nga Pali nuk ishte vetëm për judenjtë, por për tërë njerëzit që gjykonin të tjerët dhe nuk shikojnë që edhe ata vetë janë mëkatarë.

Judenjtë mendonin se ngaqë Perëndia nuk po i ndëshkonte për mëkatet e tyre të fshehta, Ai nuk do t'i ndëshkonte kurrë. Ajo që nuk kuptonin ishte se Perëndia shikonte, urrente dhe planifikonte t'i ndëshkonte për mëkatet e tyre. Pali tha se arsyeja se pse Perëndia nuk ndëshkon menjëherë mëkatarët është se Ai është i durueshëm. Perëndia dëshiron t'u japë mëkatarëve kohë të ndryshojnë mendjet e tyre. Ai dëshiron që çdo person të pendohet, pra, të bjerë dakord me Të që është mëkatar dhe ka nevojë për falje. Megjithatë, do të vijë një kohë kur do të ndëshkohen për të gjitha mëkatet që mendojnë se do të shpëtojnë. Kur të vijë dita e gjykimit, tërë ata që refuzojnë të pendohen do të vuajnë tërë zemërimin e tmerrshëm të Perëndisë ndaj mëkateve të tyre (Hebrenjve 2:2-3; 2 Pjetrit 3:3-10).

Perëndia do të gjykojë si judenjtë ashtu edhe johebrenjtë. Ai do të gjykojë sipas asaj që kanë bërë, jo vetëm ato që i shikojnë njerëzit, por edhe ato që janë në mendjet dhe zemrat e tyre. Perëndia nuk mban me hatër. Judenjtë mendonin se do t'i shpëtonin gjykimit të Perëndisë për shkak se ishin judenj dhe Perëndia u dha atyre Dhjetë Urdhërimet për t'iu bindur dhe për të fituar shpëtimin e tyre. Njohja thjesht e ligjit nuk e bën një person të pranuar para Perëndisë. Që një person të pranohet nga Perëndia duhet t'i bindet ligjit në mënyrë të përsosur. A mendonte Pali se ishte e mundur që dikush mund t'u bindej ligjeve të Perëndisë në mënyrë të përsosur dhe të

mernte jetën e përrjetshme si shpërblim nga Perëndia? Absolutisht jo! Askush nuk mund t'i zbatojë tërë ligjet dhe sikur të shkelet një ligj i vetëm, nuk ka shpërblim.

A e kujton Adamin? Adami ishte babai i tërë njerëzve në botë. Për shkak se Adami mëkatoi, tërë njerëzit kanë lindur mëkatarë dhe nuk janë në gjendje t'i pëlqejnë Perëndisë. Perëndia e dinte se askush nuk mund t'i pëlqejë Atij dhe të pranohet si i drejtë (pa mëkat) prej Tij. Kështu Perëndia dha ligjin e Tij të shkruar për të mësuar tërë njerëzit që ata janë mëkatarë të pashpresë (Romakëve 3:20). Mëkatarët nuk mund të zbatojnë tërë ligjin në çdo çast.

Po johebrenjtë? Ata nuk i kishin Dhjetë Urdhërimet. A është e drejtë që ata të ndëshkohen për mëkatën e tyre, kur nuk kishin ligjet për t'i mësuar se çfarë ishte e gabuar? Le të mendojmë pak. Edhe para se të studionim Fjalën e Perëndisë, ne e dinim në zemrat tona se ishte e gabuar të vrisje, vidhje, gënjeje, kryeje tradhti bashkëshortore dhe të mos u bindeshe apo të mos nderoje prindërit. Edhe sikur prindërit tanë të mos na mësonin këto gjëra, do t'i kishim ende këto gjëra të shkruara nga Perëndia në ndërgjegjet tona (ajo pjesë e jona që na ndihmon të njohim se çfarë është e drejtë dhe e gabuar). Megjithatë, a i kemi bërë siç duhet ato gjëra të cilat e dinim se ishin të drejta? Jo! Edhe para se të na mësonin Fjalën e Perëndisë, zgjodhëm të mos i bindeshim kësaj njohurie të brendshme të së drejtës dhe së gabuarës. Tërë njerëzit, në çdo vend, kanë bërë të njëjtën gjë. Kështu ne dimë se megjithëse johebrenjtë nuk kishin ligjin e shkruar, vepra e ndërgjegjes së tyre të dhënë nga Perëndia u ka dhënë informacionin e mjaftueshëm për atë që është e drejtë dhe e gabuar për të njohur se janë fajtorë.

Tërë ata që refuzojnë t'i besojnë ungjillit do të gjykojnë dhe do të shkojnë në ferr nga Zoti ynë Jezu Krisht, i dinin ose jo Dhjetë Urdhërimet. A mund të bëjmë diçka për këtë? A ekziston dikush që ka humbur i cili duhet të dëgjojë ungjillin? Le të mendojmë për këtë.

**Perëndia dëshiron që tërë  
njerëzit të pajtohen me Të  
se janë mëkatarë dhe kanë  
nevojë për faljen e Tij.**

## Varg përmendsh

**Romakëve 3:10-12: Siç është shkruar: “Nuk ka asnjëri të drejtë, as edhe një. Nuk ka asnjëri që të kuptojë, nuk ka asnjëri që të kërkojë Perëndinë. Të gjithë kanë dalë nga udha e tij, që të gjithë janë bërë të padobishëm, nuk ka asnjë që të bëjë të mirën, as edhe një”.**

**Të drejtë:** Të bësh atë që është e drejtë

**Kuptojë:** Njohë me të vërtetë se kush është Perëndia

**Të padobishëm:** Pa vlerë, e prishur, e kotë

## Historia

- Uh, oh! - i bëri Xhoni xhaxhi Piterit. - Po vjen Karola dhe nuk duket e lumtur!

- Ke te drejtë! - pranoi xhaxhi Piteri. - Përshëndetje, Karola, si e ke hallin? Ke pasur një ditë të keqe në shkollë?

- Jo, nuk është shkolla problemi, - tha Karola. - Jam e mërzitur me Xhimin. Ai mendon se e ka drejt!

- Vërtetë! - tha Xhoni duke qeshur. - Kjo është një fjalë e rëndësishme nga studimi ynë i Biblës. Po më vjen çudi!

- Nuk është për të qeshur, Xhon! - tha Karola.

- Na thuaj më shumë, Karola, - tha xhaxhi Piteri. - Çfarë të ka bërë Xhimi që të ka mërzitur kaq shumë?

- Xhoni e di, - tha Karola, - se si Xhimi flet gjithmonë vërdallë se sa i krishterë i mirë është dhe se si të gjithë duhet të besojnë në Perëndinë dhe të jetojnë si ai. Por sot nuk veproji si i tillë kur një prej studentëve e kapi duke vjedhur në shkollë. Ky student, që quhet Bill, ka pasur shumë probleme në shtëpi dhe kërkon të bëjë atë që është e drejtë, por vazhdon të bëjë atë që është e gabuar. Mendoja se Xhimi do të ishte dakord me mua që duhet t'i flasim Billit se si Perëndia mund ta ndihmojë me problemet e tij. Por jo, Xhimi tha që nuk duhet të merremi me të, meqë ai është një person i keq. Nuk po u besoja veshëve! Si do të mësojë Billi se çfarë është e drejtë dhe çfarë e gabuar nëse nuk ia thotë dikush?

- Jam dakord me ty, Karola, - tha xhaxhi Piteri. - Billi e ka kuptuar tashmë që ka bërë diçka të keqe. Ai thjesht nuk di se si të ndalojë së bëri atë që është e gabuar. Ja pse i duhet shpjeguar ungjilli. Ai nuk do të jetë kurrë në gjendje të ndryshojë vetë. Ai ka nevojë për ndihmën e Perëndisë.

- Nuk e di se pse Xhimi duhet të hiqet si i drejtë, - tha Xhoni. - E pashë atë që po kopjonte detyrat e matematikës në klasë. A nuk është edhe kopjimi mëkat?

- Po, është, - u përgjigj xhaxhi Piteri. - Ndoshta problemi është se Xhimi është si judenjtë në kohën e Palit. Ai beson në mirësinë e tij për t'u bërë i pranueshëm para Perëndisë, por nuk kupton që Perëndia shikon mëkatën e tij, edhe nëse mendon se të tjerët nuk e shikojnë: ai nuk mund t'ia fshehë Perëndisë. Duket sikur edhe Xhimit duhet t'i kujtojmë të vërtetën në Bibël!



Rretho përgjigjen e saktë:

1. Shumica e judenjve në kohën e Palit besonte se mund t'i bindeshin ligjit që u kishte dhënë Perëndia (Dhjetë Urdhërimet) dhe të meritonin shpëtimin e tyre. **E vërtetë / E Rreme**
2. Tërë judenjtë në kohën e Palit ishin të drejtë; ata bënë vetëm atë që ishte e mirë dhe e drejtë. **E vërtetë / E rreme**
3. Perëndia tha se nëse dikush nuk i bindet qoftë edhe një prej ligjeve të Tij, Ai nuk do t'i pranonte. **E vërtetë / E rreme**
4. Perëndia e di nëse dikush nuk i bindet njërit prej ligjeve të Tij, edhe nëse e bën në fshehtësi. **E vërtetë / E gabuar**
5. Kur Perëndia krijoi njerëzit, Ai na dha ndërgjegjen: diçka brenda nesh që na ndihmon të vendosim nëse diçka është e drejtë apo e gabuar. E vërtetë / E rreme.
6. Johebrenjtë përpiqeshin gjithmonë të bënin atë që ishte e drejtë në sytë e Perëndisë. **E vërtetë / E gabuar**
7. Johebrenjtë kishin një justifikim të mirë për të mos bërë atë që ishte e drejtë, sepse nuk kishin Dhjetë Urdhërimet për t'u treguar se çfarë ishte e drejtë. **E vërtetë / E gabuar**
8. Edhe pse ndërgjegjja e johebrenjve mund t'u ketë thënë diçka të gabuar, ata shpesh zgjidhnin të mos i bindeshin asaj që u thoshte ndërgjegjja. **E vërtetë / E gabuar.**
9. Tërë ata që refuzojnë të besojnë tek ungjilli do të gjykohen dhe ndëshkohen për mëkatin e tyre me anë të Zotit Jezu Krisht. **E vërtetë / E gabuar.**

## Veprimtari shtesë

A njeh dikë që mendon se është aq i mirë sa të pranohet nga Perëndia? Lutu për atë person dhe kërko një rast për t'i shpallur ungjillin. Kërkoji edhe mësuesit tënd të lutet.

### Karta Awana 10 e përfunduar

Firma e mësuesit \_\_\_\_\_

Data \_\_\_\_\_


Pikët shtesë? \_\_\_\_\_

# Drejtësia e Perëndisë (Pjesa 1)



Njerëzit në çdo vend kërkojnë lehtësim apo një rrugëdalje për shqetësimet e mëdha dhe problemet e jetës. Por shpesh kërkojnë në vendet e gabuara, për shkak se nuk kuptojnë se shkak kryesor i problemit të tyre është mëkati (Romakëve 3:10-11). Në vend që të kërkonte ndihmën e Perëndisë, ata kërkuar paratë. Ata kërkuar lavdërimin nga njerëzit e tjerë. Ata kërkuar kënaqësi. Ata kërkuar ato gjëra që do t'i bënin të lumtur. A mendon se ndonjë nga ato gjëra do të zhdukë problemet e tyre? Jo!

Disa njerëz mendojnë se mund t'i braktisin problemet dhe shqetësimet e jetës nëse janë aq të mirë sa t'i pëlqejnë Perëndisë. Nëse nuk u binden ligjeve të Perëndisë, Ai do të kujdeset për to. A është e mundur? Kemi mësuar tashmë se bindja ndaj ligjit nuk mund të shpëtojë askënd, sepse nuk ekziston askush i aftë t'i bindet (Romakëve 3:20). Ligji i Perëndisë vërteton se tërë njerëzit janë të padrejtë: mëkatarë që meritojnë vdekjen.




Pali thotë se njerëzit nuk kanë asnjë justifikim. Ata kishin krijimin e Perëndisë, ligjin e shkruar dhe ligjin e shkruar në ndërgjegjen e tyre për të mësuar se çfarë është e drejtë dhe e gabuar. Ata nuk mund të argumentojnë me Perëndinë për mëkatin në jetën e tyre. Perëndia e di se ekziston. Mendo pak: nëse një person do të kapej duke dalë nga dyqani me diçka në xhep për të cilën nuk ka paguar, çfarë mund të thotë ai person për të vërtetuar pafajësinë e tij? Nuk do t'i sillte asnjë dobi nëse do të përpiquej të argumentonte, apo jo? Nuk do të kishte asgjë që mund të thoshte për të vërtetuar se është fajtor dhe nuk meriton ndëshkimin. Po kështu është me tërë njerëzit para Perëndisë, Gjykatësin e tërë botës. Të gjithë janë fajtorë për mëkat dhe meriton të ndëshkohet nga Perëndia. Perëndia ka vërtetuar me anë të ligjit të Tij se, pa asnjë dyshim, të gjithë kanë mëkatuar dhe kanë nevojë për një Shpëtimtar për t'i shpëtuar nga ndëshkimi që meritojnë.

Ne e dimë që Perëndia, Krijuesi ynë, është i drejtë (i përsosur dhe pa mëkat)

dhe se Ai nuk mund të jetë mik me ata që nuk janë të drejtë. Megjithatë kemi mësuar se njerëzit nuk mund të bëhen të drejtë me anë të përpjekjeve të tyre vetjake. Perëndia dëshironte që të dinim se vetëm drejtësia që ka siguruar Ai mund të na bëjë të pranueshëm para Tij. Perëndia siguroi drejtësi për mëkatarët përmes vdekjes, varrosjes dhe ringjalljes së Zotit tonë Jezus.

A kujton se kemi mësuar që Jezusi, i cili është plotësisht i shenjtë dhe i drejtë (pa mëkat), mori tërë mëkatet mbi vete në kryq? Kur u bëmë besimtarë, drejtësia e Jezusit u bë edhe e jona, në mënyrë që Perëndia të na shohë të përsosur, pa mëkat. Kjo është mrekulli!



Kërkesat për t’iu bindur ligjit nuk mund të na shpëtojnë, por bindja e Krishtit po (Romakëve 8:3-4). Perëndia është i drejtë dhe i paanshëm duke na shpallur të drejtë, sepse kemi vënë besimin tonë në Jezus Krishtin, të Drejtin, i cili derdhi gjakun e Tij për mëkatet tona. Tërë mëkatet e besimtarëve, të shkuarat, të tashmet dhe të ardhshmet, janë falur për shkak të pagesës një herë e përgjithmonë të Krishtit për mëkatin. Kjo drejtësi që na bën të pranueshëm para Perëndisë nuk është diçka që kemi fituar, por është falas. Është e rëndësishme për ne të kuptojmë se, kur Perëndia pranon besimtarët në drejtësinë e Krishtit, nuk do të thotë se besimtarët nuk janë më mëkatarë (1 Gjonit 1:8). Ne jemi ende mëkatarë, por Perëndia na shikon përmes Jezus Krishtit. Ai na shikon të çliuar nga mëkati, sepse na shikon përmes Birit të Tij të dashur.

Vetëm dashuria e Perëndisë mund ta shtyjë Atë të bëjë këtë për mëkatarët. Ne nuk e meritojmë këtë dhuratë. Perëndia e bën vetëm ngaqë është i mëshirshëm dhe plot hir. Në Krishtin ne jemi çliuar nga mëkati dhe Satani. Ne nuk do të vihem me kurrë nën kontrollin e mëkatit dhe Satanit!

## Veprimtari shtesë

Ne nuk duhet të vazhdojmë të jetojmë në mëkat. Fjala e Perëndisë na tregon një rrugëdalje: *“Por janë shfajësuar falas me anë të hirit të tij, nëpërmjet shpengimit që është në Krishtin Jezus”*. Mëso dhe thuaja përmendsh mësuesit tënd Romakëve 3:24.

# Varg përmendsh

***Romakëve 3:23: Sepse të gjithë mëkatuan dhe u privuan nga lavdia e Perëndisë.***

## Historia

Pas mësimit të Biblës Xhoni dhe Karola qëndruan për të folur me xhaxhi Piterin për një prej miqve të tyre në shkollë.

- Xhaxhi Piter, - tha Xhoni, - mësimi i sotëm na bën të mendojmë rreth një shokut tonë në shkollë të cilit po përpiqemi t'i dëshmojmë. Familja e tij po kalon disa probleme dhe nëse nuk i ndihmon kush së shpejti, shoku ynë është i shqetësuar që babait të tij do t'i ndodhë diçka e keqe.

- A është sëmurë i ati? - pyeti xhaxhi Piteri.

- Jo, - tha Karola, - Ne nuk e dimë se cilat janë problemet e tyre, por mendoj se kanë probleme me paratë dhe të atin mund ta heqin nga puna së shpejti.

- I ati harxhonte paratë në bixhoz, - tha Xhoni. - Ai mendon se po të fitojë një shumë të madhe, mund t'i zgjidhen tërë problemet, por më tepër humbet se sa fiton.

- Shoku ynë mendon se i ati mund të bëhet aq i dëshpëruar se sa të detyrohet të vjedhë, - tha Karola.

- A mendon se i ati do të ishte i interesuar të dëgjonte për ndihmën që mund të marrë nga Perëndia? - pyeti xhaxhi Piteri.

- Jo, - tha Xhoni. - Kemi folur me mikun tonë dhe ai është shumë i interesuar, por thotë se prindërit e tij nuk janë të interesuar. Ata kanë thënë se nuk besojnë në asnjë fe, kështu që nuk duhet të ndjekin ndonjë rregull që ka Perëndia. Ai tha se ata kanë thënë që Dhjetë Urdhërimet janë vetëm për judenjtë, kështu që mund të bëjnë çfarë të duan.

- Prandaj mësimi ynë i sotëm na kujton shokun tonë, - tha Karola. - Shoku ynë tha se prindërit e tij kanë shumë rregulla për të në shtëpi dhe disa prej tyre janë njësoj si Dhjetë Urdhërimet.

- Dhe një prej tyre ka të bëjë me vjedhjen, - tha Xhoni. - Mendoj se ke të drejtë që Perëndia na jep një ndërgjegje që na thotë se disa gjëra janë të gabuara që t'i bëjmë.

- Po, - tha Karola, - por duket sikur babai i shokut tonë po mendon të shkelë një prej këtyre rregullave.


- Duhet të lutemi të gjithë që prindërit e shokëve tanë të kuptojnë që ligjet e Perëndisë janë për këdo, janë apo nuk janë judenj, - tha xhaxhi Piteri. - Meqë të gjithë janë mëkatarë, të gjithë janë nën ligjin e Perëndisë, pa justifikime.

- Shiko, meqë shoku ynë është i interesuar për ndihmën e Perëndisë, - tha Xhoni, - do të vazhdojmë t'i flasim për nevojën e tij për një Shpëtimtar.

- Jam i kënaqur që po e dëgjoj këtë! - tha xhaxhi Piteri.



Fjalët në të djathtë me numra më poshtë do të të ndihmojnë të plotësosh fjalët që ke studiuar në këtë mësim. Kur të mbarosh ushtrimin, do të zbulosh një fjalë tjetër te shkronjat e rrethuara në kolonën në të majtë. Ji gati të shpjegosh domethënien e kësaj fjale.



1. Kur dikush nuk mund të bëjë diçka, ata kërkojnë ndihmën tënde.
2. Një fjalë tjetër për ligjet
3. Krijuesi ynë
4. Të marrësh diçka që nuk të përket.
5. Kush quhen mëkatarë?
6. Jezu Krishti është \_\_\_\_\_ ynë.
7. Ke bërë atë që të kanë thënë të bësh.
8. Ai ka kontroll ndaj mëkatarëve.

Mund të zgjedhësh nga këto fjalë. Ka një fjalë shtesë që nuk do të të duhet.

**Vjedh   Të gjithë   Bindje   Shpëtimtar   Ndhimën   Perëndia   Rregullat   Satan**

### Karta Awana 11 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Drejtësia e Perëndisë

## (Pjesa 2)



*Ju në fakt, jeni të shpëtuar me anë të hirit, nëpërmjet besimit, dhe kjo nuk vjen nga ju, po është dhurata e Perëndisë, jo nga vepra, që të mos mburret askush (Efesianëve 2:8-9).*

Në vargun tonë sot na kujtohet se nuk janë gjërat e mira që bëjmë të cilat na shpëtojnë nga ndëshkimi i mëkatit. Është pranimi i dhuratës së shpëtimit që ka siguruar Jezusi për ne kur mori ndëshkimin për mëkatet tona. Jezusi pagoi tërë borxhin e mëkatit kur vdiq në kryq duke derdhur gjakun e Tij, u varros dhe u ngjall prej së vdekurish.

A kujton premtimin që Perëndi i bëri Abrahamit dhe të tjerëve para se Krishti të vinte në tokë? Ai premtoi të dërgonte Çlirimtarin që do t'i shpëtonte nga mëkati, kontrolli i Satanit dhe përjetësia në liqenin e zjarrit. Tërë ata që besuan në ardhjen e Çlirimtarit të premtuar zbatuan udhëzimet e Perëndisë për faljen e përkohshme të mëkateve të tyre. Perëndia donte që njerëzit të kujtonin se ndëshkimi për mëkatin e tyre është vdekja. Perëndia u tha atyre që besuan në Të të sillnin një kafshë si ofertë për mëkatet e tyre. Kafsha duhet të therej dhe gjaku i saj duhet të derdhej. Perëndia e dinte se gjaku i kafshëve nuk do të paguante tërë borxhin e mëkatit të atyre që besuan në Të. Kështu pse fali mëkatet e tyre nëse flijimet e kafshëve nuk do të paguanin tërë borxhin? Sepse Perëndia e dinte se Zoti Jezus do të vinte dhe do të paguante çmimin e plotë për tërë mëkatet e tyre. Pagesa e Jezusit në kryq përfshinte po ashtu tërë ata që e panë në tokë dhe besuan, po ashtu edhe ata që do të besojnë në Të në të ardhmen, ashtu si ne.

Perëndia nuk ka rrugë të ndryshme shpëtimi për njerëz të ndryshëm. Ka vetëm një rrugë shpëtimi për tërë njerëzit kudo e në çdo kohë (Veprat 4:12). Ngjyra e lëkurës, sa para kemi, kë njohim: asnjë prej këtyre apo ndryshime të tjera nuk ndikojnë shpëtimin tonë. Ligji i shenjtë i Perëndisë kërkonte vdekjen tonë se kemi shkelur ligjin e Tij, kështu Perëndia dërgoi Zotin Jezus për të marrë ndëshkimin për ne (Romakëve 8:3-4). Ligji ngulte këmbë po ashtu se të gjithë ata që pranon Perëndia duhet të jenë plotësisht të drejtë. Kështu Perëndia siguroi drejtësinë e Tij për ne.

Edhe pse ne nuk mund të bëhemi të drejtë duke iu bindur ligjit, kjo nuk do të thotë se ligji nuk është i mirë. Ligji është ende i dobishëm për t'u treguar njerëzve mëkatin e tyre, ndëshkimin për mëkatin dhe nevojën e tyre të Shpëtimtarit të premtuar. Mosbindja ndaj ligjit nuk do të na bëjë të kemi frikë ndarjen e përjetshme nga Perëndia. Megjithatë Perëndia ka shkruar ligjet e Tij (njohurinë e asaj që është e drejtë dhe e gabuar) në zemrat dhe mendjet e bijve të Tij dhe ata duhet t'u binden atyre (Hebrenjve 8:10).

Ne duhet të jemi shumë mirënjohës që Perëndia na do aq shumë saqë, edhe pse nuk mund të zbatojmë ligjin e Tij në mënyrë të përsosur, Ai na ka dhënë këtë dhuratë të shpëtimit, duke na quajtur të drejtë: diçka që nuk e meritojmë. Ky është hir!



Ndaj këto fjalë në vargun tënd përmendsh dhe pastaj bëj një vijë nga fjala sipas përkufizimit përkues në të djathtë.

<b>ebism</b>	dhuratë që nuk e meritoj nga Perëndia
<b>urmbeurm</b>	shpëtuar nga pushteti i Satanit dhe ndëshkimi i mëkatit
<b>rhi</b>	siguri në atë që ka bërë Krishti për të më shpëtuar nga mëkati
<b>tërpashu</b>	gjërat e mira që bëj
<b>trepva</b>	krenohem

# Varg përmendsh

*Efesianëve 2:8-9: Ju në fakt, jeni të shpëtuar me anë të hirit, nëpërmjet besimit, dhe kjo nuk vjen nga ju, po është dhurata e Perëndisë, jo nga vepra, që të mos mburret askush.*

**Hir:** dhuratë e pamerituar nga Perëndia

**Shpëtuar:** çliuar nga pushteti i Satanit dhe ndëshkimi i mëkatit

**Besim:** siguri në atë që ka bërë Krishti për të më shpëtuar nga mëkati

**Vepra:** gjërat e mira që bëj

**Mburret:** Krenohet

## Historia

- Kujtoj kur folëm për Abrahamin shumë kohë më parë, - tha Karola. - Mendoj se do të jetë zhgënjyer që nuk pa të realizohen premtimet e Perëndisë kur ishte gjallë. Mendoj se po të isha unë, do të vija në dyshim nëse do të realizoheshin një ditë.

- Edhe unë, - pranoi Xhoni. - E di që po të isha në vend të Abrahamit, do të filloja të besoja te Perëndia pasi të më jepte djalin që më premtoi, por pastaj do të dyshoja nëse do të mbante pjesën tjetër të premtimeve të Tij.

- Prandaj Abrahami u quajt i drejtë nga Perëndia, - tha xhaxhi Piteri. - Besimi i tij në Perëndinë ishte i fortë dhe ai u besoi premtimeve të Perëndisë.

- Do të doja që Perëndia të më jepte atë lloj besimi, - tha Karola. - Pastaj nuk do të vija në dyshim disa nga gjërat që po dëgjoj.

- Para së gjithash, - tha xhaxhi Piteri, - ne mund t'i kërkojmë Perëndisë të rrisë besimin tonë, por është zgjedhja jonë për ta përdorur. Abrahami zgjodhi vetë të vendoste tërë besimin e tij në premtimet e Perëndisë ndaj tij. Ky është besim, të jesh i sigurt që diçka është e vërtetë, edhe pse nuk e shikon se çfarë është. Nuk është gjithmonë diçka e lehtë për t'u bërë.

- Nëse ne kemi vendosur besimin te Perëndia, nuk duhet të jetë aq e vështirë, apo jo, xhaxhi Piter? - ndërpreu Xhoni.

- Ke të drejtë, - u përgjigj xhaxhi Piteri. - Perëndia është i vetmi tek i cili mund të vendosim tërë besimin tonë. T'i kthehem asaj që the, Karola. Jam i interesuar se pse çfarë ke dyshime. A e kemi diskutuar më parë këtë gjë?

- Kam siklet ta pranoj, - tha Karola, - por nganjëherë më vijnë ndërmend disa mendime që nëse bëj diçka të gabuar, Perëndia nuk do të më pranojë më. Nuk e di pse më vijnë, por më shqetësojnë vazhdimisht. Mendoj se kam nevojë për më tepër besim, ë?

- Shiko, Karola, - tha xhaxhi Piteri, - mendoj se po harron se nuk ka të bëjë se sa

e mirë ke qenë për t'u pranuar nga Perëndia, por ngaqë ke besuar në atë që ka bërë Krishti për ty. Javën që vjen do të fillojmë të diskutojmë për premtimet e Perëndisë ndaj tërë besimtarëve. Kjo do të të ndihmojë me dyshimet e tua.

***Perëndia duhet të falënderohet dhe lavdërohet;  
ne nuk kemi asgjë për t'u mburrur.***



Shiko përsëri vargun e sotëm. A ka ndonjë arsye se pse të krishterët duhet të mburren dhe të jenë krenarë ngaqë Perëndia i pranon si të drejtë? Rretho përgjigjet e sakta ndaj kësaj pyetjeje:

1. Jo. Ne marrim drejtësinë me anë të besimit në Jezu Krishtin, jo për shkak të asaj që kemi bërë.
2. Po. Ne kemi punuar për shpëtimin tonë dhe nuk kemi nevojë të varemi nga ajo që bëri Zoti Jezus për ne në kryq.
3. Jo. Ne nuk kemi bërë asgjë për të merituar shpëtimin tonë. Ne kemi marrë dhuratën e shpëtimit vetëm për shkak të hirit të Perëndisë.

## Veprimtari shtesë

Kemi mësuar në këtë mësim me dy pjesë se si mund të bëhemi të drejtë. Shpjegoi mësuesit tënd se si mund të bëhet dikush i drejtë edhe pse është mëkatar.

### Karta Awana 12 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Besimtarët kanë paqe me Perëndinë



Si besimtarë në Jezu Krishtin ne jemi njerëzit më të bekuar në tokë. Ne kemi paqe me Perëndinë. Ne nuk do të marrim kurrë ndëshkimin që meritojmë për mëkatet tona. Përmes Jezu Krishtit Perëndia na ka dhënë gjithçka që kemi nevojë për jetën tonë tani dhe në përjetësi. Ne jemi bijtë e Tij të dashur: të pranuar plotësisht si pjesë e familjes së Tij (Gjoni 1:12; Romakëve 8:14-17). Asgjë nuk mund të ndryshojë mënyrën se si ndihet Perëndia për ne. Ne jemi gjithmonë të mirëpritur në praninë e Tij dhe ne mund t'i flasim gjithmonë Atij. Edhe kur mëkatojmë kundër Tij, Ai na pranon ende plotësisht për shkak të drejtësisë që kemi në Zotin Jezu Krisht.

A do të thotë kjo se Perëndia Ati ynë nuk i intereson nëse nuk i bindemi Atij (Romakëve 6)? Jo, nuk është kjo. Atij i intereson. A të kujtohet kur dikush nuk ka dashur që të jetë afër teje për shkak të diçkaje që ke thënë apo bërë? Njerëzit shpesh vendosin nëse na pëlqejnë nga mënyra se si veprojmë, por Perëndia nuk mendon kështu. Perëndia thotë se marrëdhënia jonë me Të varet vetëm në Jezu Krishtin dhe në bazë të asaj që bëri për ne në kryq. Perëndia nuk ndryshon mendjen dita-ditës për shkak të asaj që themi apo bëjmë.

Ne ngushëllohemi së tepërmi me faktin se jemi tani në paqe me Perëndinë dhe se një ditë do të jemi me Perëndinë përherë në qiell. Por çfarë mund të themi për vështirësitë, problemet dhe trishtimin që duhet të hasim çdo ditë këtu në tokë? Edhe pse jemi bij të Perëndisë, ende duhet të kalojmë përvoja shumë të vështira dhe shpesh të trishtuara në këtë botë. Ndërsa i shërbejmë Zotit, mund të përballemi me zhgënjime dhe sëmundje. Ne mund të përjetojmë edhe përndjekjen për shkak të besimit tonë (Filipianëve 1:26-29). Zoti Jezus hasi shumë prova dhe vështirësi kur ishte këtu në tokë. Të krishterët e parë kishin po ashtu shumë probleme e vështirësi. Prandaj Pali thotë tani në letrën e tij drejtuar të krishterëve në Romë që ata mund të hasin prova dhe probleme. Por ai shpjegon po ashtu se Perëndia na mëson përmes vështirësive që përjetojmë; që Perëndia ndihmon besimin tonë në Të për t'u bërë më të fortë dhe na bën më të sigurt që jemi bijtë e Tij; dhe se Perëndia premton që ne një ditë do të jemi me Të në qiell.

Kur në jetën tonë gjithçka shkon mirë, është shumë lehtë që ne të mendojmë se mund të kujdesemi për veten. Ne harrojmë që kemi nevojë për Zotin në çdo pjesë të jetës sonë. Kur Zoti lejon të vijin problemet në jetën tonë, detyrohemi t'i drejtohemi Atij në lutje dhe të varemi prej Tij për të na dhënë gjërat që kemi nevojë. Le të mendojmë për disa nga mënyrat se si na ndihmon Perëndia përmes lutjes. Ne mund t'i kërkojmë Perëndisë të na japë durim me të tjerët, edhe me armiqitë tanë që na përndjekin. Ne mund të kërkojmë dituri se si t'u përgjigjemi njerëzve që na trajtojnë në mënyrë jo

të drejtë apo na lëndojnë. Ne mund t'i kërkojmë një sjellje të mirë kur na kërkojnë të bëjmë diçka që nuk duam ta bëjmë. Bindja ndaj autoriteteve mbi ne mund të jetë një shembull i mirë ndaj të tjerëve. Ne mund të jemi një shembull i mirë me anë të mënyrës se si sillemi: duke qenë të mirë me të tjerët, të dobishëm dhe që falim. Ne mund t'i kërkojmë Perëndisë të na ndihmojë që të përdorim kohën tonë me zgjuars.

Mëkatarët shpesh shqetësohen dhe ankohen kur kalojnë kohë të vështira. Ata nuk e kanë Zotin Jezus që t'i ndihmojë. Përmes provave ne mund të bëhemi më të ngjashëm me Krishtin ("si Krishti"). Duke e ditur se mund të varemi te Perëndia përmes provave tona dhe duke parë mirësinë e Tij, zemrat tona mbushen me dashuri, paqe dhe gëzim. Ne duhet të kemi një qëndrim të mirë ndaj provave tona, duke dëshiruar t'i pëlqejmë Perëndisë me mënyrën se si sillemi. Le të mos harrojmë, atëherë, që Perëndia nuk do të na e kthejë kurrizin nëse nuk kemi një qëndrim të mirë apo kemi ndonjë mëkat në jetën tonë. Edhe pse Perëndia dëshiron që t'i kthejmë kurrizin mëkatit, Ai do të na dojë gjithmonë dhe do të jetë pranë nesh.



Vetëm për cilët njerëz pohimet e mëposhtme janë të vërteta?

---

Ne kemi paqe me Perëndinë dhe asgjë nuk mund të na e largojë këtë.

Ne e dimë se Perëndia nuk do të na lërë gjatë kohëve të mira apo të vështira.

Ne duhet të presim me padurim kohën kur do të jemi me Perëndinë përgjithmonë në qiell.

Ne nuk duhet të vëmë kurrë në dyshim mirësinë dhe të vërtetën e Perëndisë.

Ne nuk do të kemi kurrë një arsye për t'u turpëruar se jemi bij të Perëndisë!

## Varg përmendsh

***Romakëve 5:1: Të shfajësuar, pra, me anë të besimit, kemi paqe me Perëndinë nëpërmjet Jezu Krishtit, Zotit tonë.***

**Të shfajësuar:** jo fajtorë

## Historia

- E di që e kemi diskutuar këtë më parë, xhaxhi Piter, - tha Karola, - por sot kuptova më në fund se çfarë doje të thoje me provat që duhet të presë të kalojë një besimtar.

- Jam i kënaqur që të ka ndihmuar, - tha xhaxhi Piteri, - sepse me siguri do t'i hasësh një ditë.

- Oh, kam kaluar disa, - tha Karola. - Nuk besoj se ta kam treguar, por disa nga studentët e shkollës më përqeshën dhe folën prapa krahëve, sepse jam e krishterë. Ata nuk duan të më flasin dhe u thonë të tjerëve të mos shoqërohen me mua. Dhe pastaj ka studentë të tjerë që vazhdojnë të më ndërpresin kur i dëshmoj dikujt, duke thënë se e kam gabim. Më lëndon, por tani mund të shoh se si Perëndia po përdor këto përvoja të vështira për të më ndihmuar të bëhem një e krishterë më e mirë.

- Si po të të ndihmon, Karola? - pyeti xhaxhi Piteri.

- Shiko, para së gjithash, - tha Karola, - nga ajo që më mësuat sot, mund të shoh që jam bërë një person më i mirë për shkak të kësaj, sepse kam mësuar të jem më e durueshme me armiqtë e mi. Para se të bëhesha e krishterë, do t'u kisha ngritur zërin atyre që nuk binin dakord me mua apo më përqeshnin. Kam mësuar gjithashtu më tepër për Perëndinë dhe premtimet e Tij për ne, sepse më është dashur të kaloj më tepër kohë me Fjalën e Tij duke gjetur vargje për të vërtetuar se ajo që po u thoja miqve ishte e drejtë. Edhe ti më ke ndihmuar, xhaxhi Piter. Dhe ndonjëherë, kur ndihesha shumë keq, ia paraqisja problemet e mia Perëndisë dhe pashë që ato dilnin për mirë apo qëndrimi im ndaj tyre ndryshonte.

- Duket se po bën atë që kishte ndërmend Perëndia të bënim kur përjetojmë prova, - tha xhaxhi Piteri. - A ke arritur të shohësh gjithashtu se Perëndia është afër teje gjatë momenteve të vështira?

- Oh, po! - tha Karola. - Tani që kuptoj se pse mund të kemi probleme, mund të kuptoj se si Perëndia më ka ndihmuar t'i kaloj. Edhe diçka, Ai më ka dhënë ty të më mësoh Fjalën e Tij dhe të lutesh për mua çdo ditë. Ai më ka mësuar gjithashtu që mund t'i besoj gjithçkaje që thotë në Fjalën e Tij dhe mund t'i drejtohem Atij për çdo problem që kam. Nuk mund të pres gjatë pa shkuar tek Ai. E di tani se do të ishte shumë më mirë nëse do të filloja çdo ditë me Perëndinë në lutje dhe pastaj të kujtoj se Ai është me mua në çdo minutë.



Përdor kodin më poshtë për të gjetur shkronjat që mungojnë, pastaj plotëso vendet bosh për të parë një prej premtimeve të Perëndisë ndaj nesh që gjenden te Ligji i Përtërirë 31:8.

1 = A    2 = E    3 = Ë    4 = I    5 = O    6 = U    7 = Y

"P \_ R V \_ Ç K \_ S \_ J Z \_ T \_ V \_ T \_ C \_ N P \_ R \_ T \_ J \_ ;  
3    2    3    1    5    4    2    3    2    3    1    1    2    2

\_ \_ ; D \_ T \_ J \_ T \_ M \_ T \_ ; N \_ K D \_ T \_ T \_ L \_ R \_  
1 4    5    3    2    3    2    7    6    5    3    3    3    3

DH \_ S ' K \_ P \_ R T \_ T \_ B R \_ K T \_ S \_ R ;  
2    1    3    3    3    1    4    6

M \_ S \_ T R \_ M B D H \_ M \_ S \_ T M \_ R R \_ ".  
5    6    2    2    5    6    2    5

## Veprimtari shtesë

Karola kishte një ide të mirë. Le të fillojmë çdo ditë duke kaluar kohë me Perëndinë, në mënyrë që mund të kujtohem se Ai është me ne gjatë ditës. Një mënyrë se si ta realizojmë këtë është të fillojmë çdo mëngjes duke folur me Perëndinë përmes lutjes, përfshi disa nga idetë që diskutuam në këtë mësim. Pas një jave që ke filluar ditën me lutje, thuaja mësuesit. Mos resht, vazhdo të fillosh ditën në këtë mënyrë dhe do të shohësh se çfarë ndryshimi mund të sjellë në çdo pjesë të jetës tënde.

### Karta Awana 5 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Besimtarët kanë sigurinë e shpëtimit



Nga mësimet e kaluara mësuam se si njerëzit janë përpjekur të shpëtojnë veten dhe kanë dështuar: edhe pse Perëndia thotë se është e pamundur. Kemi mësuar po ashtu se sa mëkatarë jemi, duke qenë kundër Perëndisë dhe gjërave që pëlqen Ai. Ata ishin armiq të Tij. Megjithatë Perëndia shfaq dashurinë e Tij ndaj tyre duke dërguar Birin e Tij për të vdekur për ta (Gjoni 3:16).

Në librin e Romakëve apostulli Pal jep një ilustrim për të treguar se sa e madhe është dashuria e Perëndisë për ne. Para se gjithash Pali tha se do të ishte shumë e vështirë të gjesh dikë që do të ishte në gjendje të vdiste për një person tjetër, edhe sikur ai person të ishte i sigurt dhe të mos kishte bërë asnjë gabim. Pali tha gjithashtu se dikush (edhe pse jo shumë) mund të jetë në gjendje të vdesë për një person që ishte shumë i mirë, i drejtë dhe i dashur (ndoshta një mik i mirë). Megjithatë, çfarë bëri Perëndia? Perëndia dërgoi Birin e Tij të vdiste për armiq të Tij. Kush ka dëgjuar ndonjëherë një lloj të tillë dashurie të treguar nga njerëzit? Njerëzit përpiqen shpesh t'u bëjnë keq armiqve të tyre. Ata shpesh luftojnë kundër tyre dhe madje mund të përpiqen t'i vrasin. Megjithatë Perëndia i deshi armiq të Tij (përfshi ne) dhe dërgoi Birin e Tij për të vdekur për ta.

A kujton se para se të bëheshim të krishterë ne ishim pjestarë të familjes së Adamit, armiq të Perëndisë? Prandaj, edhe ne kemi lindur mëkatarë me trupa që do të vdesin. Ashtu si pasardhësit e Adamit, ne u përfshimë te mëkati i Adamit dhe në ndëshkimin e vdekjes që Perëndia ka vënë mbi Adamin. A nuk je i gëzuar që historia nuk mbaron këtu? Do të kishte mbaruar, nëse Perëndia nuk do ta donte botën dhe nuk do të kishte planifikuar të shpëtonte mëkatarët. Perëndia, në hirin e Tij, siguroi një përfaqësues tjetër: një njeri të dytë: Birin e Tij, Jezu Krishtin. Perëndia dërgoi Birin e Tij në botë në mënyrë që njerëzit të merrnin falje për mëkatet e tyre dhe të lindnin përsëri në familjen e Perëndisë (1 Timoteut 2:5-6). Perëndia nuk do të kërkojë më ndëshkimin e

**Adami**  
U NDA  
NGA PERËNDIA  
dhe vdiq

tërë pasardhësit  
e Adamit

**MËKATOJNË**

JANË TË NDARË

NGA PERËNDIA  
dhe vdesin

**JEZU KRISHTI**

**VDIQ PËR MËKATET**

Të gjithë që janë  
në Krishtin

**JANË TË FALUR**

**NA BLEU  
TE PERËNDIA  
dhe dha jetë të  
përvetshme**

**JANË NË MIQËSI  
ME PERËNDINË  
dhe kanë jetë  
të përvetshme**

vdekjes për mëkatet tona (Hebrenjve 7:25). Përmes vdekjes së Krishtit dimë gjithashtu se nuk jemi më armiq, por miq përgjithmonë me Perëndinë (2 Korintasve 5:19-21).

Zoti Jezus, duke vdekur për të gjithë dhe duke u ngjallur përsëri, siguroi një rrugë për tërë njerëzit që të merrnin falje për mëkatet e tyre, për t'u rikthyer në miqësinë me Perëndinë dhe për të marrë jetën e përjetshme me Të. Tani, si bijtë e Tij, duhet të kemi sigurinë e plotë që dashuria e Perëndisë për ne do të jetë gjithmonë e njëjtë dhe se Ai do të na marrë me vete në qiell. Asgjë nuk mund ta ndryshojë këtë! Tërë njerëzit duhet të bëjnë një zgjedhje. Ata duhet të zgjedhin të vazhdojnë të jenë në Adamin apo në Krishtin.

Ne nuk duhet të harrojmë kurrë se sa e madhe është dashuria e Perëndisë për ne: dashuri aq e madhe saqë Ai dha jetën e Birit të Tij për ne, armiq të Tij, në mënyrë që të kemi jetën përgjithmonë me Të.



Kemi mësuar sot se njerëzit ose janë në Adamin ose në Krishtin. Përko njerëzit me të vërtetat rreth tyre më poshtë (shiko shembullin për ndihmë). Vendos numrin përkues në vijën para pohimeve të sakta.

- |            |                                      |
|------------|--------------------------------------|
| 1. Adami   | 2. Të gjithë ata që janë në Krishtin |
| 3. Krishti | 4. Tërë ata që janë në Adamin        |

- \_\_\_\_\_ janë falur
- \_\_\_\_\_ mëkati
- \_\_\_\_\_ u ndanë nga Perëndia
- \_\_\_\_\_ vdiq për mëkatet
- \_\_\_\_\_ na afroi te Perëndia
- \_\_\_\_\_ do të vdesin
- \_\_\_\_\_ kanë jetë të përjetshme
- \_\_\_\_\_ na dha jetën e përjetshme
- \_\_\_\_\_ vdiq
- \_\_\_\_\_ janë në miqësi me Perëndinë
- \_\_\_\_\_ janë të ndarë nga Perëndia

# Varg përmendsh

**1 Gjonit 4:9: Në këtë është shfaqur dashuria e Perëndisë ndaj nesh, se Perëndia dërgoi Birin e Tij të vetëmlindurin në botë që ne të rrojmë nëpërmjet Tij.**

**Shfaqur:** Dukur; zbuluar

## Historia

- Jam shumë e lumtur! - tha Karola e gëzuar.

- Pse je kaq e lumtur sot? - pyeti Xhoni. - Nuk mbaj mend se ka ndodhur ndonjë gjë e veçantë sot.

- A nuk të pëlqeu mësimi i sotëm biblik, Xhon? - pyeti Karola. - Më në fund kam paqe për shpëtimin tim.

- Nuk kam pasur problem me këtë, - tha Xhoni. - Perëndia tha se nëse besoj te Jezu Krishti si Shpëtimtari im, atëherë jam i shpëtuar përgjithmonë. Kështu unë besova. Mendoj se edhe ti ke besuar.

- Po, sigurisht, - tha Karola, - por vazhdoja të kisha dyshime se mos e humbisja po të bëja diçka të gabuar. Por tani e di se nuk ka të bëjë me mënyrën se si sillem, varet vetëm nga besimi që Jezusi mori ndëshkimin tim në vendin tim duke vdekur për mua në kryq. Nuk e di se pse nuk ishte e qartë më parë, por mendoj se nuk pata dëgjuar mirë. Por nuk mbaron këtu, Xhon. Tani e kuptoj se sa dashuri duhet të ketë pasur Perëndia për ne që lejoi Birin e Tij të vdiste për ne: edhe pse ishim armiq të Tij!

- Po, kujtoj xhaxhi Piterin që fliste për dashurinë e Perëndisë, - tha Xhoni, - por nuk e dija që do të gëzohesha aq shumë për këtë.

- Mendoje pak, Xhon, - tha Karola. - Shumica e njerëzve në të shkuarën nuk i bindej Perëndisë. Në fakt shumë nuk besonin në Të dhe madje e urrenin. Megjithatë Ai ishte gati të lejonte Birin e Tij të përsosur të vinte në tokë dhe të refuzohej, tallej, rrihej dhe vritej për të shpëtuar ata njerëz mëkatarë, edhe ata që e trajtuan aq keq. Atëherë, KËTË e quaj dashuri!

- Por e kemi dëgjuar këtë më parë, Karola, - tha Xhoni. - Nuk e di se pse ndihesh ndryshe tani se sa më parë.

- Mund ta them, - tha xhaxhi Piteri, i cili po dëgjonte në një dhomë tjetër. - Karola është si shumë njerëz të tjerë. Ata mund ta dëgjojnë diçka shumë herë, një të vërtetë të Perëndisë në Fjalën e Tij, para se ta kuptojnë plotësisht. Pastaj, për ta, duket sikur e kanë për herë të parë që e kanë dëgjuar. Jam i gëzuar që Perëndia ka përsëritur shumë nga të vërtetat e Tij në letra të ndryshme ndaj të krishterëve të hershëm. Meqë ato letra ishin edhe për ne, kemi më tepër raste për të pasur një kuptim të qartë të këtyre të vërtetave të rëndësishme. Dhe një ditë, Xhon, shpresoj të gëzohesh edhe më shumë për dashurinë e Perëndisë për ne.



Plotëso vendet bosh më poshtë me këto fjalë:

- |             |           |            |                 |
|-------------|-----------|------------|-----------------|
| 1. i drejtë | 2. botë   | 3. zemërim | 4. i shenjtë    |
| 5. dashuri  | 6. besnik | 7. univers | 8. i mëshirshëm |

Më poshtë janë disa nga shumë gjëra rreth Perëndisë që duhet të na gëzojnë.

Ne gëzohemi që nuk kemi më frikë nga \_\_\_\_\_ i Perëndisë.

Ne gëzohemi që Perëndia është Ai që është: \_\_\_\_\_, \_\_\_\_\_,  
\_\_\_\_\_, \_\_\_\_\_, \_\_\_\_\_, etj..

Ne gëzohemi që Ai drejton \_\_\_\_\_ dhe madje \_\_\_\_\_.

## Veprimtari shtesë

Ne nuk duhet të harrojmë kurrë se sa shumë na do Perëndia. Bëj një listë të të paktën pesë gjërave rreth Perëndisë që shfaqin dashurinë e Tij dhe tregoja mësuesit tënd.

### Karta Awana 14 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Tërë besimtarët janë çliruar nga pushteti i mëkatit



E dimë se vdekja e Jezu Krishtit në kryq pagoi për të gjitha mëkatet tona. Megjithatë ç'mund të themi për jetën tonë si besimtarë në Të? Po mëkatet që kryejmë tani? Si qëndrojmë larg zakoneve të vjetra e mëkatave?

Apostulli Pal na ka kujtuar gjiththmonë se ligji i Perëndisë u dha për të treguar rebelimin e tmerrshëm dhe mëkatar të njerëzve. Megjithatë Pali thotë më pas se dashuria dhe hiri i Perëndisë janë edhe më të mëdha se natyra mëkatore e njerëzve. Besimtarët e dinin se vdekja e Jezusit në kryq mbulonte mëkatet në të shkuarën, në të tashmen dhe në të ardhmen. Kështu Pali u bëri këtë pyetje te Romakëve 6:1: “Çfarë të themi, pra? A të mbetemi në mëkat, që të teprojë hiri?”. Pali e dinte se disa njerëz do të mendonin se ai po mësonte që besimtarët mund të vazhdonin të mëkatonin sepse e dinin që hiri i bollshëm i Perëndisë mund të mbulonte mëkatin e tyre. Pastaj Pali tha në vargun ngjitur, Romakëve 6:2: “Aspak! Ne që jemi të vdekur për mëkatin, si do të jetojmë akoma në të?”. Pali po thoshte se si besimtarë në Krishtin, të krishterët nuk kanë dëshirë të mëkatojnë, sepse e dinë që Perëndia mund t'i shpëtojë prej mëkatit. Kur vetja e tyre e vjetër vdiq me Krishtin, ata nuk duhet të kishin më dëshirë të mëkatonin.

Si kaluam nga Adami në Zotin Jezus? Në çastin që besuam në Zotin Jezus si Shpëtimtarin tonë, Fryma e Shenjtë erdhi të banojë në ne si tempulli i Perëndisë (Gjoni 14:16-17). Kur besuam Fryma e Shenjtë na vuri në Krishtin, përfaqësuesi ynë i ri, duke pasur tani të përbashkët gjithçka me Të. Ashtu siç kishim të përbashkët mëkatin dhe ndëshkimin me Adamin, po kështu kemi tani gjithçka të përbashkët me Zotin Jezu Krisht (Galatasve 2:20). Perëndia dëshiron të dimë që vetja jonë e vjetër (personi i vjetër që ishim në Adamin) ka vdekur me Zotin Jezu Krisht (Galatasve 2:20). Ne vdiqëm me Krishtin, u varrosëm me Krishtin dhe u ngjallëm përsëri me Krishtin.


Ne duhet të kujtojmë se ashtu siç është shpëtimi ynë në Krishtin, po kështu kemi një jetë të re në Krishtin: një miqësi me Perëndinë. Çfarë lloj ndryshimesh duhet të ketë një person i ri në Krishtin? A duhet të kemi qëndrime më të mira ndaj të tjerëve? Po rregullat e bëra nga familjet tona apo të tjerët që kanë autoritet mbi ne? A duhet t'i pranojmë pa u ankuar? Ne nuk duhet të dëshirojmë të bëjmë gjërat mëkatore që bënim dikur, apo jo? Mendo pak. A ka gjëra mëkatore që dëshiron të bësh, por që duhet të reshtësh së bëri?

Kur Zoti Jezus, përfaqësuesi ynë, vdiq, është njësoj sikur tërë besimtarët vdiqën. Duke përjetuar vdekjen me Zotin Jezus, ne u ndamë nga mëkati dhe pushteti i tij.

Mëkati nuk ka më pushtet mbi ne. Ne duhet të dëshirojmë që të rritemi (të piquemi) në këtë jetë të re që na ka dhënë Perëndia përmes Jezu Krishtit.

Le të vazhdojmë të studiojmë Fjalën e Perëndisë për të zbuluar se si mund t'i shërbejmë Atij dhe të bëjmë një jetë që i pëlqen Atij.

**JEZU KRISHTI**  
**vdiq për të gjithë, u**  
**varros për të gjithë**  
**dhe u ngjall prej së**  
**vdekurish për të**  
**gjithë.**



**Besimtari**



**E di që vdiqa,**  
**u varrosa, dhe u**  
**ngjalla për jetë të**  
**re në Krishtin**



Vendosi këto fjalë në rendin e duhur për të treguar një të vërtetë të rëndësishme që Perëndia dëshiron që besimtarët ta dinë.

**që ne të dimë ka vdekur Perëndia dëshiron që natyra jonë**  
**e vjetër me Zotin Jezu Krisht**

Mesazhi: \_\_\_\_\_

\_\_\_\_\_

# Varg përmendsh

**2 Korintasve 5:17: Prandaj nëse dikush është në Krishtin, ai është një krijesë e re; gjërat e vjetra kanë shkuar; ja, të gjitha gjërat u bënë të reja.**

**Krijesë e re:** Tërësisht e re brenda për shkak të Frymës së Shenjtë që jeton në mua.

## Historia

- Mund të kuptoj pse Pali po shkruan aq shumë në letrën e tij ndaj Romakëve se kush është ky person i ri që u bëmë sapo bëhemi të krishterë, - tha Xhoni. - Na duhet shumë shpjegim që ta kuptojmë.

- Edhe unë mendoj ashtu, - tha xhaxhi Piter. - A ka diçka që nuk e kupton ende?

- Ndoshta, - tha Xhoni. - E kuptoj tani se për shkak se Jezusi më përfaqësoi mua në kryq për të paguar borxhin tim të mëkatit, ishte sikur unë të vdisja atje dhe kur u varros, ishte sikur unë u varrosa me Të. Kështu mendoj se vetja ime e vjetër vdiq dhe u varros. Megjithatë, kur Krishti u ngjall, ishte sikur unë u ngjalla me Të. Dhe, kur u ngjalla me Të, u bëra një person i ri. Personi im mëkatar ose vetja ka vdekur dhe është varrosur përgjithmonë. A nuk është kështu, xhaxhi Piter?

- E ke përshkruar shumë mirë jetën tënde të re në Krishtin, - tha xhaxhi Piteri. - Por a kupton se çfarë do të thotë kjo për ty?

- Shiko, - tha Xhoni, - kështu kam një pyetje unë. Ajo që nuk kuptoj është se, nëse jam një person i ri, pse jam ende egoist dhe kam qëndrime të këqija?

- Kjo mund të na ngatërrojë nëse nuk kuptojmë qartë se çfarë do të thotë të jesh një person i ri në Krishtin, - u përgjigj xhaxhi Piter. - Si besimtarë drejtësisë jonë nuk erdhi nga diçka që kemi bërë. Perëndia shikon në ne drejtësinë e Krishtit. Ne jemi ende në gjendje të mëkatojmë. Megjithatë, për shkak se jemi një person i ri në Krishtin, ne kemi fuqinë e Tij që na pengon të mëkatojmë. Ne nuk kemi më dëshirë të fortë për të mëkatuar. Për aq kohë sa e mbajmë mendjen te Krishti dhe tek ajo që Ai dëshiron që të bëjmë, nuk do të kemi probleme me mëkatin në jetën tonë. Do ta trajtojmë këtë pikë më vonë në letrat e Palit.

- Mendoj se ky është problemi im, - tha Xhoni. - Kur filloj të mendoj për veten dhe atë që dua, mëkatoj, edhe pse nuk ndihem mirë.

- Nuk je i vetmi, Xhon, - tha xhaxhi Piteri. - Të gjithë e kemi këtë problem. Prandaj është shumë e rëndësishme të vazhdojmë të lexojmë Fjalën e Perëndisë. Kështu mund të mbajmë mendjen te Krishti dhe të mësojmë se si dëshiron Ai që të veprojmë ai person i ri.

- Kjo më duhet, - tha Xhoni. - Kam nevojë të mësoj se si të jetoj 'në Krishtin', jo 'në veten time'.



Shkruaj ose thuaj mësuesit një listë me pesë gjëra që mund të ketë bërë natyra jonë e vjetër, që jeta jonë e re në Krishtin nuk do të donte të bënim.

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_
5. \_\_\_\_\_

### Karta Awana 15 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_





# Besimtarët janë të vdekur ndaj mëkatit: Jetojnë për Perëndinë

Sot do të vazhdojmë të mësojmë për pozicionin tonë në Krishtin. Si mëkatarë të shpëtuar nga kontrolli i mëkatit, Satanit dhe vdekjes, ne duhet të mësojmë se si mund të jetojmë jetën tonë në mënyrë të tillë që t'i japim lavdi Perëndisë. Perëndia e di se këtë nuk mund ta bëjmë vetëm. Ne kemi nevojë për ndihmë. Le të zbulojmë se nga vjen kjo ndihmë.

Apostulli Pal na thotë te Romakëve 6:11-13 se tërë besimtarët duhet të pranojnë një herë e përgjithmonë se janë të vdekur për mëkatin dhe të fillojnë të jetojnë për Perëndinë, jo për mëkatin. Ne duhet të besojmë dhe të varem nga këto fakte:

- Ne kemi vdekur ndaj kontrollit për mëkatin.
- Ne jemi çliruar nga mëkati dhe pushteti i tij.
- Ne jemi të bërë një me Perëndinë përmes Zotit Jezu Krisht.

Perëndia na thotë të jetojmë si njerëz që ka ngjallur prej së vdekurish me Zotin Jezus në jetën e re.

- Ne nuk jemi më nën pushtetin dhe autoritetin e mëkatit.
- Mëkati nuk mund të përdorë më trupat veçse kur zgjedhim vetë.
- Ne nuk duhet të lejojmë mëkatin të na kontrollojë për shkak se tani i përkasim Perëndisë.
- Perëndia na thotë t'i kushtojmë veten Atij në vend të mëkatit.




Figura në të djathtë është një person që nuk është më skllav, por i lirë për t'i shërbyer dikujt tjetër. Pronari ynë i mëparshëm, Satani, na ka mbajtur nën kthetrat e skllavërisë për të mëkatuar. Ne nuk mund ta çlironim veten. Megjithatë Zoti Jezus na çliroi. Dhe tani, për shkak se jemi të lirë, kemi privilegjin e mrekullueshëm t'i shërbejmë Atij që dha jetën e Tij për ne.

Perëndia dëshiron që t'i ofrohem Atij: sytë, veshët, zërin, duart dhe këmbët tona

dhe çdo gjymtyrë tjetër të trupave tanë, në mënyrë që t'i përdorë për të bërë atë që do. Cilat janë disa nga mënyrat se si mund t'i shërbejmë dhe pëlqejmë Perëndisë me trupat tanë? Ne mund të lavdërojmë Perëndinë duke përdorur sytë tanë për të parë tërë krijimin e Tij të mrekullueshëm dhe për këtë ta falënderojmë e lavdërojmë Atë. Ne mund të lexojmë Fjalën e Tij dhe t'u bindemi udhëzimeve të Tij. Me duart dhe këmbët ne mund të ndihmojmë të tjerët në nevojat e tyre, gjë e cila i pëlqen Perëndisë. Me gjuhën tonë mund të lavdërojmë Perëndinë, t'i flasim atij me anë të lutjes dhe mund t'u themi të tjerëve për atë që ka bërë Jezu Krishti për ne.

Edhe pse nuk jemi më skllavër të mëkatit, ne mund të zgjedhim ende të mëkatojmë. Ne nuk duhet të lejojmë mëkatit të kontrollojë trupat tanë (Romakëve 6:12, 14). Cilat janë disa nga mënyrat që trupat tanë na shtyjnë të mëkatojmë? Këmbët tona mund të na çojnë në vende ku nuk duhet të shkojmë. Duart tona mund të bëjnë gjërat që nuk duhet t'i bëjnë, si vjedhja apo zënkat. Ne mund të përdorim gjuhën tonë për të gënjyer apo thënë gjëra që lëndojmë të tjerët (thashetheme). Sytë tanë mund të shikojnë gjërat që nuk duhet, si libra, programe televizive apo filma që nuk i pëlqejnë Perëndisë. Mendo për gjëra të tjera se si trupi yt mund të të shtyjë të mëkatosh. Kujto, Fryma e Shenjtë do të na ndihmojë që të mos bëjmë gjëra mëkatore dhe leximi i Fjalës së Perëndisë çdo ditë do të përqendrojë mendjen tonë te Perëndia se sa te gjërat e botës (mëkati).

Le të falënderojmë Zotin që na ka çliruar nga skllavëria e mëkatit dhe që na ka dhënë pushtetin për të jetuar jetën e re në Krishtin.



Eliminoni tërë shkronjën X për të zbuluar mesazhin.

SXHPËXTXIMXTAXRXI NXUXK VXDIXQ PËXRX MXUAX QXË UXNXË TXË  
 VXAXZHDXOJX TXË JXETXOJ XJEXTËXN SXI DXUAX. AXI VXDIXQ XPËXR  
 XMUXA QXË TXANXI XE TXUTXJEX AXI TXË JXETXOJXË XJXETXËXN EX TXIXJ  
 NXË MXUXAX.

Mesazhi: \_\_\_\_\_

\_\_\_\_\_

## Varg përmendsh

***Galatasve 2:20: Unë u kryqëzova bashkë me Krishtin dhe nuk rroj më unë, po Krishti rron në mua; dhe ajo jetë që tani jetoj në mish, e jetoj në besimin e Birit të Perëndisë, që më deshi dhe dha veten për mua.***

## Historia

Xhoni dhe Karola nuk u larguan nga shtëpia e xhaxhi Piterit pas studimit të tyre të Biblës. Xhaxhi Piteri mendoi se Xhoni donte të fliste për diçka, kështu që qëndroi në dhomë me të.

- Xhaxhi Piter, mendoj se kam nevojë për ndihmën tënde, - tha Xhoni. - Mësimi i sotëm më shtyu të mendoj për sjelljen time ndaj Perëndisë. Ti the dy javë më parë se shpresoje që unë të mësoja të doja Perëndinë më tepër. Nuk e kuptova atëherë se pse ishte kjo aq e rëndësishme, por tani po filloj të kuptoj se pse.

- Gëzohem që po thua kështu, - tha xhaxhi Piteri. - Çfarë të shtyu të ndryshosh mendje?

- Nuk jam i sigurt, ndoshta lutjet e tua, - tha Xhoni duke qeshur. - Por me mësimin e javës së shkuar dhe mësimin e sotëm arrita të kuptoj se sa shumë ka bërë Perëndia për ne, edhe pse nuk e meritonim. Kam qenë gjithmonë mirënjohës për tërë gjërat e bukura që na ka dhënë në krijimin e Tij, por kjo ishte diçka që Ai ka krijuar para se të vinin krijesat mëkatore dhe të prishnim gjithçka. Por kur mendoj për tërë gjërat e tmerrshme që kanë bërë njerëzit, përfshi edhe mua, edhe kur e dinim se po vepronim keq, mahnitem se si Perëndia mund të na dojë dhe të lejojë Birin e Tij të zërë vendin tonë dhe të marrë ndëshkimin tonë.

- Kjo është diçka e mrekullueshme që ai bëri për ne, - pranoi xhaxhi Piteri.

- Shiko, e kuptoj tani, - tha Xhoni. - Dhe kjo më shtyn të bëj gjithçka që i pëlqen Atij. Vetëm se nuk e di se çfarë të bëj tani. Nuk kam shumë për t'i ofruar Atij.

- Këtë dëshiron të dëgjojë Perëndia prej nesh, - tha xhaxhi Piter. - Ai dëshiron të kemi një dëshirë për t'i shërbyer dhe pëlqyer Atij. Le të mendojmë tani. Çfarë mund të bësh?

- Nuk dua të bëj diçka të vogël, - tha Xhoni. - Ai dëshiron të bëjë diçka të madhe!

- Xhoni, Perëndia nuk mat atë që bëjmë për Të se sa e madhe apo e vogël është, - tha xhaxhi Piteri. - Ai shikon zemrën tonë. Kur shikon se jemi mirënjohës për atë që ka bërë për ne, që duam t'i bindemi dhe shërbejmë Atij, atëherë ai përpiqet nga

përpjekjet tona. A e keni ndonjë ide nga ajo që folëm në mësimin e sotëm sot?

- Po, - tha Xhoni. - Mund t'ia lexoja Biblën z. Herri. Ai është i verbër dhe është gati të dëgjojë gjithçka. Kjo është një mënyrë e mirë që ai të dëgjojë Perëndinë, si mendon?

- Kjo është një ide e mrekullueshme! - tha xhaxhi Piteri. - Perëndia do të jetë shumë i kënaqur me këtë!

Unë mund të bëj gjithçka  
me anë të Krishtit që  
më forcon (Filipianëve 4:13)

## Veprimtari shtesë

Mendo për diçka që mund të bësh që t'i pëlqejë Perëndisë dhe vendos kur ta bësh. Thuaji mësuesit se çfarë do të bësh dhe pastaj tregoji kur ta kesh mbaruar. Mësuesi yt do të jetë i lumtur të dëgjojë se si po jeton jetën e re në Krishtin.

### Karta Awana 16 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Jeta e re në Krishtin



Shumica e të krishterëve të cilëve u shkroi letrën apostulli Pal ishin judenj. Atyre u ishin mësuar Dhjetë Urdhërimet dhe ata ishin përpjekur t'u bindeshin atyre para se të besonin në Zotin Jezus si Çlirimtar. Edhe Pali ishte përpjekur t'i bindej ligjit para se të besonte se Jezusi ishte Çlirimtari.

Pali e dinte se të krishterët judenj do të mendonin se ata duhet të vazhdonin të përpiqeshin që t'i bindeshin ligjit. Pali dinte gjithashtu që, nëse këta besimtarë vazhdonin të përpiqeshin që t'i pëlqenin Perëndisë duke iu bindur ligjit, ata nuk do t'ia arrinin. Perëndia dha ligjin për të treguar rrugën e Tij të përsosur për jetën (Romakëve 3:19-20). Ligji u tregonte njerëzve se ata nuk ishin në gjendje të zbatonin ligjin e Perëndisë. Ligji u tregonte po ashtu njerëzve mëkatin e tyre dhe nevojën e tyre për një Shpëtimtar. Një jobesimtar nuk mund të shpëtohet duke u përpjekur për të zbatuar ligjin. Një besimtar nuk duhet të mendojë se ai duhet të zbatojë ligjin për të qenë i pranuar nga Perëndia.

Ne mund të mendojmë se për shkak se jemi tani bij të Perëndisë, varet prej nesh të jetojmë me anë të fuqisë sonë si bindje ndaj urdhërave të Zotit. Megjithatë, nëse përpiqemi me forcat tona për t'iu bindur urdhërave të Perëndisë, atëherë ne do të zbulojmë se, ashtu siç zbuloi Pali, ka një betejë dhe luftë të vazhdueshme brenda nesh. Një pjesë e jona dëshiron t'i bindet Perëndisë dhe pjesa tjetër dëshiron të ndjekë mëkatin dhe t'i pëlqejë vetes.

Si besimtarë në Krishtin ne pajtohemi se Fjala e Perëndisë është e shenjtë dhe e mirë. Ne biem dakord për atë që thotë Fjala e Tij, sepse kemi një person të ri që është në miqësi me Perëndinë. Megjithatë, edhe pse vetja jonë e re dhe Perëndia pajtohen,

Natyra e vjetër	Natyra e re
Nuk dëshiron të njohë Perëndinë	Dëshiron dhe është në gjendje të njohë Perëndinë
Mëkaton: nuk është në gjendje të dojë dhe t'i bindet Perëndisë	Në gjendje të dojë dhe t'i bindet Perëndisë
Dëshiron kontroll	I dorëzohet Perëndisë

natyra jonë e vjetër nuk i shikon gjërat ashtu siç i shikon Perëndia.

Te Romakëve 7:14-25 Pali po fliste për betejën e cila zhvillohet brenda bijve të Perëndisë për shkak të dy natyrave të tyre, natyrës së vjetër dhe natyrës së re.

Atëherë, pavarësisht se sa shumë përpiqemi, nuk jemi në gjendje t'u bindemi urdhërave të Zotit që na ka dhënë në Fjalën e Tij. Kur përpiqemi të mos zemërohemi, ne zemërohemi, edhe pse ndonjëherë jemi në gjendje të frenojmë zemërimin brenda. Dhe, edhe pse përpiqemi të mos kemi mendime të këqija, ato ende vijnë në mendjen tonë.

Pse na ndodh diçka e tillë? Kur Perëndia na shpëtoi, ne lindën përsëri nga Fryma e Shenjtë. Ai na dha natyrën apo zemrën e re, e cila mund dhe dëshiron të njohë Perëndinë, të kuptojë fjalët e Tij, ta dojë dhe t'i bindet. Kjo natyrë e re, pra, personi i ri në Zotin Jezus, nuk dëshiron të bëjë gjëra mëkatore dhe egoiste.

Megjithatë ne kemi ende natyrën apo zemrën tonë të vjetër e të ligë, të marrë nga Adami. Natyra jonë e vjetër nuk mund dhe nuk dëshiron të njohë, dojë dhe bindet Perëndisë. Prandaj mëkati është ende brenda nesh, duke u përpjekur vazhdimisht të na kontrollojë përmes natyrës sonë të vjetër e të ligë. Një i krishterë që përpiqet t'u bindet urdhërave të Perëndisë zbulon se natyrën e tij e vjetër është shumë e fortë që ai ta kontrollojë. Natyra e tij e vjetër e fiton gjithmonë betejën. Me forcat e veta i krishterë nuk mund të bëjë vullnetin e Perëndisë.

Si mund të çlirohemi nga kontrolli i natyrës sonë të vjetër e të ligë: natyra jonë e vjetër që pëlqen të ndjekë mëkatin dhe të bëjë si i pëlqen në vend që t'i bindet Zotit? Ka vetëm një mënyrë. Perëndia siguroi rrugën mënyrë që ne të mund të jetojmë, jo me anë të forcave tona, por me anë të fuqisë së Frymës së Shenjtë brenda nesh (Efesianëve 1:13-14). Ai na ndihmon t'i bindemi Fjalës së Perëndisë (Veprat 1:8). Kur reshtim së përpjekuri për t'i pëlqyer Perëndisë me forcat tona dhe varemi vetëm në Zotin Jezus, i cili jeton në ne me anë të Frymës së Tij të Shenjtë, Ai do të na çlirojë nga pushteti i keq i natyrës sonë të vjetër (Galatasve 2:20).

Le të falënderojmë Zotin që na ndihmon të jetojmë jetën e re në Krishtin!

## Kujto:

**Mëkati nuk është më pronari yt.**

**Nuk ke pse t'i bindesh më atij.**

# Varg përmendsh

**Romakëve 6:13:** *As mos i jepni gjymtyrët tuaja në shërbim të mëkatit si mjete paudhësie, por tregoni veten tuaj te Perëndia, si të gjallë prej së vdekurish, dhe gjymtyrët tuaja si mjete drejtësie për Perëndinë.*

**Gjymtyrët:** Duart, këmbët, gjuha, etj.

**Mjete:** Armë

**Paudhësie:** Ligësie, paudhësie

**Drejtësie:** Gjëra që i pëlqejnë Perëndisë

## Historia

- E di me siguri se si ndihej Pali, - tha Karola. - Kam të njëjtin problem për të luftuar mëkatin në jetën time. Unë bëj atë që nuk dua të bëj dhe nuk bëj atë që dua të bëj.

- Edhe unë! - pranoi Xhoni.

- Kjo ndodh me të gjithë, - tha xhaxhi Piteri. - Edhe pse nuk jemi më në familjen e Adamit, të kontrolluar nga Satani, Satani nuk do të na lërë vetëm. Ai do të përpiket të përdorë natyrën e vjetër brenda secilit prej nesh për të bërë gjëra që nuk i pëlqejnë Perëndisë.

- Oh, - tha Karola. - Prandaj është shumë e vështirë të mos mëkatojmë. Ne po luftojmë kundër një armiku të fuqishëm. Nuk mendoj se mund të fitoj ndonjë betejë kundër tij.

- Ke të drejtë që e quan betejë, Karola, - tha xhaxhi Piteri. - Sepse Satani përpiket vazhdimisht të shtyjë natyrën tonë të vjetër të sundojë mendimet dhe dëshirat tona. Ai nuk do që ne të bëjmë atë që është e drejtë. Dhe me siguri nuk do fare që t'i shërbejmë Perëndisë.

- E kuptoj! - tha Xhoni. - Nëse Satani na harxhon kohën duke bërë gjëra mëkatore, ne nuk mund të bëjmë gjëra të mira apo t'i shërbejmë Perëndisë, që do të thotë se ai fiton!

- Ke të drejtë! - tha xhaxhi Piteri. - Ne nuk jemi më të Satanit, por ai mund të na pengojë të bëjmë atë që Perëndia dëshiron të bëjmë dhe....

- Jo vetëm kaq, - ndërpreu Xhoni, - nëse mëkatojmë, ne as nuk do t'u themi të tjerëve për ungjillin. Kjo e bën Satanin të lumtur, apo jo?

- Ke përsëri të drejtë, - tha xhaxhi Piteri.

- E di që ju të dy keni të drejtë, - tha Karola, - por Satani është më i fuqishëm se unë për t'u ndeshur dhe për të fituar. E kam vërtetuar këtë më pa- Perëndia e di këtë, - tha xhaxhi Piteri. - Prandaj na ka dhënë Frymën e Shenjtë për të jetuar brenda nesh. Fryma e Shenjtë, nëse e lejojmë, do të na ndihmojë të fitojmë ndaj natyrës së vjetër, e cila ndikohet nga Satani. Fryma e Shenjtë është shumë më i fuqishëm se sa Satani apo natyra jonë, por Ai nuk do të na detyrojë të bëjmë diçka; ne duhet të zgjedhim të pranojmë ndihmën e Tij.

- Unë do ta pranoj ndihmën e Tij, - tha Karola. - Me siguri nuk dua të përdorem nga Satani!



Rretho përgjigjen e saktë.

1. Ligji u tregoi njerëzve natyrën e tyre mëkatore dhe nevojën e tyre për një Shpëtimtar. **E vërtetë / E gabuar**
2. Disa njerëz mund t'i binden tërë ligjit, por shumica nuk mund t'i bindet të gjithit. **E vërtetë / E gabuar**
3. Ka vetëm një mënyrë se si mëkatarët mund t'i pëlqejnë Perëndisë. **E vërtetë / E gabuar**
4. Perëndia dërgoi Jezu Krishtin për të marrë ndëshkimin tonë, të cilin e meritojmë, sepse ne nuk mund t'i bindemi tërë ligjit të Perëndisë. **E vërtetë / E gabuar**
5. Kur u shpëtuam, Perëndia na dha një jetë apo natyrë të re, e cila mundet dhe dëshiron të njohë Perëndinë, të kuptojë Fjalën e Tij, ta dojë Atë dhe t'i bindet Atij. **E vërtetë / E gabuar**
6. Të krishterët nuk janë më nën sundimin e ligjit, kështu që nuk mund të mëkatojnë kurrë. **E vërtetë / E gabuar**
7. Besimtarët kanë ende natyrën e tyre të vjetër, të trashëguar nga Adami. **E vërtetë / E gabuar**
8. Nëse një i krishterë përpiket shumë, natyra e tyre e re mund të fitojë ndaj natyrës së vjetër e cila dëshiron t'i dalë mënyra e saj mëkatore. **E vërtetë / E gabuar**
9. Vetëm me anë të ndihmës së Frymës së Shenjtë mund të fitojmë ndaj natyrës së vjetër dhe t'i pëlqejmë e bindemi Perëndisë. **E vërtetë / E gabuar**

## Veprimtari shtesë

Mëso përmendsh dhe thuaji mësuesit Filipianëve 4:13: *Unë mund të bëj gjithçka me anë të Krishtit që më forcon.* Perëndia e di se është e vështirë të jetosh jetën e krishterë pa ndihmë. Mëso këtë varg për të të ndihmuar të kujtosh se në çdo kohë ka gjithmonë ndihmë për ty për të luftuar natyrën e vjetër dhe për të bërë atë që është e drejtë dhe që i pëlqen Perëndisë.

### Karta Awana 17 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Krahasimi i natyrës së vjetër me natyrën e re



Në çastin që ke vënë besimin tënd në Krishtin, ndodhin shumë ndryshime të rëndësishme. Mëkatet e tua u falën (Efesianëve 1:7). Ti nuk je më i ndarë nga Perëndia; u bërë mik me Të (2 Korintasve 5:18). Ti u bërë bir i Perëndisë (Gjoni 1:12). Ti ke marrë dhuratën e jetës përgjithmonë me Perëndinë (Gjoni 3:16). Fryma e Shenjtë erdhi për të jetuar te ty (1 Korintasve 3:16).

Te Romakëve 8:1-11 Pali na thotë për disa nga ndryshimet midis besimtarëve dhe jobesimtarëve. Pali thotë në vargun e parë: “Tani, pra, nuk ka asnjë dënim për ata që janë në Krishtin Jezus...”. Ligji shpall të gjithë ata që janë nën sundimin e tij fajtorë dhe që meritojnë vdekjen për shkak se nuk i binden vazhdimisht kërkesave të tij. Megjithatë tërë besimtarët në Zotin Jezus nuk shpallen më fajtorë.

Dhjetë Urdhërimet nuk mund të na bëjnë të drejtë, të pranuar apo të bindur ndaj Perëndisë. Ligji është i mirë, por për shkak të natyrës sonë të vjetër mëkatore ne ishim dhe jemi ende shumë mëkatarë dhe të dobët për t’u bindur urdhërave të tij.

Megjithatë, tani Fryma e Shenjtë jeton te besimtarët. Ata nuk kontrollohen më nga natyra e vjetër e keqe, e cila jeton ende brenda tyre. Fryma e Shenjtë i ndihmon të bëjnë gjërat që dëshiron Zoti Jezus. Ata që nuk kanë rilindur kurrë, kanë vetëm natyrën e tyre të vjetër mëkatore, e cila prodhon vazhdimisht ide dhe dëshira mëkatore.

Në një letër tjetër që Pali u shkroi njerëzve në Galati, na tregon disa nga gjërat që bënë natyra jonë e vjetër: tradhti bashkëshortore (që është tradhti ndaj bashkëshortit në martesë); praktika apo marrëdhënie seksuale të palejueshme apo imorale; idhujtari (adhurimi i idhujve dhe demonëve); shortari (e cila është magjia, yshtja dhe pijet magjike); dhe mendimet e veprimet mëkatore, si urrejtja, zënkat, xhelozitë, zemërimi i papritur, përpjekja për të qenë “numri një” edhe kur i bën keq dikujt tjetër, mosmarrëveshje që shkaktojnë probleme midis njerëzve, pajtimi apo bashkimi me një grup që mëson besime të rreme (sidomos rreth Jezus Krishtit dhe të vërtetës së ungjillit), zili, vrasje, dehje dhe probleme të shkaktuara nga dehja (Galatasve 5:19-21).

Personat, mendja e të cilëve sundohet nga idetë dhe dëshirat e tyre mëkatore, janë të ndarë nga Perëndia në ferr. Ata nuk kanë shans për t’u bërë miq me Perëndinë. Mendjet e tërë atyre që nuk kanë lindur sërish, janë kundër Perëndisë. Ata janë armiqësor ndaj Perëndisë, duke urreyer tërë rrugët e Tij. Mendjet e tyre nuk janë nën kontrollin e Perëndisë, por nën kontrollin e Satanit, armiku më i madh i Perëndisë (Efesianëve 2:1-3).

Megjithatë, bijtë e Perëndisë kanë një natyrë (mendje) të re e cila është nën ndikimin e drejtësisë dhe mirësisë së Frymës së Shenjtë që jeton në ta. Fjala e Perëndisë, lutja, adhurimi dhe shërbimi ndaj Perëndisë bëhen pjesë të rëndësishme të

jetës së tyre.

Besimtarët kanë ende trupat fizikë që kanë marrë kur kanë lindur në këtë botë si pasardhës të Adamit. Trupat e tyre kanë ende vdekjen brenda për shkak të mëkatit që është ende aktiv në trupat tanë. Ata ende sëmurën dhe vdesin. Megjithatë, edhe pse vdekja është ende në trupat e tyre, fryma e tyre ka jetë. Frymës së tyre, ajo pjesë e tyre që nuk mund të shihet, i është dhënë jeta e përhjetshme nga Perëndia me anë të Frymës së Shenjtë që ka ardhur të jetojë në ta. Edhe pse trupat e tyre kanë vdekjen brenda tyre, edhe ata do të shpëtohen nga kontrolli i vdekjes. Trupat e tërë të krishterëve që do të mbeten ende të gjallë kur të kthehet Jezusi, do të ndryshohen me anë të Frymës së Shenjtë në mënyrë që ato trupa të mos vdesin kurrë (1 Korintasve 15). Po ashtu trupat e të krishterëve që kanë vdekur para se të kthehet Jezusi, do të ngjallen me anë të Frymës së Shenjtë dhe do të çlirohen përgjithmonë nga vdekja (1 Thesalonikasve 4:14-17).

Edhe pse trupat tanë janë të vdekur për shkak të mëkatit, ne mund të jetojmë një jetë të re dhe të përhjetshme në Krishtin.

- Ne kemi gëzim për shkak të dashurisë së Perëndisë: gëzimi në shpëtimin tonë dhe privilegji për t'i shërbyer Atij.
- Ne kemi paqe duke e ditur se jemi në paqe me Perëndinë.
- Ne jemi të durueshëm, të mirë dhe të sjellshëm me të tjerët.
- Ne jemi besnik ndaj njerëzve rreth nesh dhe mbajmë premtimet.
- Ne jemi të përlulur, duke vënë të tjerët në fillim.
- Ne kemi kontrollin e veprimeve tona.

Le të falënderojmë Zotin tonë për sigurimin e Tij të mrekullueshëm që ka bërë për ne për të gëzuar veprimet tona të vjetra dhe për të jetuar çdo ditë në fuqinë e Zotit tonë Jezu Krisht.

# Varg përmendsh

**Galatasve 5:16: Dhe unë them: Ecni sipas Frymës dhe nuk do ta përmbushni dëshirat e mishit.**

**Ecni sipas Frymës:** Jetoni ditë pas dite nën ndikimin e Frymës së Shenjtë  
**Përmbushni dëshirat e mishit:** Të dhënë pas gjërave mëkatore

## Historia

- Pas mësimit të sotëm nuk e di se çfarë të mendoj për disa nga të krishterët që njoh, - tha Karola. - Jam e shqetësuar se nuk do të shkojnë në qiell.

- E di se çfarë do të thuash, - tha Xhoni. - Nëse e kuptova drejt për atë që the rreth ndryshimit midis jobesimtarëve dhe të krishterëve, disa të rritur që njoh, të cilët thonë se janë të krishterë, nuk veprojnë si të krishterët që përshkruan Bibla.

- Po! - pranoi Karola. - Këtë kam parë edhe unë! Kam vizituar miq prindërit e të cilëve shikojnë gjëra në televizion për të cilat mendoj se një i krishterë nuk duhet t'i shikojë dhe kam parë libra dhe revista në raftet e tyre të cilat Perëndia nuk do t'i pëlqente.

- Njoh një familje që nuk qëndron kurrë në një kishë për një kohë të gjatë, - tha Xhoni. - Sapo fillojnë të marrin pjesë në një kishë, fillojnë të bëjnë fjalë me pastorin dhe drejtuesit për atë mësohet apo se si i bën kisha gjërat. Kur zemërohet dhe largohet, merr me vete shumë njerëz, duke lënduar njerëzit dhe duke prishur miqësitë.

- Si mund të sillet një i krishterë ashtu? - pyeti Karola.

- Shiko, - tha xhaxhi Piteri i trishtuar, - nga fjalët që po dëgjoj, këta njerëz po bëjnë atë që jobesimtarët e bëjnë normalisht: duke u kënaqur me gjëra mëkatore që ofron bota, duke u zënë, duke shfaqur zemërim dhe duke shkaktuar ndasi midis njerëzve. Shumica e njerëzve do të vinte në dyshim nëse ata janë besimtarë të vërtetë, sepse Perëndia na thotë se ne duhet të kemi jetë të ndryshuara, nëse jemi bijtë e Tij.

- Kjo është e vërtetë, - tha Xhoni, - por ne pamë gjithashtu në Fjalën e Perëndisë se ndonjëherë edhe si besimtarë nuk bëjmë gjithmonë diç duhet gjërat e drejta.

- Ke të drejtë, - pranoi xhaxhi Piteri. - Asnjë prej nesh nuk mund të ndryshojë sjelljen tonë të vjetër mëkatore pa ndihmën e Perëndisë. Megjithatë Fryma e Shenjtë është aty për të na ndihmuar që të mos bëjmë ato gjëra që kërkon të bëjë natyra jonë mëkatore. Nëse dëshirojmë me të vërtetë të jetojmë ashtu siç dëshiron Perëndia, ne duhet t'i themi vetes: "Si mund ta bëj këtë gjë mëkatore dhe të mëkatoj kundër Perëndisë?". Megjithatë, nëse lejojmë të biem në mëkat, Perëndia do të na ndihmojë të dalim, nëse i lutemi. Fryma e Shenjtë është aty për ne, duke na penguar të mëkatojmë dhe duke na nxjerrë prej tij.

- Kështu ata mund të jenë të krishterë dhe të bëjnë mëkate tërë kohën? - pyeti Xhoni.

- Perëndia thotë se nëse njerëzit vazhdojnë në mëkat, ata nuk i përkasin Atij, - tha xhaxhi Piteri. - Vetëm Perëndia e njeh zemrën e tyre, Xhon. Megjithatë ata mund të habiten kur të zbulojnë se Perëndia nuk ka vend për ta në qiell. Le të lutemi që të mos ndodhë kështu.



Vëri në rreth ato gjëra që përshkruajnë një të krishterë dhe brenda një kutie ato gjëra që përshkruajnë një jobesimtar.

Shkel premtimet      Dehje      I mirë për të tjerët  
Adhuron idhujt apo demonët      Zihet me të tjerët      I vë të tjerët të parët  
I kontrolluar nga Fryma e Shenjtë      Urren      Zemërim      Paqe  
I mirë      Gëzim; I durueshëm

## Veprimtari shtesë

Mëso përmendsh dhe thuaji mësuesit tënd Efesianëve 5:9: *Sepse fryti i Frymës konsiston në gjithçka që është mirësi, drejtësi dhe të vërtetë.* Fryma e Shenjtë mund të të ndihmojë të jesh një i krishterë që i sjell nder Perëndisë dhe i pëlqen Atij. Mësimi i këtij vargu do të të ndihmojë që të kujtosh se si duhet të jetë jeta jote në mënyrë që ata të shohin, përmes ndryshimit në jetën tënde, çfarë ka bërë Krishti për ne.

### Karta Awana 18 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Pyetje, pyetje, pyetje



1. Kush është autori i Biblës? **Perëndia**
2. Si na mëson Perëndia ne, bijtë e Tij, se çfarë dëshiron të dimë dhe të bëjmë?  
Përmes Fjalës së Tij të shkruar: **Bibla**
3. Nga e dimë se çfarë është e drejtë apo e gabuar? **Ne duhet të masim mendimet, fjalët dhe veprimet tona në bazë të Fjalës së Perëndisë**
4. Cilat janë dy pjesët e mëdha të Biblës? **Dhiata e Vjetër dhe Dhiata e Re**
5. Sa herë duhet ta lexojmë Biblën? **Është mirë ta lexojmë Biblën çdo ditë.**
6. Çfarë është lutja? **Lutja do të thotë të flasësh me Perëndinë**
7. Kush ka privilegjin për të dalë para Perëndisë në lutje? **Tërë njerëzit që kanë besim te Jezu Krishti, tërë të krishterët.**
8. Kur mund të dalim para Perëndisë në lutje? **Ne mund t'i afrohemi Perëndisë në lutje në çdo kohë, ditën apo natën.**
9. Kur i këndojmë këngë adhurimi Perëndisë, për çfarë mund të këndojmë?
  - a. **Për karakterin e Perëndisë**
  - b. **Për veprat e Tij**
  - c. **Për dhuratën e shpëtimit përmes Jezu Krishtit**
10. Kur lutemi, çfarë lloj kërkesash mund t'i paraqesim Perëndisë? **Disa përgjigje:**
  - a. **Nevoja personale apo të tjerëve**
  - b. **Rritje frymërore**
  - c. **Probleme të përditshme**
  - d. **Nevoja fizike, si shëndeti**
11. Pse Jezusi lejoi ushtarët ta arrestonin dhe vrisnin? **Sepse Ai e dinte se duhet të vdiste për të paguar për mëkatet tona. Ai ishte gati të vdiste për ne.**
12. Për kë tha Jezusi të prisnin pasi të shkonte në qiell? **Frymën e Shenjtë**
13. Vendbanimi i veçantë i Perëndisë në tokë ishte tabernakulli dhe pastaj tempulli.  
Ku është vendbanimi i Perëndisë tani në tokë? **Në trupat e besimtarëve.**
14. Kur e marrin besimtarët Frymën e Shenjtë? **Sapo bëhen besimtarë**
15. Figurë e kujt është pagëzimi? **Varrosjes dhe ringjalljes së Jezu Krishtit**
16. Pse besimtarët duhet të pagëzohen?
  - a. **Perëndia na urdhëron**
  - b. **Si dëshmi publike ndaj të tjerëve që janë besimtarë të Zotit Jezu Krisht**
17. Si bëhemi bij të Perëndisë? **Duke besuar në Zotin Jezus si Shpëtimtari ynë**
18. Kush i kujtoi apostujt për çdo gjë që mësoi Jezusi ndërsa ishte këtu në tokë?  
**Fryma e Shenjtë**
19. Kë mësuam apostujt gjithçka që u ishte mësuar? **Kishën, pra, tërë ata që besuan**

**në Zotin si Shpëtimtarin e tyre.**

20. Kush është përgjegjës për t'u thënë të tjerëve për ungjillin (lajmin e mirë)? **Tërë besimtarët**
21. Pse Pali u quajt apostull? **Sepse u zgjodh nga Zoti Jezus dhe u dërgua si përfaqësuesi i Tij me mesazhin e Tij për botën.**
22. Cila qe gjëja më e rëndësishme në jetën e Palit? **Predikimi i ungjillit ndaj sa më shumë vetave**
23. Çfarë i ndan njerëzit nga Perëndia? **Mëkati**
24. Çfarë i kthen njerëzit në përbashkësi me Perëndinë? **Besimi se Jezu Krishti, Biri i Perëndisë, vdiq për mëkatet e tyre, u varros dhe u ngjall përsëri.**
25. Çfarë gjërash të marra adhuronin etërit tanë në vend që të adhuronin Perëndinë e vetëm të vërtetë? **Ata adhuronin gjërat që krijoi Perëndia, si llojet e ndryshme të kafshëve, diellin, zogjtë, gjërat që prishen dhe gdhendjet apo statujat e burrave e grave.**
26. Judenjtë mendonin se mund t'u bindeshin në mënyrë të përsosur tërë ligjeve që Perëndia u dha përmes Moisiut. A iu bindën? **Jo, Perëndia thotë se askush nuk mund t'i bindet ligjit në mënyrë të përsosur.**
27. Pse një person nuk mund të zbatojë ligjin në mënyrë të përsosur? **Sepse të gjithë kanë lindur në mëkat dhe nuk mund të bëjnë shtëpitë e tyre të mirë.**
28. Pse Perëndia i dha njerëzimit ligjin?
  - a. **Në mënyrë që të shikojmë mëkatin tonë dhe të pranojmë se jemi mëkatarë.**
  - b. **Në mënyrë që të kuptojmë se nuk mund të zbatojmë ligjin e Perëndisë dhe të shpëtojmë veten.**
29. Përmes kujt siguroi Perëndia një rrugë që ne të kemi drejtësinë që na duhet për t'u pranuar nga Perëndia? **Jezu Krishtit.**
30. Pse Perëndia i tha Moisiut të ndërtojë tabernakullin? **Në mënyrë që Perëndia të banonte me izraelitët.**
31. Pse Perëndia e ndau më dysh perden në tempull kur vdiq Jezusi? **Perëndia po tregonte se Jezusi pagoi çmimin e plotë për mëkatet dhe se rruga për te Perëndia ishte tashmë e hapur përmes Jezus Krishtit.**
32. A është rruga e shpëtimit të Perëndisë për judenjtë e ndryshme nga rruga se si shpëton johebrenjtë? **Jo, ka vetëm një rrugë shpëtimi për tërë njerëzit, sepse nuk ka ndryshim. Tërë njerëzit kanë mëkatur.**
33. A mund të ndryshojë Perëndia mendjen dhe të heqë drejtësinë tonë? **Jo, sepse Krishti pagoi borxhin tonë të mëkatit në kryq dhe Perëndia na shpalli të drejtë. Ai premton se nuk do të na e heqë kurrë atë.**
34. Nëse mëkatojmë, a ndryshon qëndrimi i Perëndisë ndaj nesh? **A na pranon ende? Asgjë nuk mund të ndryshojë qëndrimin e Perëndisë ndaj nesh.**

**Ngaqë jemi shpallur të drejtë, Perëndia do të na pranojë gjithmonë.**

35. Kur filloi Perëndia të donte bijtë e Tij? **Para se të ishin besimtarë.**
36. Kush ishte në gjendje të vdiste për armiqtë e Tij? **Jezu Krishti**
37. Në çastin që u bërë i krishterë, çfarë ndryshimesh kanë ndodhur?
  - a. **Mëkatet e tua janë falur.**
  - b. **Je bërë mik i Perëndisë.**
  - c. **Je bërë bir i Perëndisë.**
  - d. **Ke marrë dhuratën e jetës së përjetshme.**
  - e. **Fryma e Shenjtë erdhi për të jetuar tek ty.**
38. Tani që mëkatet e tua janë falur, për kë duhet të jetojmë? **Për Perëndinë**
39. Çfarë ndryshimesh kanë ndodhur në jetën e besimtarit në kohën e shpëtimit? **Ai ka marrë natyrën e re.**
40. Çfarë dëshiron që të bëjmë kjo natyrë e re? **Ngaqë do Perëndinë, dëshiron të bëjë atë që do Perëndia. Dëshiron të mos bëjmë gjëra mëkatore dhe egoiste.**
41. Nga çfarë kontrollohen mendimet dhe veprimet e një jobesimtari?
  - a. **Idetë dhe dëshirat e tyre mëkatore**
  - b. **Satani**
42. Ku do ta kalojnë përjetësinë jobesimtarët? **Në ferr**
43. Çfarë ka ndodhur me natyrën tonë të vjetër kur u bëmë të krishterë? **Ajo jeton ende me ne duke u përpjekur të na shtyjë të mëkatojmë dhe t'i dalë e saja.**
44. Kush ndihmon besimtarët të fitojnë ndaj fuqisë së keqe të natyrës së tyre të vjetër për të bërë atë që është e drejtë? **Fryma e Shenjtë**
45. Pse Fryma e Shenjtë i ndihmon besimtarët të bëjnë atë që është e drejtë? **Ngaqë Ai jeton në ne dhe Perëndia ka premtuar se do të jetë gjithmonë aty për të na ndihmuar.**

# Veprimtari shtesë

A mund t'iu përgjigjesh saktë 45 pyetjeve? Studioji në fillim para se të t'i pyesë mësuesi.

## Karta Awana 5 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Të sigurt në familjen e Perëndisë



Njerëzit në çdo vend kërkojnë siguri. Shumica e tyre kërkojnë në vendin e gabuar. Si besimtarë në Jezu Krishtin ne jemi pjestarë të familjes së Perëndisë. Në Krishtin ne kemi tërë sigurinë që na duhet, tani dhe përherë.



Vargu ynë përmendsh, Romakëve 8:16-17, thotë se besimtarët janë bij të Perëndisë. Kjo është një e vërtetë shumë e rëndësishme rreth marrëdhënies sonë me Perëndinë. Kur lindëm për herë të parë në familjen e Perëndisë, ne ishim si fëmijë të vegjël. Ne kishim pak njohuri rreth Perëndisë dhe Fjalës së Tij (1 Pjetrit 2:2). Zoti dëshiron të rritemi në jetën tonë të krishterë, duke u bërë bijtë e Tij të pjekur (Efesianëve 4:14-15; 1 Korintasve 14:20). Kjo është arsyeja se pse është e rëndësishme të lejojmë Zotin të na mësojë nga Fjala e Tij. Për shkak të dashurisë dhe respektit për Perëndinë ne duhet të jetojmë si bij të pjekur dhe të përgjegjshëm të Perëndisë.



Perëndia dëshiron një marrëdhënie të ngushtë me bijtë e Tij. Ashtu si një bir nje babain e tij dhe e quan “Atë”, po kështu çdo bir i Perëndisë duhet të njohë që Perëndia është Ati i tij dhe e quan “Atë”. Ne duhet të jetojmë për t’i pëlqyer Atit tonë qiellor.

A ke një baba? A dëshiron të kesh një marrëdhënie të ngushtë me të? Në mënyrë të mrekullueshme Perëndia dëshiron të ketë një marrëdhënie të ngushtë me ne, bijtë e Tij.

Ndërsa lexojmë Fjalën e Tij, ne do të kuptojmë se Perëndia është Ati ynë vetjak dhe i mrekullueshëm.

Disa prej nesh mund të mos kenë pasur një marrëdhënie të ngushtë me babain tonë tokësor. Megjithatë, Ati ynë qiellor na afrohet për të pasur atë marrëdhënie të ngushtë me Të.

Ndërsa lexojmë Fjalën e Perëndisë, ne e njohim Atë. Ndërsa e njohim më tepër, fitojmë besim për t’i folur Atij në lutje. Ne varemi gjithnjë e më tepër nga Ai për gjithçka në jetën tonë.

Fryma e Shenjtë, që jeton në ne, i thotë frymës sonë se ne kemi lindur me të vërtetë në familjen e Perëndisë. Nëse një person ka pasuri të mëdha, me kë e ndan ai? Me bijtë e tij. Ati ynë qiellor, i cili zotëron gjithçka, ndan po ashtu gjithçka me bijtë e Tij. Ai është Perëndia shumë i lartë që krijoi gjithçka; prandaj, gjithçka i përket Atij (Psalmi 24:1). Gjithçka të mirë që kemi rrjedh nga Ati ynë qiellor (Jakobi 1:17).



A do të thotë kjo se këtu në tokë dhe në këtë jetë marrim gjithçka që duam? Jo! Gjatë kohës sonë këtu në tokë mund të ndërrojmë jetë pa pasur gjë. Perëndia thotë se duhet të presim vuajtje për shkak se po jetojmë për Zotin Jezus në një botë që është nën kontrollin e Satanit (2 Timoteut 3:12). Por kur Jezusi të na çojë në qiell, ne do të jemi atëherë si Ai dhe do të ndajmë gjithçka me Të.

A nuk është e mrekullueshme të dimë që pavarësisht se si është situata jote familjare këtu në tokë, ne jemi pjesë e familjes së mrekullueshme të Perëndisë? Le të falënderojmë Perëndinë që na ka lejuar të bëhemi pjesë e familjes së Tij!

## Varg përmendsh

***Romakëve 8:16-17: Vetë Fryma i dëshmon frymës sonë se ne jemi bij të Perëndisë. Dhe nëse jemi bij, jemi dhe trashëgimtarë, trashëgimtarë të Perëndisë dhe bashkëtrashëgimtarë të Krishtit, nëse vuajmë më të dhe lavdohemi me të.***

**Trashëgimtarë:** Ata që trashëgojnë diçka që i përket dikujt tjetër.

## Historia

- Do të doja të bindja Bobin që t'i flisja për Perëndinë, - tha Xhoni. - Por ai nuk do të dëgjojë fare për Të. Ai thotë se e urren Perëndinë.

- A e di se pse mendon ashtu për Perëndinë? - pyeti xhaxhi Piteri. - Duket se nuk e njeh fare të vërtetën për Perëndinë.

- Mendoj se do t'i pëlqente ajo që kemi folur sot, - tha Karola. - E di po të kisha një baba si ai i Bobit, do të isha i lumtur të dija që mund të kem një Atë tjetër që më do dhe kujdeset për mua.

- Ke të drejtë! - tha Xhoni. - Bobi ka dëgjuar se Perëndia është një atë për të krishterët. Kjo është arsyeja se pse nuk do të ketë punë me Të. Ai nuk mendon se etërit kanë diçka të mira.

- Mund ta kuptoj, - tha Karola. - Të gjithë në shkollë e dinë që babai i tij e rreh atë dhe nënën e tij. Dhe rrobat i rrinë ngushtë, sepse i ati nuk i jep para të ëmës për t'i blerë rroba që i bëjnë. Nuk mendoj se kanë shumë për të ngrënë, meqë i ati harxhon pjesën më të madhe të parave me pije dhe bixhoz.

- E kuptoj se pse Bobi nuk mendon se ka ndonjë dobi të kesh një atë qiellor, - tha xhaxhi Piteri, - kur ati i tij nuk siguron për nevojat e tij dhe i shkakton aq shumë trishtim. Megjithatë ka ende shpresë për Bobin. Ai thjesht duhet të kuptojë se jo të gjithë etërit janë si i tij. Pastaj ndoshta do të jetë i gatshëm të të dëgjojë kur t'i thuash se sa i mrekullueshëm është Ati ynë qiellor.

- Po, - tha Karola e gëzuar, - ndoshta mund ta ftojme ndonjëherë tek ne. Ai mund të njohë atin tonë, po ashtu edhe xhaxhi Piterin. Në këtë mënyrë mund të shohë dy etër të dashur që kujdesen për familjet e tyre ashtu siç duhet.

- Në rregull, - tha Xhoni. - Kështu do të bëj. Do ta pyes mamën nëse mund ta ftojme Bobin për darkë këtë javë. A nuk do të çuditet kur të shohë se sa i mirë është babai ynë!?

- Shiko, do të duhet pak kohë që Bobi të ndryshojë mendim për Perëndinë, - tha xhaxhi Piteri, - por, me ndihmën e Perëndisë, mund të përpiqemi që të ndodhë diçka e tillë.



Përdor kodin e fshehtë më poshtë për të zbuluar mesazhin e fshehur në kutitë më poshtë.

a	b	d	e	ë	f	h	i	j	k	l	m
n	o	p	q	r	s	t	u	v	'		


A njeh dikë që nuk kupton me të vërtetë se kush është Perëndia, se sa i dashur dhe i mirë është dhe se çfarë ka bërë për ne? Nëse po, bëj një plan për të kaluar kohë me atë person në mënyrë që mund ta ndihmosh që të kuptojë më mirë dhe të besojë në Atin tënd qiellor. Nëse ke nevojë për ndihmë për planin, kërkoi mësuesit të të ndihmojë.

### Karta Awana 20 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Perëndia ka një plan për tërë bijtë e tij



*Unë mendoj në fakt, se vuajtjet e kohës së tanishme nuk vlejnë aspak të krahasohen me lavdinë që do të shfaqet në ne (Romakëve 8:18).*

Kur një besimtar vuan dhe është duke vdekur, vuajtja mund të duket shumë e vështirë dhe jo e drejtë, sidomos për pjestarët e familjes që kujdesen. Megjithatë, në çastin që trupi i besimtarit vdes, besimtari shkon në praninë e Krishtit. Tërë vuajtjet zhduken kur besimtari shkon në praninë e Krishtit në qiell! Ne mezi presim kohën kur Jezusi do të vijë dhe do të na marrë për të qenë me Të në qiell.



- Ne jemi bijtë e Perëndisë.
- Perëndia është “Ati ynë”.
- Perëndia dëshiron të varemi prej Tij për gjithçka.
- Perëndia premton të na çojë në shtëpi në qiell.

Edhe pse Perëndia na ka dhënë gjithçka për ta ndarë me Zotin tonë Jezu Krisht, ne nuk mund t'i shijojmë të gjitha ndërsa jemi ende këtu në tokë. Trupat tanë do të kenë përsëri brenga, mëkat, sëmundje dhe vdekje. Megjithatë në qiell trupat tanë do të jenë pa asnjë nga këto.

Ndërsa jemi këtu në këtë botë, ne kemi shumë ndjenja dhe dëshira të forta në zemrat tona për të cilat duam t'ia themi Atit tonë në qiell. Megjithatë ne nuk mund të kuptojmë gjithmonë se çfarë duam apo kemi nevojë me të vërtetë, ose si t'ia themi Atit tonë në qiell. Ja një shembull: një mik shumë i mirë mund të zhvendoset nëse i ati gjen një punë për të cilën ka nevojë. Ti nuk do që miku yt më i mirë të zhvendoset, por ti e di që familja ka nevojë për atë punë. Nga e di se çfarë t'i kërkoj Perëndisë? A i kërkon Perëndisë që i ati të mos i sigurojë punën të atit, duke e ditur që kanë nevojë për para? Ky është çasti kur mund t'i shprehim Frymës së Shenjtë ndjenjat tona për këtë situatë. Fryma e Shenjtë nuk do t'i kërkojë Perëndisë të na japë diçka për të cilën e di që nuk është e drejtë. Perëndia e di se çfarë është më e mira për babain e mikut tënd dhe për ty. Perëndia mund t'i japë babait të mikut tënd një punë, pa u dashur të zhvendoset. Ose nëse zhvendosja është gjëja më e mirë, Ai mund të sjellë një mik të ri në jetën tënde që do ta duash po aq sa edhe mikun tënd.

Ne nuk duhet të shqetësohemi që po të ishim lutur ndryshe, Perëndia mund t'u ishte përgjigjur lutjeve tona ashtu siç do të donim ne. Fryma e Shenjtë sigurohet



që Perëndia të dijë me saktësi se si ndihemi. Çfarë gjëje të mrekullueshme bën Fryma e Shenjtë për ne! Ai lutet për ne në përputhje me vullnetin e Perëndisë!

*Dhe ne e dimë se të gjitha gjëra bashkëveprojnë për të mirë për ata që e duan Perëndinë, për ata që janë të thirrur sipas qëllimit të tij (Romakëve 8:28).*

Ne mund t'i besojmë gjithmonë premtimit të Atit tonë qiellor për të përdorur gjithçka që na ndodh, e mirë apo e keqe, për të realizua planin e Tij të mrekullueshëm për ne.

Ndonjëherë gjëja më e mirë për ne është mësimi që nxjerrim nga kohët e vështira. Ose ndonjëherë, mund të mos njohim kurrë se çfarë të mire del nga një situatë. Megjithatë ne duhet të besojmë se Perëndia e di, sepse Ai i mban gjithmonë premtimet.



- **Perëndia premtonte se të gjitha gjërat bashkëveprojnë për të mirën tonë.**
- **Perëndia po na ndryshon të jemi si Jezusi.**

Perëndia, Ati ynë, ka planifikuar të na ndryshojë në mënyrë që të jemi të gjithë si Biri i Tij, Zoti Jezus. Si e realizon Perëndia këtë vepër në ne? Ai përdor të gjitha gjërat në jetën tonë për të na mësuar. Ai na ndryshon në mënyrë që në çdo pjesë të jetës sonë, ne do të mësojmë të mendojmë, flasim dhe veprojmë si Zoti Jezus. Në kohën e Dhiatës së Vjetër djali i parëlindur në familje kishte privilegje të veçanta dhe autoritet mbi vëllezërit dhe motrat e tjera. Jezu Krishti ka vendin e privilegjit dhe autoritetit në familjen e Perëndisë (Luka 3:22). Jezu Krishti ka ekzistuar gjithmonë si Perëndi (Hebrenjve 1:1-13). Megjithatë Ai lindi në këtë botë për të qenë Shpëtimtari i tërë atyre që besojnë në Të. Jezusi, si “i parëlinduri” i Perëndisë, është i pari në radhë, respekt, nderim dhe pushtet (Kolosianëve 1:15-18). Perëndia vendosi, që para se të krijonte botën, Ai do të bënte tërë ata që bëhen bijtë e Tij si Zoti Jezus: me të njëjtat pikëpamje, ndjenja, mendime dhe qëllime (Efesianëve 1:4-5; Psalmi 139:15-16; 1 Pjetrit 1:2-8).

Le të falënderojmë Perëndinë për gjithçka që na jep, e cila është vetëm e mirë!

# Varg përmendsh

***Romakëve 8:28: Dhe ne e dimë se të gjitha gjërat bashkëveprojnë për të mirë për ata që e duan Perëndinë, për ata që janë të thirrur sipas qëllimit të tij.***

## Historia

Xhoni u fut në shtëpinë e xhaxhi Piterit, la librat në tavolinë, u ul në karrigen që kishte më afër dhe tha:

- Sot ishte një ditë e tmerrshme për mua, xhaxhi Piter.
- Çfarë ka ndodhur, Xhoni? - pyeti xhaxhi Piteri. - Nuk dole mirë në provim?
- Jo, nuk doli mirë! - tha Karola, ndërsa u fut edhe ajo në shtëpinë e xhaxhi Piterit.
- Por ai nuk kishte studiuar shumë.

- Mendova se i dija të gjitha, - tha Xhoni. - Më pëlqen ajo lënda, kështu mendova se i mbaja mend të gjitha.

- Të gjithë po flasin tani se sa budalla është Xhoni, - tha Karola. - Jo për shkak të notës në provim, por për shkak se mund të kishte marrë një notë më të mirë po të kishte dëgjuar Xhimin.

- Për Xhimin jemi lutur, apo jo, Xhon? - pyeti xhaxhi Piteri. - Nëse e mbaj mend mirë, ai mendon se është i krishterë i mirë, por kopjoi në provimin e matematikës pak kohë më parë.

- Po, ke të drejtë, - tha Xhoni. - Dhe sot më shtyu që edhe unë të kopjoja. Ai e pa që unë nuk po arrija t'u përgjigjesha pyetjeve të provimit, kështu që më dha një letër me disa përgjigje në të. Mësuesi nuk e pa, por disa nxënës e panë.

- Çfarë bëre? - pyeti xhaxhi Piteri.

- Oh, xhaxhi Piter, - tha Xhoni i trishtuar, - ishte shumë tunduese për të parë letrën. Isha lutur që Perëndia të më ndihmonte të kujtoja përgjigjet e pyetjeve, kështu që në fillim po mendoja se kjo ishte mënyra se si Perëndia po u përgjigjej lutjeve të mia. Por pastaj kujtova mësimin tonë të djeshëm rreth mënyrës se si Fryma e Shenjtë e di se si ndihemi dhe se për çfarë ndihme kemi nevojë. Dhe unë kujtova se si Fryma e Perëndisë nuk do t'i kërkonte Perëndisë të bënte diçka për ne që Perëndia nuk do ta miratonte. Atëherë, e dija që Ai nuk do të ishte dakord me kopjimin, kështu e dija që nuk ishte përgjigjja e Perëndisë ndaj problemit tim. Kështu ia ktheva letrën mbrapsht. Dhe nuk dola mirë në provim.

- Zor se ka ndonjë gjë të mirë këtu, apo jo, Xhon? - pyeti Karola.

- Kur pashë notën e provimit, nuk mendova ashtu, - u përgjigj Xhoni. - Por kur erdhi Karli dhe më tha që më respektonte për atë që bëra, e kuptova që shembulli im ndaj tij ia vlente. Dhe nxorra një mësim që të studioj për provimet, edhe kur mendoj se i di të gjitha.

- Perëndia e ka përdorur këtë situatë jo vetëm për ta kthyer për mirë, Xhon, - tha xhaxhi Piteri, - por më duket se mendësia jote po bëhet më tepër si ajo e Krishtit përmes këtyre provave.



Përko këto premtime të Perëndisë me situatat më poshtë:

1. Perëndia premtonte për të na marrë në shtëpi në qiell.
2. Fryma e Shenjtë lutet për ne.
3. Perëndia premtonte se çdo gjë ndodh për të mirën tonë.
4. Perëndia na ndryshon për të qenë si Jezusi.

- \_\_\_\_\_ “Semi është i ri në shkollë. Do të doja të isha shok me të, por nëse bëhem shok, Bobi nuk do të më flasë më. Çfarë duhet të bëj? Nuk dua që Bobi të mos jetë më shoku im”.
- \_\_\_\_\_ “Vendosa të bëhem shok me Semin. Bobi nuk do të jetë më shoku im, por Semi është i interesuar për të dëgjuar ungjillin”.
- \_\_\_\_\_ “Unë jam besimtar. Ku do të shkoj pas vdekjes?”.
- \_\_\_\_\_ “Dua të bëj vetëm atë që dëshiron Perëndia”.
- \_\_\_\_\_ “Një zonjë në kishë ka një sëmundje të dhimbshme. Ajo thotë se është gati që Perëndia ta marrë me vete në qiell. Nuk e di nëse duhet të lutem që Perëndia ta mbajë gjallë apo t'i përgjigjet lutjes së saj për ta marrë në qiell me vete. Nuk më pëlqen ta shoh atë duke vuajtur, por gjithashtu nuk dua që ajo të largohet prej nesh”.
- \_\_\_\_\_ “Dua t'u them njerëzve për Perëndinë dhe planin e Tij për shpëtimin tonë”.
- \_\_\_\_\_ “Doja të shkoja të luaja me miqtë e mi, por ime më donte që të rrija në shtëpi dhe ta ndihmoja. Nuk isha i kënaqur që do të rrija në shtëpi, por jo vetëm e ndihmova shumë mamanë time, por im atë erdhi në shtëpi kur mbarova dhe më tha që do të shkonim të shikonim një ndeshje futbolli me të. Po të kisha shkuar me miqtë, nuk do të shkoja me tim atë. Më pëlqen futbolli!”.

## Veprimtari shtesë

Tregoji mësuesit për ndonjë rast në jetën tënde apo të dikujt që njeh kur doli diçka e mirë nga një situatë e vështirë.

### Karta Awana 21 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Asgjë nuk mund të na ndajë nga dashuria e Perëndisë



Perëndia na thirri për të shkuar tek Ai si mëkatarë dhe të besonim në Zotin Jezus si Shpëtimtari ynë (2 Thesalonikasve 2:13-14). Kur shkuam tek Ai, Ai fali tërë mëkatet tona dhe na quajti të drejtë për shkak të Krishtit. Ne jemi pranuar plotësisht prej Tij (Kolosianëve 2:13). Megjithatë Ai nuk e ka mbaruar ende gjithçka që ka planifikuar për ne.

Jezusi po kthehet përsëri për të na çuar në qiell. Kur të kthehet, trupat tanë do të ndryshohen dhe ata do të çlirohen plotësisht dhe përgjithmonë nga mëkati dhe vdekja (1 Korintasve 15). Trupat tanë do të jenë si trupi i Jezusit (Filipianëve 3:20-21). Ne nuk do të vdesim kurrë dhe ne do të mendojmë dhe veprojmë gjithmonë si Zoti Jezus.

Çfarë të themi, pra, për këto gjëra? Në qoftë se Perëndia është me ne, kush mund të jetë kundër nesh? (Romakëve 8:31).

Duhet të jetë shumë e qartë për ne që, për shkak se Perëndia është në anën tonë, askush nuk mund të na mundë apo shkatërrojë, për të mos na lejuar që të kalojmë përjetësinë me Perëndinë në Qiell. Perëndia dha më të mirën për ne kur dha Zotin Jezus për të vdekur në vendin tonë.



- Ne jemi bij të Perëndisë.
- Perëndia është "Ati" ynë.
- Perëndia dëshiron të varemi prej Tij për gjithçka.
- Perëndia premton të na çojë në shtëpi në qiell.
- Fryma e Shenjtë lutet për ne.
- Perëndia premton që tërë gjërat bashkëveprojnë për të mirën tonë.
- Perëndia po na ndryshon të jemi si Jezusi.
- Ne kemi fitoren e përjetshme në Krishtin.

*Sepse ai që nuk e kurseu Birin e vet, por e dha për të gjithë ne, qysh nuk do të na dhurojë të gjitha gjëra bashkë me të? (Romakëve 8:32).*

Për shkak se Ai dha jetën e Birit të Tij të dashur për ne, ne mund të jemi shumë të sigurt se Ai do të na japë gjithçka tjetër që kemi nevojë. Ndonjëherë është e vështirë të kuptojmë, sepse bijtë e Perëndisë nuk duket se kanë gjithçka që u duhet në këtë jetë. Pavarësisht nga situata jonë, ne duhet t'u besojmë premtimeve të Perëndisë dhe të besojmë se Ai e di se çfarë është më e mira për secilin prej nesh. Në kohën e duhur Ai do të na nxjerrë nga kjo jetë në tokë fitimtarë.

Perëndia, gjykatësi i çdo mëkatari, na ka falur dhe na ka pranuar si të drejtë të përsosur përmes Zotit Jezu Krisht. Askush nuk mund të na dënojë për mëkatet tona (Romakëve 8:1). Perëndia ngjalli Zotin Jezus nga të vdekurit dhe është ulur në të djathtë të Perëndisë në qiell (Hebrenjve 10:12). Tani që Zoti Jezus është kthyer në qiell, Ai vazhdon të lutet për ne (1 Gjonit 2:1). Mos harro kurrë që, kur tundohesh, trajtohesh keq nga dikush, shkurajohesh, shqetësohesh apo sëmuresh, Zoti Jezus lutet për ty. Jezusi jo vetëm lutet për ne kur jemi me probleme, por lutet në çdo kohë (Hebrenjve 7:25). Nuk kalon asnjë kohë kur Zoti Jezus nuk interesohet apo nuk lutet për ne. Edhe Fryma e Shenjtë lutet për ne. Perëndia donte që besimtarët të dinë pa asnjë dyshim se Ai kujdeset për ne në çdo situatë.



- **Askush nuk mund të na dënojë para Perëndisë.**
- **Jezu Krishti lutet vazhdimisht për ne.**
- **Asgjë nuk mund të na ndajë nga dashuria e Perëndisë për ne.**

Nuk ka asgjë që mund të na largojë nga Perëndia që të ndalojë Atë të na dojë (Efesianëve 2:4). Asgjë nuk mund të bëjë Atë të harrojë planin e Tij të madh e të mrekullueshëm për ne. As vdekja nuk mund të ndajë një bir të Perëndisë nga Ati i Tij dhe dashuria e Atit të Tij (Gjoni 5:24). Nëse vdesim, ne shkojmë menjëherë te Zoti Jezus dhe Perëndia, Ati ynë, në qiell (Luka 23:43; 2 Korintasve 5:8).

Le të falënderojmë Zotin për këto pretime të mrekullueshme.

**Nuk kalon asnjë kohë kur  
Zoti Jezus nuk interesohet  
apo nuk lutet për ty.**

## Varg përmendsh

*Romakëve 8:38-39: Sepse unë jam i bindur se as vdekja, as jeta, as engjëjt, as pushtetet, as fuqia dhe as gjërat e tashme as gjërat e ardhshme, as lartësitë, as thellësitë, as ndonjë tjetër krijesë, nuk do të mund të na ndajë nga dashuria e Perëndisë që është në Jezu Krishtin, Zotin tonë.*

**Bindur:** i sigurt

**Pushtetet:** Sunduesit, qeveritë

**Gjërat e tashme as gjërat e ardhshme:** Tani dhe në të ardhmen

**As lartësitë, as thellësitë:** Asnjë largësi

## Historia

- Ke të drejtë, xhaxhi Piter, kur thua se është ndonjëherë e vështirë të kuptojmë se pse disa të krishterëve u plotësohen më tepër nevojat e tyre në krahasim me të tjerët, - tha Karola. - Shoh të krishterë të tjerë që kanë më tepër se sa ne. Më bën të pyes nëse kemi bërë diçka që e ka trishtuar Perëndinë.

- Jo, Perëndia nuk vepron kështu, - tha xhaxhi Piteri. – Perëndia i do të gjithë bijtë e Tij. Megjithatë Perëndia shikon nevojën tonë ndryshe nga ajo që e shohim ne. Ndonjëherë ato që i shohim si nevoja, Perëndia i shikon ato si gjëra që i pëlqejmë, por që me të vërtetë nuk na duhen.

- Por njerëzit që nuk kanë ushqim të mjaftueshëm për të ngrënë? – pyeti Xhoni. – A kujdeset Perëndia për ta?

- Po, Perëndia kujdeset për tërë bijtë e Tij, - u përgjigj xhaxhi Piteri. – A mban mend kur folëm për të krishterët në kishën e parë, se si e ndihmonin njëri-tjetrin? Ata të krishterë që kishin shumë u dhanë atyre që kishin pak. Perëndia siguroi për nevojat e të varfërve përmes të tjerëve: një ide e mirë për të krishterët sot.

- Njoh disa të krishterë që nuk kanë dëshirë të punojnë shumë, - tha Karola. – Kështu mendoj se ata nuk duhet të kenë më shumë se të tjerët. Por njoh gjithashtu disa njerëz që punojnë shumë dhe megjithatë nuk kanë shumë. Kjo më ngatërron pak!

- Perëndia nuk pret që ne të kuptojmë gjithçka që bën Ai, - tha xhaxhi Piteri. – Ai thjesht na kërkon t'i besojmë atij, duke besuar se Ai e di se çfarë është më e mira për ne. Ndonjëherë përdor çastet e vështira për të na mësuar që të varemi prej Tij apo të kuptojmë se çfarë do të thotë të kesh nevoja. Kjo na shtyn të vlerësojmë gjërat që kemi. Kjo na jep edhe mundësi për të ndihmuar të tjerët në vend që të mendojmë vetëm për veten.

- Shiko, jam i gëzuar që nuk na duhet të mendojmë për nevojat tona në qiell, - tha Xhoni.

- Dhe jam e gëzuar se asgjë nuk mund të na pengojë që të shkojmë atje, - tha Karola. – As Satani, mëkati apo diçka tjetër. Dhe jam shumë e gëzuar që di se Jezusi është në qiell për të realizuar këtë premtim!



Cilat nga këto pohime nuk janë të vërteta për besimtarët?

- ☐ Ata janë bij të Perëndisë.
- ☐ Perëndia është "Ati" i tyre.
- ☐ Ata mund të mëkatojnë sa të duan.
- ☐ Perëndia dëshiron që ata të varen prej Tij në gjithçka.
- ☐ Perëndia premton t'i çojë në shtëpi në qiell.
- ☐ Fryma e Shenjtë lutet për ta.
- ☐ Ata nuk do të kenë më probleme apo vuajtje.
- ☐ Perëndia premton që të gjitha gjërat bashkëveprojnë për të mirën e tyre.
- ☐ Perëndia po i ndryshon që të jenë si Jezusi.
- ☐ Ata kanë fitoren e përhershme në Krishtin.
- ☐ Askush nuk mund t'i dënojë para Perëndisë.
- ☐ Perëndia nuk do t'i dojë nëse mëkatojnë.
- ☐ Jezu Krishti lutet vazhdimisht për ne.
- ☐ Asgjë nuk mund t'i ndajë nga dashuria e Perëndisë për ta.

## Veprimtari shtesë

Bëj një listë me nevojat që mund të kenë besimtarët. Pastaj, përpiku të mendosh për dikë që mund të ndihmohet me këto nevoja. Tregoji listën e nevojave mësuesit dhe kë do të doje të ndihmoje.

### Karta Awana 5 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Perëndia është sovran



A kujton kur mësuam për herë të parë se Perëndia ka zgjedhur popullin jude për të qenë populli i Tij i veçantë të cilin e zgjodhi për të përhapur mesazhin e Tij të shpëtimit në mbarë botën? A kujton po ashtu se shumica e popullit jude nuk dëgjonte profetët që mësonin për Çlirimtarin e premtuar? Në kohën e Palit mesazhi i Tij rreth Jezu Krishtit, Çlirimtarit të premtuar, u refuzua nga shumica e popullit jude. Ata mendonin se mund të fitonin shpëtimin e tyre duke iu bindur ligjit. Pali na thotë në kapitullin nëntë të Romakëve se Perëndia refuzoi judenjtë jobesimtarë për shkak të krenarisë, rebelimit dhe mosbesimit të tyre.

Perëndia është Krijuesi ynë (Psalmi 100:3). Ai ka të drejtën të bëjë atë që dëshiron me krijimin e Tij (Psalmi 135:5-6). A duhet të ankohe mi për planin e Perëndisë për ne? A ke dëshiruar diçka tjetër për veten tënde? Ndoshta ke dëshiruar të ishe dikush tjetër, më i zgjuar, më i bukur, më i gjatë, më i shkurtër, më elegant, më pak i turpshëm, të kishe një hundë më të vogël, ngjyrë tjetër flokësh, një vëlla apo motër tjetër, i pasur apo të jetoje diku tjetër. Ne duhet të kujtojmë se Perëndia është sovran. Ai është autoriteti më i lartë. Gjithçka që bën Perëndia është e paanshme dhe e drejtë. Gjithçka që bën është e dashur dhe e mëshirshme, sepse është i dashur dhe i mëshirshëm. Ne duhet të besojmë se Perëndia do të bëjë më të mirën për ne, ashtu siç ka bërë për tërë njerëzit në çdo vend e çdo kohë.

Meqë shumica e judenjve refuzoi mesazhin e shpëtimit të Perëndisë, Perëndia u dha johebrenjve një shans për ta pranuar. Perëndia kishte të drejtën të refuzonte popullin jude që besonte se mund t'i bindej siç duhet ligjit të Perëndisë, duke thënë se ata nuk kishin nevojë për ndihmën e Perëndisë për t'i shpëtuar nga ndëshkimi i mëkatit. Johebrenjtë ishin ndryshe nga judenjtë. Ata nuk kishin Dhjetë Urdhërimet. Ata jetonin në mëkat dhe ishin më të gatshëm të dëgjonin ungjillin. Përmes predikimit të Palit dhe të tjerëve në kishën e hershme, shumë johebrenj pranuan se ishin mëkatarë. Ata pranuan që Zoti Jezu Krisht ishte Shpëtimtari i mëkatarëve dhe Perëndia i fali ata. Shumë johebrenj zgjodhën t'i besonin mesazhit të ungjillit dhe u bënë lajmëtarët e rinj të Perëndisë në botë. Kujto, Perëndia është sovran; Ai mund të zgjedhë dhe përdorë këdo për të bërë veprën e Tij.

Shumë njerëz sot, si judenj ashtu edhe johebrenj, refuzojnë të pranojnë mesazhin e shpëtimit të Perëndisë. Ata mendojnë se shpëtimi nga mëkati, Satani dhe ndarja nga Perëndia mund të fitohet duke iu bindur ligjit. Perëndia i refuzon edhe ata.

Le të jemi mirënjohës që Perëndia është i dashur, i hirshëm dhe i mëshirshëm. Ai u jep tërë njerëzve një shans për të pranuar dhuratën e Tij të shpëtimit dhe të bëjmë veprën e Tij për të përhapur ungjillin te të tjerët.



Përdor këtë kod për të gjetur mesazhin e fshehtë.

1 A	9 G	17 O	25 X
2 B	10 H	18 P	26 Y
3 C	11 I	19 Q	27 Z
4 Ç	12 J	20 R	
5 D	13 K	21 S	
6 E	14 L	22 T	
7 Ë	15 M	23 U	
8 F	16 N	24 V	

18 6 20 7 16 5 11 1

7 21 10 22 7

21 17 24 21 1 16

1 11

7 21 10 22 7

1 23 22 17 20 11 22 6 22 11

15 7

11

14 1 20 22 7

13 1

8 12 1 14 7 16

6

8 23 16 5 11 22

5 10 6

1 11

6

5 11

15 6

21 1 13 22 7 21 I

21 6

21 11

22 7

20 6 1 14 11 27 17 12 7

9 12 11 22 10 4 13 1

21 11 18 1 21

18 14 1 16 11 22

22 7

22 11 12

# Varg përmendsh

*Psalmi 135:5-6: Po, unë pranoj që Zoti është i madh dhe që Zoti ynë është përmbi të gjitha perënditë. Zoti bën ç'të dojë në qiell dhe në tokë, në dete dhe në të gjitha humnerat.*

## Historia

- Do të doja të këndoja si Sara, - tha Karola. – Të gjithë mendojnë se ajo ka një zë të bukur.

- Duket sikur nuk je e lumtur me atë që të ka dhënë Perëndia, - tha Xhoni. – A nuk e dëgjove se çfarë tha xhaxhi Piteri te mësimi i sotëm?

- Por nuk po mendoj vetëm për vete kur dua të kem një zë të bukur për të kënduar, - tha Karola. – Mund ta përdor për Zotin. Mund të këndoj edhe në kishë. Kjo do të ishte shërbesa ime për të.

- Duket ide e mirë, - tha xhaxhi Piteri, - por kur Perëndia të ka krijuar, të kënduarit për të tjerët nuk ka qenë në planet e Tij për ty.

- Shiko, nuk e di pse jo! – tha Karola e mërzitur. – Kjo është diçka e mirë që dua të bëj për Të dhe kjo do t'i bënte të lumtur edhe të tjerët.

- Mendoj se të gjithë do të donin të kishin një zë të bukur për të kënduar, - tha xhaxhi Piteri. – Po sikur tërë bijtë e Tij të donin zë të bukur për të kënduar dhe të gjithë të donin të këndonin për Të? Mund të dëgjonim të gjithë zërat e bukur, por kush do të mbetej për të çuar mesazhin e shpëtimit të Perëndisë te të tjerët? Apo të ndihmonin të tjerët me nevojat e tyre apo të bënin punët e nevojshme në kishë, apo....

- Në rregull, xhaxhi Piteri, e kuptoj ku do të dalësh, - ndërpreu Karola. – Por nuk mendoj se Perëndia më ka dhënë diçka të veçantë për ta bërë për Të. A më ka harruar kur bëri planet e Tij?

- Absolutisht jo! – tha xhaxhi Piteri. – Perëndia nuk harron askënd. Ndoshta nuk sheh gjë tani, por Perëndia vepron vazhdimisht në jetët tona për të na bërë gati për atë që po planifikon për ne. Ti filllo të mendosh për atë që të pëlqen më shumë të bësh që kur je bërë e krishterë dhe mund të shohësh se si Perëndia planifikon të të përdorë.

- Shiko, xhaxhi Piteri, - tha Xhoni, - mendoj se edhe unë jam ankuar për planin e Perëndisë për veten time. Jam lutur çdo ditë që Perëndia të më bëjë një futbollist të mirë që një ditë të bëhesha profesionist. Tani shikoj se nëse harxhoj tërë kohën time duke u praktikuar për një karrierë në futboll, nuk do të kisha kohë për këto studime biblike apo të ndihmoja njerëzit këtu me ty. Tani këto gjëra janë më të rëndësishme për mua. Është ngazëllyese të mendoj që Perëndia ka planifikuar diçka të veçantë për mua.

- Dhe çfarëdo qoftë, do të jetë më e mira për ju, - tha xhaxhi Piteri. – Dhe nuk ka asgjë të keqe të bëhesh futbollist ndërkohë që studimet biblike dhe shërbesën ndaj Perëndisë e konsideron si gjënë më të rëndësishme në jetë, nëse futboli është plani i Perëndisë për ty.



Rreth përgjigjet e sakta:

1. Perëndia ka të drejtën të refuzojë popullin mosbesues jude. E vërtetë / E gabuar.
2. Perëndia nuk ishte i drejtë kur lejoi johebrenjtë mëkatarë të pranenin shpëtimin si dhuratë të Perëndisë. E vërtetë / E gabuar.
3. Perëndia nuk ka të drejtë të refuzojë johebrenjtë mosbesues. E vërtetë / E gabuar.
4. Planet e Perëndisë për jetën tonë janë gjithmonë planet më të mira. E vërtetë / E gabuar.
5. Perëndia ka të drejtën të na thotë se çfarë duhet të bëjmë për shkak se na ka krijuar. E vërtetë / E gabuar.
6. Ne kemi të drejtën të ankohemi se si na ka krijuar Perëndia. E vërtetë / E gabuar.
7. Perëndia kishte të drejtën të përdorte besimtarët johebrenj të bënë veprën e Tij. E vërtetë / E gabuar.
8. Vetëm johebrenjtë besimtarë mund të bëjnë veprën e Perëndisë për të shpallur ungjillin me të tjerët. E vërtetë / E gabuar.

## Veprimtari shtesë

Ti je bërë sipas planit të Perëndisë që ka për ty. Mendo për tre gjëra për veten për të cilat je i lumtur. Tregoja mësuesit.

### Karta Awana 23 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Ungjilli për judenjtë dhe johebrenjtë



Izraeli ishte populli i zgjedhur i Perëndisë. Perëndia e dha Fjalën e Tij për tërë botën përmes Izraelit. Ai i dha Izraelit ligjin e Tij, profetët, tempullin, tabernakullin dhe shumë mrekulli dhe premtime, përfshi premtimin e Çlirimtarit.

Në mësimin e kaluar pamë se si Izraeli refuzoi Çlirimtarin e premtuar të Perëndisë. Pamë gjithashtu se si, me kalimin e kohës, një numër i vogël izraelitësh vunë besimin e tyre në Perëndinë, por shumica ndiqte rrugën e vet. Kështu Perëndia u dha mesazhin e shpëtimit përmes Jezu Krishtit johebrenjve dhe shumë besuan. Shpëtimi, që prej atij çasti, u jepet judenjve dhe johebrenjve. U jepet të gjithë atyre që i afrohen Perëndisë me besim në Jezu Krishtin (Galatasve 3:26-28). Dhe si përhapet ungjilli te të tjerët?

*Si do ta thërrasin, pra, atë, të cilin nuk i besuan? Dhe si do të besojnë tek ai për të cilin nuk kanë dëgjuar? Dhe si do të dëgjojnë, kur s'ka kush predikon? Dhe si do të predikojnë pa qenë dërguar? Siç është shkruar: "Sa të bukura janë këmbët e atyre që shpallin paqen, që shpallin lajme të mira!" (Romakëve 10:14-15).*

Në këtë mënyrë përhapet ungjilli në mbarë botën: Zoti dërgon shërbëtorët e tij për të predikuar ungjillin. Ungjilli u predikohet atyre që nuk e kanë dëgjuar ende. Kur njerëzit dëgjojnë mesazhin dhe besojnë, ata shpëtohen!

Perëndia i ofroi me të vërtetë shpëtimin Izraelit në fillim. Jezusi eci midis njerëzve të Tij dhe i mësoi në sinagogat e tyre, në Tempull, në fshatrat e tyre dhe në shtëpitë e tyre. Megjithatë, shumica e izraelitëve refuzoi të besonte në Të. Por ata vazhduan të kërkonin Zotin duke u mbështetur në gjoja veprat e tyre të mira. Prandaj Perëndia u kthye te johebrenjtë, të cilët nuk e kishin kërkuar.

Pali, vetë jude, siguroi popullin se Perëndia nuk kishte hequr dorë nga judenjtë (Romakëve 11:1). Dëshira e Perëndisë për judenjtë ishte që ata të mund të shikonin se çfarë kishin në Krishtin të krishterët johebrenj dhe të dëshironin shpëtimin përmes Krishtit (Romakëve 11:15). Pali po thotë se johebrenjtë kanë marrë bekime të mëdha, për shkak se izraelitët kanë refuzuar atë që duhet të ishte e tyre. Ne jemi në atë kohë tani, ndërsa një numër i madh johebrenjsh po besojnë te Krishti. Megjithatë, judenjtë janë ende të rëndësishëm për Perëndinë dhe kur të kthehen tek Ai, do të thotë bekim edhe më i madh, sepse judenjtë ishin populli i Perëndisë që nga fillimi. Perëndia thotë se do të vijë dita kur Izraeli do të kthehet te Perëndia dhe do të besojë.

Perëndia nuk na thotë kur dhe se si do të ndodhë, por është një premtim i qartë nga Fjala e Tij. Ne nuk kuptojmë gjithmonë se pse Perëndia bën ato gjëra që bën. Ne na mjafton të besojmë atë që thotë. Pali e mbyll kapitullin 11 të Romakëve me këto vargje duke lavdëruar Perëndinë dhe sovranitetin e Tij.

*O thellësi pasurie, urtësie dhe diturie të Perëndisë! Sa të pahulumtueshme janë gjykimet e tij dhe të pashtershme janë udhët e tij! "Sepse kush e njohu mendjen e Zotit? Ose kush u bë këshilltar i tij? Ose kush i dha atij më parë, që të ketë për të marrë shpagim?." Sepse prej tij, me anë të tij dhe për të janë të gjitha gjërat. Lavdi atij përjetë! Amen! (Romakëve 11:33-36).*

Le të kujtojmë edhe ne që t'i japim Perëndisë lavdet që meriton.



Perëndia është sovran. Përdor fjalët më poshtë për të plotësuar vendet bosh me gjërat që përshkruajnë Perëndinë.

a. më i madh    b. i plotfuqishëm    c. i dashur    d. i mëshirshëm    e. i përjetshëm  
f. komunikon    g. kudo    h. besnik    i. gjithçka

1. Perëndia \_\_\_\_\_ me njeriun.
2. Perëndia nuk ka pasur fillim dhe nuk do të ketë fund: Ai është \_\_\_\_\_.
3. Perëndia është \_\_\_\_\_ në çdo kohë.
4. Ai njih \_\_\_\_\_.
5. Perëndia është Sovran: Ai është \_\_\_\_\_ se të gjithë dhe më e rëndësishmja; Ai është autoriteti më i lartë.
6. Perëndia është \_\_\_\_\_; nuk ka asgjë shumë të vështirë për Të.
7. Perëndia është \_\_\_\_\_, plot hir dhe \_\_\_\_\_.
8. Perëndia është \_\_\_\_\_; Ai bën gjithmonë atë që thotë; Ai nuk ndryshon kurrë.

**Perëndia i ka të gjitha këto cilësi,  
në çdo kohë!**

## Varg përmendsh

*Romakëve 10:14-15: Si do ta thërrasin, pra, atë, të cilit nuk i besuan? Dhe si do të besojnë tek ai për të cilin nuk kanë dëgjuar? Dhe si do të dëgjojnë, kur s'ka kush predikon? Dhe si do të predikojnë pa qenë dërguar? Siç është shkruar: "Sa të bukura janë këmbët e atyre që shpallin pagën, që shpallin lajme të mira!"*

## Historia

- Mendoj se jam i bindur pas mësimit të sotëm, - tha Xhoni i trishtuar.

- I bindur? – pyeti Karola.

- Po, i bindur, - tha Xhoni. – Ndërgjegjja ime më thotë se nuk i kam pëlqyer Zotit me anë të veprimeve të mia ndaj dikujt.

- Ndaj kujt? – pyeti Karola. – Nuk të kam parë të sillesh i pahijshëm apo jo i mirë ndaj dikujt.

- Është e vërtetë, - tha Xhoni. – Nuk është ajo që i kam bërë dikujt, por ajo që nuk kam bërë. Në mësimin e sotëm pamë se si Perëndia do njerëzit që vazhdojnë ta refuzojnë. Dhe Ai nuk heq dorë prej tyre. Kjo është një lloj dashurie dhe durimi që nuk e kam për dikë, sidomos nëse më kanë trajtuar ashtu siç kanë trajtuar Birin e Perëndisë, Jezu Krishtin.

- Jam dakord me ty, - tha Karola, - por kë mendon se nuk e ke trajtuar mirë?

- Oh, po, - tha Xhoni. – E mban mend Erikun, atë djalin në klasën time që më tallte para tërë klasës për shkak se po flisja kundër evolucionit? Jam përpjekur të sillem mirë me të, por gjithmonë më ka injoruar apo më ka thënë ta lë rehat. Kështu e lashë rehat. Nuk dua as të jem afër tij.

- A e di se çfarë dëgjova dje, Xhon? – pyeti Karola. – Dëgjova Erikun që po i thoshte dikujt se mendonte që nuk ishte aq i keq. Ai të ka vëzhguar dhe të shikon se sa i lumtur je dhe se sa shumë të pëlqejnë të tjerët.

- Po, e kam dëgjuar edhe këtë, - tha Xhoni. – Por prandaj ndihem i bindur. Mendoj se nuk e kam falur me të vërtetë për mënyrën se si më ka trajtuar. Megjithatë, tani e kuptoj që po nuk i tregova për ungjillin, ndoshta nuk ka për ta dëgjuar kurrë.

- Të përgëzoj për këtë, Xhon, - tha xhaxhi Piteri. – Tregon që të tjerët po shohin diçka të mirë në jetën tënde. Kur jetojmë ashtu siç dëshiron Krishti, të tjerët do të shohin këtë dhe duan atë që kemi ne. Duket sikur Eriku dëshiron atë që ke ti. Ai mund të jetë gati të të dëgjojë atë që ke për të thënë.

- Shiko, e di që në fillim duhet ta fal Erikun, - tha Xhoni. – Pastaj do të bëhem miku i tij dhe nëse dëgjon, do të filloj t'i tregoj se si mund të gjejë lumturinë e vërtetë.

# Veprimtari shtesë

A njeh dikë që nuk e ka dëgjuar ende mesazhin e ungjillit? Nëse po, pyeti nëse duam të shikojnë në Bibël se si mund të jenë me të vërtetë të lumtur. Nëse personi thotë po, atëherë shpalli mesazhin e ungjillit. Mund të përdorësh shënimet në faqet 136-137. Tregoji mësuesit për këtë dhe mësuesi do të lutet për ty.

## Karta Awana 24 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Besimtarët i shërbejnë Perëndisë me gëzim



Ndërsa mendojmë për tërë gjërat që ka bërë Perëndia për ne në Krishtin Jezus, ne duhet të dëshirojmë t'i shërbejmë Perëndisë.

*O vëllezër, po ju bëj thirrje, nëpërmjet dhembshurisë së Perëndisë, ta paraqisni trupin tuaj si fli të gjallë, të shenjtëruar, të pëlqyer te Perëndia, që është shërbesa juaj e mënçur (Romakëve 12:1).*

Para se Jezusi të vdiste për mëkatet tona, çdo jude ishte urdhëruar të ofronte flijime të përsosura kafshësh para Perëndisë. Megjithatë, për shkak të asaj që Krishti ka bërë për ne, Perëndia dëshiron që të ofrojmë vullnetarisht trupat tanë të çliruar nga mëkati për përdorimin e Tij të vazhdueshëm. Ai thotë se kjo është një sakrificë që i pëlqen Atij. Kjo është një mënyrë se si mund të adhurojmë Zotin dhe t'i ofrojmë gjithçka Atij, në mënyrë që Ai të na drejtojë dhe përdorë, për lavdinë e Tij. Le të mendojmë për vargun e sotëm.

*Dhe mos u konformoni me këtë botë, por transformohuni me anë të ripërtëritjes së mendjes suaj, që të provoni cili është i miri, i pëlqyeri dhe i përsosuri vullnet i Perëndisë (Romakëve 12:2).*

Cilat janë disa nga gjërat rreth nesh që mund të ndryshojnë mënyrën se si mendojmë dhe veprojmë? Miqtë, televizioni, reklamat, filmat, muzika që zgjedhim të dëgjojmë dhe ajo që lexojmë: tërë këto gjëra dhe shumë më tepër ndikojnë mendimet tona dhe mënyrën e jetesës. Sa më afër u qëndrojmë gjërave që do të miratonte natyra jonë e vjetër mëkatore, aq më tepër mendojmë për këto gjëra si të pranueshme për ne. Me kalimin e kohës nuk i konsiderojmë mëkat. Perëndia dëshiron të ndryshojmë mendësinë tonë rreth mëkatit dhe të largohemi prej tij.

Si mund të jemi të sigurt se mënyra se si jetojmë nuk është e njëjtë si rrugët e këqija të kësaj bote? Ne mund të jemi të sigurt duke ndjekur udhëzimet e Perëndisë në Fjalën e Tij (2 Timoteut 3:16-17). Edhe Fryma e Shenjtë na ndihmon të njohim se çfarë është e ligë dhe çfarë është e mirë. Perëndia dëshiron të mendojmë dhe të jetojmë si bijtë dhe vajzat e Tij. Kjo i pëlqen Atij dhe i sjell gëzim zemrave tona.

*Kini në ju po atë ndjenjë që ishte në Jezu Krishtin (Filipianëve 2:5).*

Kur mendojmë më tepër ashtu siç mendon Perëndia dhe i shërbejmë Atij me gëzim, atëherë do të njohim dhe pajtohemi me planin e Perëndisë për jetën tonë. Kujto, planet e Perëndisë për ne janë gjithmonë planet më të mira.



Mbush pjesët bosh me fjalët më poshtë për të zbuluar mesazhin:

pëlqen    mendojmë    zemrat    bijtë    gëzim    jetojmë    bijtë

Perëndia dëshiron që të \_\_\_\_\_ dhe \_\_\_\_\_ si \_\_\_\_\_  
dhe \_\_\_\_\_ e Tij. Kjo i \_\_\_\_\_ Atij dhe sjell \_\_\_\_\_  
edhe në \_\_\_\_\_ tona.

Kur mendojmë më tepër ashtu siç  
mendon Perëndia dhe i shërbejmë Atij  
me gëzim, atëherë do të njohim dhe  
pajtohemi me planin e Perëndisë për  
jetën tonë.

# Varg përmendsh

*Romakëve 12:2: Dhe mos u konformoni me këtë botë, por transformohuni me anë të ripërtëritjes së mendjes suaj, që të provoni cili është i miri, i pëlqyeri dhe i përsosuri vullnet i Perëndisë.*

**Konformoni:** Të ndjekësh rrugën, të formohesh, të modelohesh

**Transformohuni:** Ndryshoj plotësisht

**Ripërtëritjes së mendjes suaj:** Të leJosh Perëndinë të bëjë mendjen të re

## Historia

- Xhaxhi Piter, ne nuk do të jemi këtu për studimin e radhës të Biblës, - tha Karola.
- Pse jo? – pyeti xhaxhi Piteri.
- Do të shkojmë për vizitë te familja e babait për dy javë, - u përgjigj Karola. – Nuk është se e kam me shumë qejf, sepse do të doja të qëndronim këtu me ty.
- Nuk mendoj se prindërit tuaj do ta pëlqenin këtë, - tha xhaxhi Piteri.
- Ke të drejtë! – tha Xhoni. – Jemi përpjekur tashmë.
- Pse nuk doni të shkoni? – pyeti xhaxhi Piteri.
- Sepse askush në familjen e babit nuk është i krishterë, - tha Karola. – Dhe ata presin që edhe ne të bëjmë të njëjtat gjëra që bëjnë ata, për të cilat e dimë se Perëndia nuk do t'i miratonte.
- Ne na pëlqente më parë të bënim gjërat që bënin ata, por jo më, - tha Xhoni.
- Dhe, xhaxhi Piter, - tha Karola, - ata mërzhiten shumë kur duam të lutemi para se të hamë ushqimin. Dhe ata e thonë emrin e Jezu Krishtit si të ishte një fjalë e keqe. Ata thonë se nuk besojnë se Jezu Krishti është Biri i Perëndisë.
- Ata thonë se janë fetarë, - tha Xhoni, - por thonë se mund të bëjnë gjithçka që duan. Nuk ka rregulla se çfarë është e drejtë apo e gabuar. Nëse ke qejf ta bësh, e bën, nuk ka rëndësi nëse i bën keq dikujt. Nuk arrij ta besoj që edhe ne mendonim kështu më parë!
- Kur i dëgjoj që fillojnë të përdorin emrin e Jezusit si fjalë e keqe apo tregojnë historitë e tyre të pista, - tha Xhoni, - filloj të recitoj në mendjen time vargje nga Shkrimi që kemi mësuar në studimin tonë të Biblës. Nëse nuk veprojmë kështu, mund të filloj të mendoj për ato histori apo të përdor fjalë të pista që përdorin ata.
- Më vjen keq për familjen e babait tënd, - tha xhaxhi Piteri. – Jam i kënaqur që dëgjoj që nuk dëshiron të bësh gjërat që bëje më parë me ta. Dhe recitimi i atyre pjesëve të Shkrimit do të të ndihmojë të përqendrohesh te Perëndia, në vend që të bësh gjërat e këqija të botës së tyre mëkatore.
- Jam shumë i kënaqur që kemi mësuar nga Fjala e Perëndisë se çfarë është e drejtë apo e gabuar, - tha Xhoni, - sepse kur familja e babait na thotë vazhdimisht që Perëndia nuk interesohet nëse bëjmë diçka mëkatore, do të ishte e vështirë t'u thosha

jo. Por tani që e di se çfarë është e drejtë, dua të bëj vetëm atë që i pëlqen Perëndisë.  
Të lutem lutu për ne, xhaxhi Piter. E di që kemi nevojë!



Zgjidh një prej këtyre temave dhe shkruaj apo tregoji mësuesit tënd se si do të vendosësh nëse është e mirë për ty: muzikën që dëgjoj, librat që lexoj, programin televiziv që shikoj, filmin që shikoj apo personin që kam shok. Kontrolllo përgjigjet e fëmijëve.

---

---

---

---

---

---

---

### Karta Awana 5 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_





# Perëndia u jep besimtarëve aftësi të veçanta

Perëndia na pa në fillim si mëkatarë të pashpresë. Ajo pak e mirë që gjendet në ne rrjedh nga ajo që na ka dhënë Perëndia me anë të hirit të Tij. Ne nuk e meritonim. Tani që jemi shpëtuar, Ai na shikon përmes personit të Birit të Tij, Jezu Krishtit, i cili vdiq për të na shpëtuar nga mëkatet. Ne nuk kemi se me çfarë të mburremi.

Jeta e Palit ishte shembull i kësaj. Kur ai u bë besimtar në Jezu Krishtin, Perëndia, në hirin e Tij, caktoi Pali apostull. Kjo jo për shkak të edukimit të lartë të Palit apo pozicionit të tij të rëndësishëm, por përmes mirësisë së Perëndisë ndaj tij.

Ne nuk duhet të mendojmë se jemi më të mëdhenj nga sa na ka bërë Perëndia (Romakëve 12:3). Perëndia nuk shikon talentet, edukimin apo pasurinë tonë për të përcaktuar se sa të rëndësishëm apo të mirë jemi. Perëndia interesohet më tepër për atë që bëjmë me atë që na ka dhënë. Perëndia dëshiron të jemi të përlulur dhe të pranojmë vullnetin dhe planin e Perëndisë për jetën tonë.

Pali u shpjegoi të krishterëve romakë se Perëndia u ka dhënë besimtarëve dhunti (talente) të ndryshme për t'u përdorur për veprën e Tij. Zoti i ka dhënë secilit punë për të bërë për Të (1 Korintasve 12). Ai na mundëson të bëjmë veprën e Tij me anë të Frymës së Shenjtë që jeton në ne. Secili prej nesh duhet të lejojë Zotin t'i mësojë në mënyrë që të kuptojmë se çfarë dhuntie na ka dhënë si pjesë e trupit të Tij të besimtarëve (Romakëve 12:4-8). A kujton që në çastin kur besuam, morëm Frymën e Shenjtë dhe u bëmë pjesë e Kishës (apo Trupit të Krishtit): grupi që përfshin tërë besimtarët në Krishtin (1 Korintasve 12:27)? Kur secili prej nesh kupton se si punojmë në Kishë, ne mund të punojmë së bashku për të ndihmuar njëri-tjetrin për të bërë vullnetin e Zotit këtu në tokë. Më poshtë kemi dhuntitë që Pali u shpjegon të krishterëve:

**Profecia:** Perëndia foli mesazhin e Tij përmes profetëve. Perëndia foli me anë të Frymës së Shenjtë përmes profetëve të Tij gjatë kohës së Dhiatës së Vjetër e të Re. Ajo që Perëndia donte të regjistrohej përmes profetëve është shkruar në Bibël. Perëndia ka udhëzuar që nuk duhet t'i shtohet gjë apo t'i hiqet gjë Fjalës së Tij (Fjalët e Urta 30:5-6; Zbulesa 22:18-19; Ligji i Përtërirë 12:32).

**Shërbimi:** Shërbimi ndaj të tjerëve në atë mënyrë që plotëson nevojat e tyre. Për shembull, në kishën e hershme në Jerusalem, njerëzit zgjidhnin burra për të shpërndarë ushqimin dhe materiale të tjera për vejushat e krishtera, të cilat nuk kishin të afërm për t'u kujdesur (Veprat e Apostujve 6:1-7).

**Mësimi:** Mësimi i Fjalës së Perëndisë. Fryma e Shenjtë u jep dhuntinë e mësimi

disa njerëzve në mënyrë që ata të mësojnë qartë pjestarët e tjerë të Trupit të Krishtit për të kuptuar dhe bindur Fjalës së Tij.

**Nxitja:** Inkurajimi, ngushëllimi dhe sfida e besimtarëve përmes Fjalës së Perëndisë. Dhuntia e nxitjes është aftësia që Zoti u jep disa pjestarëve të kishës për të inkurajuar bijtë e Perëndisë për të shërbyer, për të qenë besnikë në ecjen e tyre të krishterë dhe për t'i ngushëlluar gjatë shkrajimeve, trishtimeve dhe provave (Romakëve 12:8).

**Dhurimi:** Dhurimi për nevojat e njerëzve dhe veprës së Perëndisë. Të gjithë inkurajohemi të ndihmojmë njëri-tjetrin dhe të japim atë që mundemi për veprën e Zotit. Ne nuk duhet të presim të na e kthejnë.

**Drejtimi:** Drejtimi i kishës vendore në veprën e Zotit është aftësia që Fryma e Shenjtë u jep njerëzve për të drejtuar dhe udhëhequr kishën.

**Mëshira:** Aftësia e veçantë për të ndihmuar nevojtarët dhe të sëmurët. Ata të cilët Zoti u ka dhënë këtë vepër duhet ta bëjnë duke treguar mirësi, butësi dhe gëzim të sinqertë.

Ne duhet të punojmë për të përmirësuar aftësinë që na ka dhënë Perëndia në mënyrë që të bëjnë mirë punën tonë në Kishën e Tij. Si zhvillojmë dhe përmirësojmë dhuntitë tona? Duke studiuar Fjalën e Perëndisë dhe duke praktikuar dhuntinë tonë në Trupin e Krishtit.

Kujto, ashtu siç nuk mund të shpëtonim veten, po ashtu nuk mund të bëjmë veprën e Perëndisë me fuqinë tonë. Perëndia ka siguruar forcën, diturinë dhe hirin për gjithçka që dëshiron të bëjmë. Ne nuk punojmë vetëm, por si pjesë e Kishës së Krishtit. Forca vjen nga Jezu Krishti, i cili jeton në ne me anë të Frymës së Shenjtë. Sa privilegj të madh kemi që i përkasim Zotit!



Hiq një vijë nga dhuntitë që Perëndia u ka dhënë besimtarëve në të majtë me përshkrimin që përkon në të djathtë.

Profecia	Drejtimi i kishës vendore në veprën e Zotit.
Shërbesa	Shërimi ndaj të tjerëve në mënyrë të nevojshme.
Mësimi	Dhurimi për nevojat e njerëzve dhe veprës së Perëndisë.
Nxitja	Aftësia e veçantë për të ndihmuar nevojtarin dhe të sëmurin.
Dhurimi	Perëndia shqiptoi mesazhin e Tij përmes profetëve.
Drejtimi	Mësimi i Fjalës së Perëndisë.
Mëshira	Inkurajimi, ngushëllimi dhe sfida e besimtarëve përmes Fjalës së Perëndisë.

## Varg përmendsh

*O vëllezër, po ju bëj thirrje, nëpërmjet dhembshurisë së Perëndisë, ta paraqisni trupin tuaj si fli të gjallë, të shenjtëruar, të pëlqyer te Perëndia, që është shërbesa juaj e mënçur (Romakëve 12:1).*

**Bëj thirrje:** Lutem, kërkoj

**Dhembshurisë së Perëndisë:** Mirësia dhe dashuria e Tij; të mos japë ndëshkimin që meriton

**Shërbesa e mënçur:** Për shkak të dashurisë së Perëndisë ndaj meje, duhet t'i shërbej Atij me dëshirë dhe gëzim

## Historia

- Nuk e di se çfarë dua të bëj me jetën time, - tha Xhoni. – Ndryshoj vazhdimisht mendje.

- Kam qenë duke menduar për atë që na the, xhaxhi Piter, - tha Karola. – Dhe po mendoj që ajo që më pëlqen të bëj më tepër është t'u dëshmoj miqve të mi. Ndoshta dhuntia ime e shërbesës do të jetë shërbesa ndaj Perëndisë për t'u treguar të tjerëve se si mund të shpëtohen.

- Edhe mua më pëlqen kjo, - tha Xhoni. – Por më pëlqen gjithashtu të dal me ty, xhaxhi Piter, të vizitoj të sëmurët dhe t'i ndihmoj me nevojat e tyre. Por nuk e di se kë dëshiron Perëndia të bëj.

- E di! – tha Karola e gëzuar. – Mund t'i bësh të dyja. Mund t'u dëshmosh njerëzve që viziton dhe ndihmon.

- Po, ashtu mendoj, - tha Xhoni. – Por a mendon se kjo është me të vërtetë dhuntia e Perëndisë për mua? Ndoshta do të më japë një dhunti që nuk më pëlqen.

- Perëndia nuk vepron kështu, - tha xhaxhi Piteri. – Një prej gjërave të mrekullueshme rreth dhuntive që na jep Perëndia është se ndërsa rritemi në jetën tonë të krishterë, Ai vendos një dëshirë në zemrat tona për të bërë gjërat që dëshiron të bëjmë. Ne nuk duhet të shqetësohemi nëse nuk e dimë se cila është ende dhuntia jonë e shërbesës. Ndërsa kalojmë kohë duke punuar me besimtarë të tjerë dhe duke lexuar Fjalën e tij, Ai do të na inkurajojë dhe do të na mësojë të rritemi në fushat e veçanta që na ka zgjedhur të shërbejmë.

- Atëherë mendoj se duhet të presim derisa të bëhemi të rritur për të zbuluar se cilat janë dhuntitë tona të veçanta, apo jo, xhaxhi Piter? – pyeti Karola.

- Jo gjithmonë, - u përgjigj xhaxhi Piteri. – Kur të rinjtë e kanë vërtetë seriozisht për të bërë vullnetin e Perëndisë dhe kërkojnë mënyra për t'i shërbyer Atij, Fryma e Shenjtë mund t'u japë atyre mundësi për të përdorur dhuntitë që Ai ka zgjedhur për ta. Sa më tepër praktikohemi duke përdorur aftësitë dhe talentet tona, aq më mirë bëhemi me to dhe aq më të dobishëm do të jemi në shërbesën tonë për Zotin, qofshim të rinj apo të vjetër.

- Atëherë, e di se çfarë do të bëj, - tha Xhoni. – Do të vazhdoj të punoj me ty, mësuësin më të mirë që mund të kem. Shiko, edhe kjo duhet të jetë në planin e Perëndisë!

Edhe pse Fryma e Shenjtë zgjedh se kujt do  
t'i japë aftësitë e ndryshme, ne jemi ende  
përgjegjës për të studiuar Fjalën e Perëndisë dhe  
të zhvillojë dhuntitë që na ka dhënë Zoti.

## Veprimtari shtesë

Shkruaj apo thuaj mësuesit se çfarë lloj shërbese mund të kesh dëshirë të bësh për Perëndinë. Pastaj kërkoji mësuesit apo një prej drejtuesve të kishës nëse mund të të ndihmojnë që të gjesh një mënyrë se si të praktikosh aftësitë që të duhen për atë shërbesë.

---

---

---

---

### Karta Awana 26 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Besimtarët duan dhe nderojnë njëri-tjetrin



Në mësimin e sotëm Pali na thotë se si duhet të jetojmë me të krishterët e tjerë dhe me tërë njerëzit. Te Romakëve 12:9 Pali na thotë se dashuria për njerëzit duhet të jetë e sinqertë (e vërtetë). Ne nuk duhet të bëjmë sikur e duam dikë. Është e lehtë që ne të veprojmë sikur i duam të tjerët, thjesht që ata të mendojnë dhe thotë që ne jemi të mirë apo që të bëjnë gjëra për ne. Kjo lloj dashurie nuk është dashuri e vërtetë. Disa njerëz mund të jenë të vështirë për t'u dashur. Megjithatë, përmes fuqisë së Frymës së Shenjtë, dashuria e Perëndisë do të shihet në ne.

Pali na thotë po ashtu te Romakëve 12:9 se për shkak se jemi bijtë e Perëndisë dhe Fryma e Shenjtë jeton tani në ne, duhet të largohemi nga e keqja (Efesianëve 5:3-18; 1 Timoteut 6:10-11; 2 Timoteut 2:22). Ne nuk duhet të kemi të bëjmë me diçka që e urren Perëndia. Ne duhet të refuzojmë të bëjmë diçka mëkatore. Ne duhet të bëjmë vetëm ato gjëra që i pëlqejnë Perëndisë: gjithçka që është e mirë, e drejtë dhe e dobishme për të tjerët (Filipianëve 4:8-9; Efesianëve 4:29). Edhe kjo mund të duket shumë e vështirë për t'u bërë. Megjithatë Fryma e Shenjtë na ndihmon, ndërsa vazhdojmë të mësojmë nga Fjala e Perëndisë, për të njohur se çfarë është e mirë dhe çfarë është e keqe (2 Pjetrit 1:3-8; Filipianëve 2:14-16) dhe Perëndia na jep fuqinë për t'u kthyer nga e keqja për të bërë atë që është e mirë.

Në vargun e radhës, Romakëve 12:10, Pali thotë: *“Duani njeri tjetrin me dashuri vëllazërore; në nderim tregoni kujdes njeri me tjetrin”*. Na thuhet të pranojmë dhe duam tërë besimtarët ashtu sikur të ishin vëllezërit dhe motrat tona në familjen e Perëndisë (1 Timoteut 5:1-2; Efesianëve 2:19). Të gjithë ne kemi një Atë dhe një ditë do të jetojmë së bashku me Të në qiell (1 Gjonit 2:28-3:3). Le të shohim disa mënyra se si mund t'i tregojmë dashurinë njëri-tjetrit si vëllezër dhe motra në familjen e Perëndisë:

- Respektoni njëri-tjetrin.
- Dëgjoni njëri-tjetrin.
- Mësoni nga njëri-tjetri.
- Ndhmoni njëri-tjetrin.

A ke menduar ndonjëherë se je më i mirë se dikush tjetër? Perëndia dëshiron që të nderojmë të tjerët në vend që të nderojmë veten. Bota në të cilën jetojmë na thotë: “Bëj një emër për veten. Fito sa të mundesh. Kujdesu për veten. Ti e meriton!” Vetja jonë e vjetër mëkatore e pëlqen këtë mesazh dhe dëshiron t'i bindet. Megjithatë, nëse ia kushtojmë veten Perëndisë dhe lejojmë Fjalën e Tij të ndryshojë mendësinë tonë, mesazhi i Tij është ndryshe. Ai dëshiron që të kërkojmë mënyra për të ndihmuar të tjerët. Ne na është dhënë shumë mirësi e pamerituar nga Perëndia. Ai dëshiron që ne, në fuqinë e Frymës së Shenjtë, të gjejmë mënyra se si t'u tregojmë mirësinë e Tij të tjerëve dhe ta bëjmë në atë mënyrë që Zoti Jezus të marrë meritën. Ne duam që të gjithë të shohin dashurinë e Jezusit përmes jetës sonë.

# Varg përmendsh

*Galatasve 5:22-23: Por fryti i Frymës është: dashuria, gëzimi, paqja, durimi, mirëdashja, mirësia, besimi, zemërbutësia, vetëkontrolli. Kundër këtyre gjërave nuk ka ligj.*

**Dashuria:** Besimtarët kanë një dëshirë të madhe për t'i pëlqyer Perëndisë dhe për të bërë të mirë të tjerëve, që i pëlqen Perëndisë.

**Gëzimi:** Një lumturi e vazhdueshme për atë që ka bërë Perëndia dhe që po bën për ta, duke e ditur se do të kalojnë përjetësinë me Të në qiell. Të tjerët duhet të shohin këtë gëzim nga mënyra se si u flasin të tjerëve dhe se si sillen me të tjerët.

**Paqja:** Për shkak se mëkatet e besimtarëve janë falur, zemrat dhe mendjet e tyre janë të qeta. Ata e dinë që Perëndia i mban tërë premtimet e Tij, kështu që ata nuk shqetësohen më për jetesën e përditshme apo të kenë frikë për atë që do t'u ndodhë në të ardhmen.

**Durimi:** Ata pranojnë vonesat, problemet dhe vështirësitë në jetë pa u zemëruar apo ankuar.

**Mirësjellja:** Sjellja e ëmbël. Përgjigjja e qetë ndaj atyre që po kalojnë prova apo edhe ndaj atyre që u kanë bërë keq.

**Mirësia:** Gjithmonë i mirë dhe gjetja e mënyrave për të qenë të dobishëm ndaj të tjerëve. Nuk kërkon të mëkatojë apo të bëjë diçka që për një tjetër është mëkat.

**Besnikëria:** Besimtarët do të kryejnë punën që u është dhënë me anë të Perëndisë dhe prindërve të tyre. Mban premtimet bërë të tjerëve. I ndershëm. Atyre mund t'u kihet besë se do ta ruajnë sekretin që u jep dikush. Besnikë ndaj familjes dhe miqve.

**Butësia:** I durueshëm ndaj të gjithëve. Nuk kthen fjalën, por përgjigjet me butësi. Mos u zemëro me ata që të bëjnë keq. Fal. Përpiku t'i pëlqesh Perëndisë në gjithçka.

**Përulësia:** Mos e mendo veten më të mirë se të tjerët.

**Vetëkontrolli:** Ata e dinë se sa është mjaftueshëm në çdo gjë që bëjnë në jetë dhe lejojnë Frymën e Shenjtë për të kontrolluar gjithçka që mendojnë dhe bëjnë.

# Historia

- Xhaxhi Piter, - tha Karola, - nuk mendoj se mund të jap gjithmonë ashtu siç dëshiron Perëndia. Ka shumë gjëra për të menduar. Nuk do të jem kurrë në gjendje t'i pëlqej Atij!

- Nuk duket se ke qejf të përpiqesh, - tha Xhoni. – Duket sikur ke hequr dorë. E di me siguri që Perëndisë nuk i pëlqen kjo!

Oh, Xhon, - tha Karola, - edhe ti nuk po vepron mirë me “frytin e Frymës”!

- E di këtë, - pranoi Xhoni. – Por nuk do të heq dorë së përpjekuri që të bëhen pjesë e jetës sime. Nuk i bëj gjithmonë siç duhet, por kam në plan të përpiqem.

- Ti mendon se je më i mirë se sa unë! – tha Karola me zemërim.

- Jo, nuk mendoj ashtu, - tha Xhoni. – Gjëja e vetme ndryshe nga ty është që jam gati të përpiqem t'i bindem Perëndisë dhe të bëj ndryshime në jetën time dhe ti jo.

- A mund të ndërhyj për të thënë diçka? – tha xhaxhi Piter me butësi. – Xhoni e ka mirë që dëshiron “frytin e Frymës”. Por, Karola, edhe pse kemi folur për këtë më parë, mendoj se nuk ke kuptuar qartë se çfarë po të kërkon Perëndia. Duhet të kujtosh se nuk je më nën ligj. Perëndia nuk do të të çojë në ferr nëse nuk bën diçka siç duhet. Dhe Ai e di që ne përpiqemi ende me mëkatin në jetën tonë. Ajo që na kërkon Ai është të lejojmë Frymën e Shenjtë të veprojë në jetën tonë në mënyrë që Ai të kontrollojë mendimet dhe veprimet tona, jo personi ynë i vjetër. Perëndia e di që do të duhet kohë. Sa më tepër studiojmë Fjalën e Tij dhe i bindemi, aq më tepër do të shihet “fryti i Frymës” në jetën tonë.

- Këtë mezi po e pres, - tha Xhoni. – Ditën që do të jem i durueshëm me njerëz si Karola, pa u mërzitur më parë, duke thënë diçka që lëndon dhe pastaj të kërkoj falje për të.

- Xhon! – thirri Karola.


- Po bëj shaka me ty, Karola, - tha Xhoni, duke buzëqeshur. – Edhe pse ti vë në provë durimin tim ndonjëherë... E di, e di, edhe unë të vë në provë, kështu le të biem dakord që të ndihmojmë njëri-tjetrin për të jetuar ashtu siç dëshiron Fryma e Shenjtë. Ndërkohë do të përpiqem mos të të mërzis apo të mendosh se jam më i mirë se sa ty.

- Ashtu mendoj, - tha Karola, - dhe do të përpiqem të mos jem xheloze për ty. Dua me të vërtetë t'i pëlqej Perëndisë.

- Më duket plan i mirë! – tha xhaxhi Piteri. – Do të lutem për ju të dy.



Vendos X mbi ato gjëra që nuk na tregojnë se si duhet të trajtojmë vëllezërit dhe motrat tona në Krishtin.



## Veprimtari shtesë

Mëso dhe thuaj përmendsh Galatasve 5:26: Ky varg na kujton se Perëndia nuk dëshiron që të mashtrohemi, të mërzisim njëri-tjetrin apo të jemi xhelozë për njëri-tjetrin.

Le të mos jemi mburravecë, duke provokuar dhe duke pasur smirë njëri-tjetrin (Galatasve 5:26).

### Karta Awana 27 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Besimtarët duan dhe i shërbejnë njëri-tjetrit



Para se të lindim sërish, ne jetojmë për t'i pëlqyer njëri-tjetrit. Ne ishim egoistë dhe mendonim gjithmonë mënyra për të siguruar më tepër gjëra për veten. Megjithatë, ai personi i vjetër egoist që ishim më parë ka vdekur kur Zoti Jezus vdiq. Ne jemi ngjallur me Zotin Jezus për të pasur të njëjtën jetë të dashur, të mirë dhe joegoiste. Te Romakëve 12 Pali vazhdon t'u thotë të krishterëve se si duhet të duan dhe shërbejnë njëri-tjetrit.

*Ndihmoni për nevojat e shenjtoreve, jini mikpritës (Romakëve 12:13).*

Pali po thotë se nëse një bir i Perëndisë është në nevojë, secili prej nesh duhet të bëjë atë që mundet për t'i dhënë atij ushqim, veshmbathje, strehë apo ndonjë lloj tjetër ndihme që ka nevojë. Jezusi nuk jetoi për t'i pëlqyer vetes, por për të ndihmuar të tjerët dhe për t'i pëlqyer të Atit. Për shkak se ne tani jemi një me Zotin Jezus, ne duhet të jetojmë jo për veten, por për Të dhe për të tjerët. Sëmundja, moti i keq, zjarret dhe shumë gjëra të tjera mund të shtynë të tjerë të kenë çaste të vështira. Si mund të ndihmojmë të krishterët e tjerë gjatë çasteve të tilla?

*Bekoni ata që ju përndjekin, beconi dhe mos mallkoni (Romakëve 12:14).*

Kur ishte jobesimtar, çfarë u thoshe njerëzve që të thoshin gënjeshtër për ty dhe të bënin gjëra që të lëndonin? Ishte e pamundur për ne të donim njerëzit që na bënin gjëra të këqija nëse Fryma e Shenjtë nuk ishte brenda nesh. Megjithatë, Ai jeton në ne! Ndërsa lejojmë Zotin të na kontrollojë, gjuha jonë nuk do të flasë keq kundër atyre që na përndjekin. Por do të themi atë që dëshiron Zoti të themi. Mendo pak për këtë. A kujton se çfarë bëri Zoti Jezus kur armiq të Tij thanë gënjeshtër për Të? A ua ktheu me të njëjtën monedhë dhe tha fjalë me zemërim kundër tyre (Marku 15:3-5)? Çfarë iu lut Atit kur armiq të Tij e gozhduan në kryq (Luka 23:34)? Ai tha: "...O Atë, fali ata sepse nuk dinë ç'bëjnë" (Luka 23:34).

*Gëzohuni me ata që gëzohen, dhe qani me ata që qajnë. Kini të njëjtat mendime njeri me tjetrin (Romakëve 12:15-16a).*

Pali thotë se ne duhet të jemi mirëkuptues me të tjerët në mënyrë që nëse vuajnë ne do të jemi të trishtuar për ta dhe do t'i ndihmojmë dhe ngushëllojmë. Nëse të tjerët janë të lumtur dhe po ia kalojnë mirë, ne duhet të jemi të gëzuar. Ne duhet të jemi të gëzuar kur të tjerët kanë gjërat e nevojshme, edhe nëse mendojmë se na duhet diçka. Mendo për këtë: fqinjët e tu i japin vëllait tënd më tepër para për një punë që bën në shtëpinë e tyre se sa të dhanë ty për të njëjtën punë në një shtëpi tjetër. A mund të jesh i gëzuar për të? Ose mendo këtë: një mik në shkollë ka marrë një certifikatë për notat e mira, por ti ke të njëjtat nota dhe nuk ke marrë gjë. A mund të jesh i lumtur dhe të urosh mikun tënd?

*Mos lakmoni për lart, por rrini me të përunjurit; mos e mbani veten për të mënçur (Romakëve 12:16b).*

Pali thotë se duhet të duam, respektojmë dhe trajtojmë të gjithë njerëzit njësoj: pavarësisht se kush janë. A ke vënë re që është shumë e lehtë të sillemi mirë me njerëzit të cilët mund të jenë të dobishëm për ne personalisht? Për shembull, nëse një person ka shumë pushtet, ne mund të përpiqemi t'i pëlqejmë atij për shkak se duam favorin e tij. Ose, nëse një person është i pasur, duam që të bëjmë diçka për të që mund të marrim diçka si shkëmbim. Kjo është mënyra se si jeton personi i vjetër. Dëshiron t'i pëlqejë vetes. Megjithatë, nuk ishte kështu jeta e Zotit Jezus. Ai i trajtoi njerëzit njësoj: të pasur e të varfër, të fortë e të dobët. Ai i donte të gjithë. Zoti Jezus nuk vdiq vetëm për të pasuri dhe të fuqishmit; Ai vdiq edhe për të marrës, për të varfërit dhe të dobët (Gjoni 3:16; Luka 19:10). Ne duhet të jetojmë ashtu siç jetoi Jezusi: ai nuk nderoi disa njerëz më shumë se të tjerët. Me anë të fuqisë që Jezusi na jep përmes Frymës së Shenjtë që jeton në ne, ne duhet të braktisim krenarinë. Ne nuk duhet ta konsiderojmë veten si më të mirë se të tjerët apo t'i konsiderojmë si më të ulët se ne.

*Mos ia ktheni kurrkujt të keqen me të keqe, kërkonte të bëni të mirën përpara gjithë njerëzve. Po të jetë e mundur dhe aq sa varet prej jush, jetoni në paqe me gjithë njerëzit. Mos u hakmerrni për veten tuaj, o të dashur, por i jepni vend zemërimit të Perëndisë, sepse është shkruar: "Mua më përket hakmarrja, unë kam për të shpëguar, thotë Zoti". "Në qoftë se armiku yt, pra, ka uri, jepi të hajë; në pastë etje, jepi të pijë; sepse, duke bërë këtë, do të grumbullosh mbi krye të tij thëngjij të ndezur". Mos u mund nga e keqja, por munde të keqen me të mirën (Romakëve 12:17-21).*

Kur ishim të pashpëtuar (nën kontrollin e mëkatit), si reagonim kur dikush na bënte diçka të keqe? Ndoshta bënim apo thoshim diçka kundër atij personi. Tani që jemi çliruar nga pushteti i mëkatit, nuk duhet të reagojmë në mënyrë të keqe kur dikush na trajton keq (Efesianëve 4:17-27). Ne as duhet të kemi mendime të këqija kundër të tjerëve, sepse këtë do edhe Zoti nga ne. Gjithashtu nuk duhet të na vijë keq për veten. Ne jemi bij të Perëndisë dhe në Krishtin Perëndia na ka dhënë fitoren mbi mëkatin dhe natyrën e vjetër. Nëse i bindemi Perëndisë, ne do të përpiqemi të jemi të mirë me ata që na lëndojnë. Ne i përkasim Zotit dhe Ai do të ndëshkojë tërë ata që bëjnë gjëra të këqija kundër bijve të Tij. Ne nuk e dimë nëse mirësia që u tregojmë armiqve tanë mund të jetë ajo gjë që Zoti përdor për të kthyer zemrën e atij personi tek Ai.

Le të falënderojmë Zotin për kujdesin e Tij të dashur dhe që na ka dhënë fuqinë për t'iu bindur Atij.

## Varg përmendsh

**Efesianëve 4:31-32:** Le të flaket larg jush çdo hidhërim, zemërim, inat, trazirë dhe shpifje me çdo ligësi. Por jini të mirë dhe të mëshirshëm njeri me tjetrin, duke e falur njëri-tjetrin, sikurse edhe Perëndia ju ka falur në Krishtin.

**Zemërim:** Temperament i pakontrolluar

**Trazirë:** Bërtitje dhe zënkë

**Shpifje:** Përdorimi i fjalëve të këqija, duke thënë gjëra të pavërteta kundër të tjerëve

**Ligësi:** Mlllef, urrejtje; dëshira që t'i ndodhë diçka e keqe të tjerëve.

## Historia

- A e di xhaxhi Piter? – tha Karola e gëzuar. – Unë dhe Xhoni kemi bërë një plan se si mund të përdorim të gjitha gjërat që kemi mësuar rreth dashurisë dhe shërbimit ndaj njëri-tjetrit këtu në familjen tonë.

- Fantastike! – tha xhaxhi Piteri. – Pse e bëtë këtë plan?

- Shiko, po flisim për planin tonë për të ndihmuar njëri-tjetrin për të jetuar ashtu siç i pëlqen Perëndisë, - tha Xhoni, - dhe vendosim se do të ishte më mirë për ne po të fillonim atje ku kalojmë pjesën më të madhe të kohës dhe ku ka nevojë më tepër për ndryshime.

- Jam i kënaqur se e keni marrë seriozisht, - tha xhaxhi Piteri, duke buzëqeshur. – Atëherë si është plani juaj?

- Kemi filluar me një listë gjërash që kemi folur në dy mësimet e fundit të Biblës, - tha Karola. – Dhe do të mendojmë për mënyra se si të zbatojmë ato mësimet: si të trajtojmë njëri-tjetrin dhe pjesën tjetër të familjes.

- A dëshiron ta shikosh listën tonë, xhaxhi Piter? – pyeti Xhoni.

- Po, do të më pëlqente ta shikoja, - tha xhaxhi Piteri, ndërsa u ul afër Xhonit.

- Meqë sapo kemi filluar, - tha Xhoni, - ndoshta mund të na ndihmosh.

- Me gjithë qejf, - tha xhaxhi Piteri. – Le të shohim se çfarë keni shkruar këtu. Keni vënë: duaj familjen tënde me dashuri të sinqertë, duke e respektuar, duke folur me mirësi ndaj saj, duke dëgjuar se çfarë thonë të gjithë, duke ndihmuar njëri-tjetrin, duke u kujdesur për lëndimet dhe ndjenjat e secilit, duke qenë të lumtur për njëri-tjetrin dhe duke mos u përpjekur të lëndojmë atë që na lëndon. Keni bërë një listë fantastike. Tani, çfarë do të bëni me këtë listë?

- Do të shkruajmë se si mund të përmirësohemi në çdo pikë të kësaj liste, - tha Karola. – E dimë, para së gjithash, që duhet të jemi më të bindur ndaj prindërve dhe të mos zihemi me ta për gjërat për të cilat nuk biem dakord: shumica gjëra të cilat nuk duam t'i bëjmë për ta në mënyrë egoiste. Ne i duam, por nuk e shfaqim si duhet.

- Dhe, sigurisht, - tha Xhoni, - kur praktikojmë këtë, do të praktikojmë pikën në listë që thotë të ndihmojmë të tjerët.

- Në rregull, - tha xhaxhi Piteri, - E kuptoj se çfarë po bëni. Le të bëjmë një tabelë në mënyrë që t'i shkruani këto sugjerime.



Le të shikojmë tabelën e Xhonit dhe Karolës me listën e gjërave që duan të praktikojnë për t'u përmirësuar me familjen e tyre. Kontrolloni gjërat në këtë grafik që dëshiron të praktikosh për t'i përmirësuar edhe në familjen tënde. Pyet fëmijët se çfarë kanë zgjedhur. Përgjigjet do të jenë të ndryshme.

Tregoji dashuri të vërtetë familjes.	Do të jem i mirë me ta, do t'u them se sa mirënjohës jam dhe që kujdesem për ta.
Do të respektoj familjen time.	Do t'u tregoj që janë të rëndësishëm dhe të veçantë për mua.
Do të dëgjoj familjen time.	Do t'u tregoj atyre se ajo që thonë është e rëndësishme, edhe pse nuk bie dakord me to.
Do t'u bindem prindërve.	Do të jem gati t'i bindem atyre dhe do të mësoj nga urtësia e tyre. Nuk do të bëj fjalë për vendimet e tyre.
Do të jem i sinqertë me familjen time.	Nuk do ta gënjej familjen time. Nuk do të përdor diçka që u përket atyre pa leje.
Do të ndihmoj familjen time.	Do të ndihmoj prindërit në shtëpi. Do të gjej mënyra për të ndihmuar vëllezërit dhe motrat e mia.
Nuk do të lëndo familjen time.	Nuk do të them gjëra për të lënduar dikë në familjen time. Do të them gjëra të mira për ta.
Do të trishtohem kur dikush në familje do të vuajë apo do të jetë i mërzhitur.	Do të përpiqem të jem i dobishëm ndaj pjestarëve të familjes që janë të sëmurë, të shkurajuar apo të lënduar.
Do të jem i lumtur me pjestarët e familjes që janë të lumtur për diçka.	Do t'u tregoj që jam i lumtur për ta dhe i gëzuar kur dikujt i ndodhin gjëra të mira.
Do të fal pjestarët e familjes që më lëndojnë.	Nuk do të zemërohem apo të lëndo dikë që është treguar i padrejtë me mua apo që ka gënjer për mua.

## Veprimtari shtesë

Familjet tona duhet të jenë shumë të rëndësishme për ne, edhe nëse nuk janë besimtarë në familjen e Perëndisë. Ti mund të zgjedhësh që të jesh një shembull i mirë dhe të gëzosh familjen tënde duke punuar me këtë listë dhe duke përmirësuar marrëdhënien tënde me ta. Tregoji mësuesit që po punon me këtë listë.

### Karta Awana 28 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Besimtarët duhet t'u binden drejtuesve të qeverisë



Perëndia vazhdoi të mësonte besimtarët në Romë (dhe tërë besimtarët) me anë të Palit se si duhet të jetonin. Te Romakëve 13 Perëndia na thotë se si duhet të veprojmë ndaj njerëzve të tjerë që janë në drejtim dhe kanë autoritet mbi ne. Perëndia është autoriteti më i lartë. Megjithatë edhe ne kemi pushtetet qeverisëse mbi ne. Si duhet të jetë qëndrimi i tërë besimtarëve ndaj atyre puna e të cilëve është të mbikqyrin ligjet e vendit? A duhet të respektojmë dhe bindemi qeveritarëve si udhëheqësi e zgjedhur nga Perëndia këtu në tokë (Romakëve 13:1-7).

*Çdo njeri le t'i nënshtrohet pushteteve të sipërm, sepse nuk ka pushtet veçse prej Perëndisë; dhe pushtetet që janë, janë caktuar nga Perëndia (Romakëve 13:1).*

Kjo botë i përket Perëndisë edhe pse Satani drejton tërë njerëzit e pashpëtuar (Psalmi 24:1-2; Efesianëve 2:1-3). Perëndia vendosi që duhet të jenë burrat që drejtojnë këtë botë në mënyrë që çdo gjë të bëhet saktë dhe siç duhet (Danieli 2:21). Prandaj, ne që jemi bij të Perëndisë duhet të dimë se mosbindja ndaj qeveritarëve do të thotë të mos i bindesh Perëndisë (1 Pjetrit 2:13-15).

*Sepse eprorët s'ke pse t'i kesh frikë për vepra të mira, por për të këqijat; a do, pra, të mos i kesh frikë pushtetit? Bëj të mirën, dhe do të kesh lavdërim nga ai, sepse eprori është shërbëtor i Perëndisë për ty për të mirë; por, po të bësh të këqija, druaj, sepse nuk e mban kot shpatën; sepse ai është shërbëtor i Perëndisë, hakmarrës plot zemërim kundër atij që bën të keqen. Prandaj është e nevojshme t'i nënshtroheni, jo vetëm nga druajtje e zemërimit, por edhe për arsye të ndërgjegjes (Romakëve 13:3-5).*

Ne duhet po ashtu të mbajmë mend se duke iu bindur ligjeve, ne do të shmangim ndëshkimin që u jepet atyre që nuk binden. Perëndia u dha drejtuesve të drejtën për të ndëshkuar ata që nuk u binden ligjeve të vendit në mënyrë që të kenë frikë për të mos bërë gjëra të këqija. Perëndia u dha drejtuesve punën për të qeverisur vendin, gjë që përfshin bërjen dhe zbatimin e ligjeve. Po sikur të mos shohë njeri? A duhet t'i zbatojmë ligjet? Po, sigurisht! Ne jemi ende përgjegjës ndaj Perëndisë për t'iu bindur ligjeve të vendit. Kujto, Perëndia shikon gjithçka!

A do të thotë kjo se qeveritarët bëjnë dhe thonë gjithmonë atë që dëshiron Perëndia? Jo! Ndonjëherë njerëzit e këqinj kanë nën kontroll qeverinë dhe ata bëjnë gjëra të këqija. Edhe pse njerëzit e këqinj janë në pozicione të larta, Perëndia dëshiron ende të mësojmë parimin e bindjes ndaj autoriteteve. Jezu Krishti është shembulli ynë, për shkak të asaj që vuajti për ne (Filipianëve 2:1-11). Në kohë nevojë vetë Jezusi na ndihmon që të kalojmë vuajtjet tona.

Çfarë duhet të bëjmë kur drejtuesit tanë na urdhërojnë të mos i bindemi Fjalës së Perëndisë? Te Veprat 5:27-29, 41-42 është e qartë se nëse drejtuesit na urdhërojnë të mos i bindemi Fjalës së Perëndisë, ne duhet t'i bindemi Perëndisë në vend të njerëzve. Megjithatë, përveç rasteve kur urdhërat e tyre janë urdhëra të Perëndisë, ne duhet t'u bindemi qeveritarëve.

Ne duhet të jemi të mençur në atë që mendojmë dhe themi rreth atyre që janë në pozitën e udhëheqësisë. Edhe pse një drejtues mund të jetë duke bërë një jetë mëkatarë apo duke na kërkuar shumë, ne duhet të vazhdojmë të kujtojmë këto të vërteta te Romakëve 12:17-21:

*Mos ia ktheni kurrkujt të keqen me të keqe, kërkonit të bëni të mirën përpara gjithë njerëzve. Po të jetë e mundur dhe aq sa varet prej jush, jetoni në paqe me gjithë njerëzit. Mos u hakmerrni për veten tuaj, o të dashur, por i jepni vend zemërimit të Perëndisë, sepse është shkruar: "Mua më përket hakmarrja, unë kam për të shpague, thotë Zoti". "Në qoftë se armiku yt, pra, ka uri, jepi të hajë; në pastë etje, jepi të pijë; sepse, duke bërë këtë, do të grumbullosh mbi krye të tij thëngjij të ndezur". Mos u mund nga e keqja, por munde të keqen me të mirën.*

Bindja ndaj drejtuesve është shumë e rëndësishme për Perëndinë. Edhe kur na trajtojnë me padrejtësi, ne duhet të jemi të bindur, sepse jemi bij të Perëndisë. Si besimtarë në Krishtin, ne duhet të kujtojmë që do të kalojmë përjetësinë me Të. Prandaj mund të vuajmë shumë gjëra në këtë jetë, duke e ditur se kemi tërë përjetësinë për të jetuar në qiell!

# Varg përmendsh

**1 Pjetrit 2:13-14: Nënshtrohuni, pra, për hir të Zotit, çdo pushteti njerëzor, qoftë mbretit, si më të lartit, qoftë qeveritarëve, si të dërguar prej tij për të ndëshkuar keqbërësit dhe për të lavdëruar ata që bëjnë të mirën.**

**Nënshtrohuni:** Binduni

**Pushteti:** Ligjet dhe urdhërat

## Historia

- Mund ta kuptoj se pse Perëndia mendon që qeveritë tona duhet të bëjnë ligje për ne, - tha Xhoni. – Por disa nga gjobat që vënë për shkeljen e ligjeve nuk duken të drejta. Disa njerëz kanë shumë pak para, kështu që kanë vështirësi t'i paguajnë.

- Duhet ta mendojnë që më përpara, - tha Karola. – Nëse u binden ligjeve, nuk kanë pse të paguajnë gjoba. Ajo që nuk pëlqej është se ka disa njerëz në qeveri që nuk janë të ndershëm. Ata u bëjnë shumë premtime njerëzve, por nuk i mbajnë premtimet e tyre. Pse duhet t'i dëgjojmë?

- Ngaqë Perëndia thotë ashtu, - u përgjigj xhaxhi Piter. – Bindja ndaj drejtuesve është shumë e rëndësishme ndaj Perëndisë. Vetëm ngaqë një qeveritar nuk është i ndershëm, nuk na jep arsye për të shkelur ligjin: kjo shkelje mund të lëndojë edhe ndonjë person tjetër.

- Çfarë do të thuash? – pyeti Xhoni.

- Për shembull, - u përgjigj xhaxhi Piteri, - posikur njerëzit t'i jepnin makinës me sa shpejtësi të munden, thjesht ngaqë një prej policëve të qytetit të jetë i pandershëm. Dhe ndërsa i japin makinës shumë shpejt, dikush shtyp një person dhe e vret. A do të thoshin gruaja dhe fëmijët e atij burri që nuk ka problem që shoferi po i jepte makinës aq shpejt dhe vrau bashkëshortin e saj dhe babain e tyre, thjesht ngaqë një prej policave në qytet nuk ishte i ndershëm?

- Jo, tha Xhoni. – E kuptoj se çfarë do të thuash. Por njoh shumë njerëz që i japin makinës shumë shpejt këtu dhe disa prej tyre janë të krishterë. Ata nuk i zënë kurrë, kështu që askush nuk e di.

- Mendoj se e di që Dikush e di këtë, - tha xhaxhi Piteri. – Dhe ai Dikush na ka dhënë një ndërgjegje në mënyrë që të dimë se kur bëjmë diçka të gabuar. Nëse injorojmë atë që na thotë ndërgjegjja dhe vazhdojmë të bëjmë atë që është e gabuar, ky është mëkat.

- E di se kush është ai Dikush, - tha Karola. – Është Perëndia. Dhe mendoj se duhet të trishtohet shumë për çdo mosbindje që shikon të ndodhë midis të krishterëve!

- Ke të drejtë! – tha xhaxhi Piteri, - por le të sigurohemi që nuk jemi ne ata!



Bashko fjalët për të gjetur një të vërtetë të rëndësishme të nxjerrë në Fjalën e Perëndisë.

drejtuesve                      ndaj                      shumë e  
rëndësishme                      Perëndinë.                      është për  
Bindja

E vërteta nga Fjala e Perëndisë: \_\_\_\_\_

\_\_\_\_\_

\_\_\_\_\_

\_\_\_\_\_.

## Veprimtari shtesë

Disa gjëra që nuk i kuptojmë janë të qarta për njerëzit që kanë qenë të krishterë më gjatë se sa ne. A ka ndonjë gjë që nuk e kupton? Tregoji mësuesit se çfarë nuk kupton dhe, nëse drejtuesi yt nuk mund ta shpjegojë, apo nuk mund të shpjegohet, duhet të dish se për këtë duhet t'i besosh Zotit.

### Karta Awana 29 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_





# Besimtarët nuk duhet të lejojnë që mëkati të kontrollojë jetën e tyre

*Asnjë tundim nuk ju ka gjetur juve, përveç se tundimi njerëzor; por Perëndia është besnik dhe nuk do të lejojë që t'ju tundojnë përtej fuqive tuaja, por me tundimin do t'ju japë dhe rrugë dalje, që ju të mund ta përballoni (1 Korintasve 10:13).*

Satani ka nën kontroll shumicën e njerëzve në këtë botë (Efesianëve 2:1-3; 6:12). Kjo e bën botën një vend mëkati, problemesh, sëmundjesh dhe vdekjeje. Ne mund të kemi probleme çdo ditë (Gjoni 16:33). Edhe bijtë e Perëndisë luftojnë vazhdimisht kundër mëkatis, i cili na kontrollon ende. Te Romakëve 13:11 Pali thotë se ne nuk duhet të bëjmë një jetë dembele duke i pëlqyer vetes ndërsa presim të shkojmë në qiell. Ne duhet të jemi gjithmonë të zënë duke bërë veprën që na ka dhënë Perëndia të bëjmë (1 Korintasve 15:58).

*Nata u thye dhe dita u afrua; le të flakim, pra, veprat e errësirës dhe të veshim armët e dritës. Le të ecim me ndershmëri, si ditën, jo në orgji dhe në dehje, jo në imoralitet dhe sensualizëm, jo në grindje e në smirë. Por vishuni me Zotin Jezus Krisht dhe mos tregoni kujdes për mishin, që t'ia kënaqni lakmitë (Romakëve 13:12-14).*

Periodha e kohës midis rebelimit të Adamit dhe kohës kur Zoti Jezus të kthehet në tokë është si nata. Meqë njeriu u nda nga Perëndia, njerëzit e kësaj bote ecin në errësirën e natës. Njerëzit që nuk e njohin Krishtin janë në errësirë frymërore. Është njësoj sikur të ishin në gjumë, sepse nuk e njohin Perëndinë e vetëm të vërtetë dhe planin e Tij për shpëtimin nga mëkati. Para se të besonim edhe ne ishim në errësirë, pa njohuri, si njerëzit që ishin në gjumë. Ne nuk kuptonim rrezikun e tmerrshëm në të cilin ndodheshim.

Tani jemi në dritë (1 Gjonit 1:5-7). Ne kemi lindur sërish në familjen e Perëndisë dhe Fryma e Shenjtë jeton në ne (Efesianëve 5:8-14). Si bij të Perëndisë ne nuk duhet të vazhdojmë të jetojmë si bota dhe rrugët e atyre që janë ende në errësirë (1 Gjonit 2:15-17). Ne duhet të lejojmë Frymën e Shenjtë të kontrollojë jetën tonë dhe të jetojmë në bindje ndaj Fjalës së Perëndisë. Pali thotë se besimtarët nuk duhet të bëjnë gjëra të këqija që bënin kur ishin në errësirë dhe “...merreni të gjithë armatimin e Perëndisë”.

Në ditët kur jetonte Pali ushtarët romakë përdornin lloje të ndryshme armaturash për të mbrojtur veten nga armët e armiqtë të tyre. Ata vinin helmetat për të mbrojtur kokat dhe vinin mburoja metali nga qafa te mesi. Ata përdornin po ashtu lëkurë të trashë për të mbuluar pjesët e tjera të trupave të tyre dhe ata mbanin mburoja të mëdha.


Edhe pse ne nuk luftojmë kundër njerëzve, edhe ne kemi armiqtë. Armiqtë tanë janë

rrugët e këqija të kësaj bote, mëkatet që natyra (mishi) jonë e vjetër dëshiron të bëjë dhe vetë Satani (1 Gjonit 2:5-17). Si besimtarë ne duhet të luftojmë vazhdimisht kundër këtyre të treve. Ndonjëherë ne mund t'i quajmë këta tre armiq “bota, mishi dhe Djalli”. Për të mbrojtur veten kundër këtyre armiqve, ne duhet të veshim veshje mbrojtëse të cilën Pali e quan “... *armatura e Perëndisë*”. Cila është armatura e Perëndisë? Është e vërteta e Fjalës së Perëndisë (Efesianëve 6:13-17). Nëse ushtarët romakë nuk vishnin armaturën që kishin, nuk do të ishin të mbrojtur nga armiqët e tyre. Kjo është e vërtetë edhe për besimtarët, sepse vetëm njohja e së vërtetës nuk do t'i mbrojë nga sulmet e botës, mishi apo Djalli. Besimtarët duhet ta zbatojnë të vërtetën në jetën e tyre.

Si besimtarë ne mund të mos mëkatojmë duke qëndruar larg gjërave që na tundojnë për mëkat. Ne nuk duhet të lejojmë mëkatin të kontrollojë jetën tonë (Romakëve 6:3, 6, 9). Ne duhet t'ia japim mendjet dhe trupat tanë Perëndisë si shërbëtorë të Tij për t'u përdorur vetëm prej Tij.


*Por vishuni me Zotin Jezu Krisht dhe mos tregoni kujdes për mishin, që t'ia kënaqni lakmitë (Romakëve 13:14).*

### NË ADAMIN



**TË SKLLAVËRUAR  
PËR MËKATIN**

### NË KRISHTIN



**TË ÇLIRUAR PËR T'I  
SHËRBYER PERËNDISË**

Kujto, Perëndia na ka dhënë fuqi në Krishtin për të bërë gjithçka që na thotë të bëjmë në Fjalën e Tij.

## Varg përmendsh

**1 Korintasve 10:13: Asnjë tundim nuk ju ka gjetur juve, përveç se tundimi njerëzor; por Perëndia është besnik dhe nuk do të lejojë që t'ju tundojnë përtej fuqive tuaja, por me tundimin do t'ju japë dhe rrugë dalje, që ju të mund ta përballoni.**

## Historia

- Do të doja që Tomi ta kishte dëgjuar këtë mësim, - tha Xhoni. – Ai nuk po merr vendime të mira në lidhje me miqtë e tij.

- Por Tomi është i krishterë, - tha Karola. – Ai duhet të dijë se si të zgjedhë miqtë e duhur.

- Edhe unë kështu mendova, - tha Xhoni, - por ai mendon se mund të ndihmojë shokët që ka tani. Ai ka dashur që edhe unë të shkoj me ta në mbrëmjet e tyre, por nuk mendoj se është e drejtë të shkoj në mbrëmje ku pijnë birra, pijnë duhan dhe djemtë e vajzat rrinë çifte-çifte të veçuar.

- Në ç'mënyrë mendon t'i ndihmojë? – pyeti Karola.

- Këtë nuk kuptoj unë, - u përgjigj Xhoni. – Ai thotë se nuk do të bëjë ato gjërat që Perëndia nuk i miraton, por nuk besoj se do të ketë rast për të dëshmuar kur të gjithë janë duke u marrë me gjërat e veta. Kështu nuk e di se çfarë do të bëjë Tomi kur të shkojë në ato mbrëmje.

- E dëgjova që i tha një prej miqve të tij se ka provuar birrën, por nuk e pëlqen, - tha Karola. – Çfarë mendon për këtë, xhaxhi Piter? A mendon se ai nuk duhet të pijë më?

- Po, - u përgjigj xhaxhi Piteri. – Duket se Tomi është si shumë të krishterë të tjerë. Ata mendojnë se mund të rrinë me ata që jetojnë sipas mënyrës së botës dhe të mos ndikohen. Megjithatë Fjala e Perëndisë na paralajmëron që të mos u afrohem atyre gjërave që na tundojnë për mëkat. Shpesh besimtarët fillojnë të jetojnë si ata që duan të ndihmojnë.

- Por Perëndia thotë se Ai do të na ndihmojë të dalim nga tundimi, apo jo? – pyeti Karola. – Atëherë, nëse Tomi mëkaton, Perëndia do ta shpëtojë, apo jo?

- Po, Perëndia do të na ndihmojë t'i bëjmë ballë tundimit, pranoi xhaxhi Piteri, - por na thotë edhe që të mos i afrohem gjërave që na shtynë në tundim. Ai e di se mishi ynë dëshiron t'i jepemi tundimit dhe të mëkatojmë. Megjithatë, nëse dikush na afrohet me tundim, me ndihmën e Perëndisë ne duhet të jemi në gjendje të largohemi prej tij. Prandaj është shumë e rëndësishme që të vëmë armaturën e dritës apo të rrokim të vërtetën e Fjalës së Perëndisë në mendjet dhe zemrat tona në mënyrë që të njohim gjithmonë kur diçka i pëlqen Perëndisë apo i pëlqen armikut tonë, Satanit. Dhe nëse nuk i pëlqen Perëndisë, largojë prej saj!



Satani është armiku ynë. Ai dëshiron të mëkatojmë kundër Perëndisë. Mbush shkronjat që përmbajnë një yll dhe zbulo mesazhin që gjendet te Jakobi 4:7, që mund t'ju ndihmojë.

J C N V E N D K S H L T A R O X J U I N G I  
F P R H A Z P K E R B E V N C D I R S H E  
Q K G U X N T D L E R B S H M T A O C N K I  
S D C J C A O L J L H I N V D K H N E C  
Y A K I V D U O G T C E R  
R A L B A B R J G D O P H F E X T A  
Y H N J G U A R J M H U Q C

Mesazhi: \_\_\_\_\_

## Veprimtari shtesë

Tregoji mësuesit se me çfarë tundimesh ke vështirësi. Kërkoji mësuesit të lutet për ty që të largohesh gjithmonë prej tyre, duke mos i lënë të të shtynjë në mëkat.

### Karta Awana 30 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Besimtarët pranojnë njëri-tjetritin ashtu siç i pranon Perëndia

Perëndia dha përmes Moisiut Dhjetë Urdhërimet dhe shumë rregulla të tjera ndaj Izraelit (Eksodi 21-23). Perëndia u dha izraelitëve ligjet duke u thënë atyre se çfarë duhet dhe nuk duhet të hanin. Ai u dha po ashtu ligje për disa ditë të veçanta: Të shtunat kur ata duhet të adhuronin vetëm Perëndinë dhe të mos bënin asnjë punë (Eksodi 31:12-18). Besimtarëve në Jezu Krishtin nuk u kërkohet nga Perëndia të zbatojnë ligjin. Vdekja e Jezusit në kryq pagoi për mëkatin tonë dhe na çliroi nga rregullat e vendosura ndaj atyre që përpiqeshin për të fituar pranimin nga Perëndia, duke iu bindur ligjit të Tij (Kolosianëve 2:13-23). Disa besimtarë judenj nuk e kuptonin këtë. Ata mendonin se këto ligje të Dhiatës së Vjetër rreth ushqimeve dhe ditëve të adhurimit ishin ende pjesë e vullnetit të Perëndisë për ta. Ata nuk kuptonin dhe pranonin lirinë që Perëndia u kishte dhënë atyre në Krishtin. Pali tha se këta besimtarë judenj ishin të dobët në besimin e tyre.

Të krishterët e tjerë, johebrenjtë dhe judenjtë, e dinin se rregullat e Dhiatës së Vjetër nuk vlenin për t'u bindur për t'u pranuar nga Perëndia. Ata e dinin se ishin të lirë të hanin atë që donin dhe ishin të lirë të adhuronin në çdo kohë. Pali tha se këta besimtarë ishin të fortë në besim.

Pali e dinte se disa prej këtyre besimtarëve që ishin të fortë në besim, por debatonin me të krishterët judenj që nuk kuptonin dhe pranonin lirinë e tyre në Krishtin. Këto të krishterë të fortë në besim nuk donin të kishin bashkësi me të krishterët e dobët në besim. Megjithatë, të krishterët e dobët në besim po kritikonin besimtarët e fortë në besim se hanin ushqim që nuk lejohej më parë. Ata kritikonin po ashtu të krishterët e fortë në besim se nuk zbatonin ditët e adhurimit të urdhëruar në Dhiatën e Vjetër.

Në letrën e tij drejtuar romakëve Pali u tha dy grupeve të besimtarëve që ata duhet të pranojnë njëri-tjetritin, sepse Zoti i ka pranuar të gjithë pavarësisht nga ajo që hanin (Romakëve 14:1-4). Ata nuk duhet të gjykojnë apo kritikojnë njëri-tjetritin për ushqimin apo ditët e adhurimit, sepse të gjithë të krishterët janë në familjen e Perëndisë. Pali tha se tërë të krishterët nuk duhet të bëjnë diçka që mund të shtyjë një të krishterë tjetër të pengohet: Romakëve 14:13-15; 15:7. Çfarë donte të thoshte Pali kur tha të mos vëmë gur pengese në rrugën e një vëllai apo motre në Krishtin? A je penguar ndonjëherë te diçka që nuk e ke parë? Për këtë po fliste Pali në këtë pjesë. Pali thotë se nëse ti ha ushqim apo pi apo bën diçka për të cilën vëllai yt i krishterë mendon se është e gabuar, atëherë ki kujdes! Ti mund të jesh duke vënë një gur pengese në shtegun e vëllait apo motrës tënde.

Shumë gjëra që nuk janë ndaluar në mënyrë të qartë në Dhiatën e Re konsiderohen ende shumë të gabuara nga disa të krishterë. Nëse e konsiderojmë veten të lirë për të bërë

këto gjëra, a jemi atëherë të lirë t'i bëjmë para atyre njerëzve që i konsiderojnë gabim? Jo, sepse duke bërë kështu, po shtyjme një vëlla apo motër në Krishtin të mundohet apo ndoshta të tundohet për të bërë atë që mendon se është e gabuar për të. Nëse një bir i Perëndisë të shikon që po ha dhe pi apo po bën gjëra që i konsideron të dënuara nga Zoti, ai mund të ndjekë shembullin tënd. Nëse ai ndjek shembullin tënd, atëherë jeta e tij e krishterë do t'i shkaktojë brengë, sepse ai po bën atë që beson se është mëkat kundër Zotit. Dhe nëse një i krishterë bën atë që beson në zemër se është gabim, ai po mëkaton kundër Zotit. Atëherë ai do të ndihet fajtor, gjë që e bën të ndihet i larguar nga Perëndia, dyshues për dashurinë e Perëndisë për të, të ketë frikë prej Tij apo t'u lutet Atij.

*“Prandaj pranoni njëri-tjetrit, sikurse edhe Krishti na pranoi për lavdinë e Perëndisë”.*

Ne duhet të kujtojmë shembullin e Jezu Krishtit te Romakëve 15:7, i cili thotë: Ne duhet të pranojmë njëri-tjetrit, ashtu sikur na pranoi Krishti, edhe me gabimet tona, në mënyrë që madhështia e Perëndisë të shihet te të gjithë! Le të mendojmë për marrëdhëniet tona me besimtarët e tjerë, jo thjesht me ata të cilët është e lehtë të shoqërohesh, por edhe me ata që janë më të vështirë. Duke e ditur se mënyra se si e jetojmë jetën u tregon të tjerëve se sa i mrekullueshëm është Perëndia ynë, duhet të na japë gëzim të madh.

Le të falënderojmë Perëndinë që na ka pranuar, edhe me dobësitë tona.



Si dëshiron Perëndia që të veprojmë besimtarët (rreth përgjigjen e saktë).

1. Nëse një besimtar tjetër nuk bie dakord me ty se çfarë është e drejtë apo e gabuar, duhet t'i qëndrosh larg.
2. Nëse një besimtar tjetër nuk bie dakord me ty se çfarë është e drejtë apo e gabuar, duhet ta pranosh prapëseprapë dhe ta duash.
3. Ne duhet të bëjmë maksimumin për ta bërë veten të lumtur.
4. Ne duhet të bëjmë maksimumin që të tjerët të na shohin se sa të mrekullueshëm jemi.
5. Ne duhet të jetojmë në mënyrë të tillë që të shtyjë të tjerët që të kuptojnë se sa i mrekullueshëm është Perëndia.
6. Për shkak të asaj që ka bërë Krishti për ne, jemi të lirë të bëjmë çfarë të duam, edhe nëse lëndon dikë.
7. Ne nuk duhet të bëjmë diçka që mund të shtyjë një të krishterë tjetër të pengohet apo mëkatojë.
8. Ne duhet të pranojmë të tjerët ashtu siç na pranon Krishti.

# Varg përmendsh

*Romakëve 14:13: Prandaj të mos e gjykojmë më njeri tjetrin, por më tepër gjykoni këtë: mos i vini gur pengese ose skandal vëllait.*

## Historia

- Ne nuk kemi asnjë debat në kishë se çfarë duhet të hamë apo të mos hamë ose se çfarë dite të takohemi për të adhuruar Perëndinë, - tha Karola. – Por kemi në shkollë dhe disa nxënës nuk sillen mirë me ne që nuk besojmë si ata.

- Unë as që futem më në muhabet me ta, - tha Xhoni. – Askush nuk i ndryshon mendimet e tyre. Vetëm sa lëndohesh.

- Nëse këto gjëra nuk kanë rëndësi për Perëndinë, - tha Karola, - pse njerëzit flasin për to sikur të jenë shumë të rëndësishme? Disa prej tyre që i kanë shumë përzemër këto gjëra, na thonë se nuk do të shkojmë në parajsë sepse nuk zbatojmë mësimin e tyre.

- Ka vetëm një gjë që duhet të na interesojë, - u përgjigj xhaxhi Piteri, - dhe në këtë mënyrë kemi marrëdhënien e duhur me Perëndinë. Dhe gjëja e vetme që mund të na japë marrëdhënien e duhur me Perëndinë është të kemi besim në Jezu Krishtin dhe tek ajo që ka bërë për ne në kryq. Ato gjëra për të cilën flasin ata nuk na shpëtojnë. Edhe besimtarët në kohën e Palit e kuptuan këtë. Ata thjesht nuk ishin dakord nëse duhet t'i zbatonin ato ligje kur ishin bërë besimtarë.

- Kështu si besimtarë ne s'kemi se pse të debatojmë më, apo jo, xhaxhi Piter? – pyeti Karola.

- Fatkeqësisht, - tha xhaxhi Piteri, - edhe besimtarët sot kanë gjëra për të cilat nuk bien dakord.

- Vërtetë? – pyeti Karola. – Nëse në Bibël është gjithçka e qartë, pse të mos jemi dakord për diçka?

- Sepse ka disa gjëra që kanë të bëjnë me mënyrën se si duhet të jetojnë besimtarët që nuk janë aq të qarta në Bibël, - u përgjigj xhaxhi Piteri. – Njerëzit mund të kenë mendime të ndryshme se si duhet t'i mbajnë flokët besimtarët, çfarë rrobash janë më të përshtatshme për të veshur, ku duhet apo nuk duhet të shkojmë, njerëzit me të cilët duhet apo nuk duhet të kalojmë kohën....

- Vërtetë!? – ndërpreu Xhoni. – Si mund t'u pëlqejmë të gjithëve? Mund të kem fyer dikë dhe ndoshta nuk e kam ditur.

- Nuk mund t'u pëlqesh të gjithëve, - u përgjigj xhaxhi Piteri. – Megjithatë Perëndia nuk do që ne të shtyjmë besimtarët të bëjnë diçka për të cilën ata mendojnë se është mëkat, sepse i kemi bindur ose me veprimet tona ose me anë të fjalës se është e drejtë për t'u bërë. Edhe pse për ne nuk është mëkat, ata mund të ndihen fajtorë dhe të mjerueshëm, sepse e kanë bërë. Nuk duhet të kemi të bëjmë me diçka të tillë!

# Veprimtari shtesë

Ndërsa nuk duhet të shtyjme të krishterët e tjerë të bëjnë diçka për të cilën mendojnë se është gabim, ne nuk duhet të lejojmë të tjerët që të na bëjnë të ndihemi që kemi bërë diçka gabim, nëse besojmë që nuk i pëlqen Perëndisë. Mësimi përmendsh i Kolosianëve 2:16 do t'i japë një përgjigje atij që dëshiron që ti të ndjekësh rregullat e ligjit të vjetër.

*Prandaj askush të mos ju gjykojë për ushqime ose pije, për festa o hënë të re, o të shtuna (Kolosianëve 2:16).*

## Karta Awana 31 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Pali përfundon letrën e tij drejtuar besimtarëve në Romë



Pali po përfundon letrën e tij të mrekullueshme drejtuar të krishterëve në Romë. Kjo letër, libri i Romakëve në Bibël, është e mbushur me të vërteta edhe për besimtarët e sotëm. Nëse i besojmë plotësisht Fjalës së Perëndisë, atëherë ne jemi të mbushur me gëzim dhe paqe. Ne do të jemi të sigurt se shpresa jonë e jetës së përjetshme do të bëhet një ditë realitet! Kush na mëson Fjalën e Perëndisë, forcon besimin dhe na jep gëzim, paqe dhe shpresë? Fryma e Shenjtë që jeton në ne.

Pali thotë se u shkroi të krishterëve romakë për t'i kujtuar për gjërat që i njihnin tashmë (Romakëve 15:15-16). Përmes veprës së tij në fuqinë e Frymës së Shenjtë, disa mijëra johebrenj i besuan Zotit Jezus si Çlirimtari i tyre. Njerëzit të cilët i mësonte Pali ishin mbledhur së bashku si kisha.

*Dhe, sa për ju, o vëllezër, më është mbushur mendja për ju, se edhe ju jeni plot mirësi, plot me çdo njohuri, të zotë të këshilloni njëri-tjetrin (Romakëve 15:14).*

Pali donte që besimtarët romakë të dinin se ai kishte besim në ta dhe se:

- Ata ishin plot mirësi, duke dashur të bënin atë që ishte e drejtë për secilin.
- Ata ishin gati të mësonin se si të zgjidhnin diferencat midis tyre.
- Ata ishin gati të bënin gjithçka që i kishte urdhëruar Jezu Krishti.
- Ata i njihnin doktrinat dhe urdhërat e Perëndisë.

- Ata ishin në gjendje t'u jepnin këshilla të tjerëve që i njihnin më pak të vërtetat e Perëndisë.

Pali foli për mirënjohjen e tij për mënyrat e ndryshme në të cilat të krishterët romakë i shërbenin Zotit.

Kisha në Romë i ishte bindur Fjalës së Perëndisë, por Pali ishte i shqetësuar që ata mund të mashtroheshin nga mësimi i gabuar i mësuesve të rremë. Pali paralajmëroi besimtarët për të pasur kujdes nga dikush që mësonte diçka ndryshe rreth ungjillit nga mësimi që kishin marrë tashmë nga Fjala e Perëndisë (Veprat 20:28-32). Ashtu si Perëndia ka shërbëtorët e Tij që mësojnë Fjalën e Perëndisë, edhe Satani ka shërbëtorët e tij që thonë se mësojnë Fjalën e Perëndisë. Ata mund të mësojnë nga e njëjta Bibël si e jona, por ata shtrëmbërojnë apo interpretojnë Fjalët e Perëndisë duke thënë diçka ndryshe nga e vërteta. Këta mësues të rremë mund të jenë shumë të sinqertë, por janë mashtruar nga Satani. Ata nuk e njohin Zotin Jezus si Shpëtimtarin e tyre. Ne duhet të qëndrojmë larg njerëzve të tillë! Satani do të përpiqet të na ndajë dhe ai mund të dërgojë predikuesit e tij që përpiqen të na largojnë nga e vërteta. Secili prej nesh duhet të lutet që të kapemi pas së vërtetës.

Perëndia dëshiron që t'i bindemi Fjalës së Tij, në mënyrë që jeta jone të jetë një dëshmi ndaj të tjerëve. Pali dëshironte që Perëndia dhe veprat e Tij do t'i bëheshin të njohura tërë njerëzve në çdo vend. Sa më tepër njohim dhe u themi të tjerëve për Zotin Jezus dhe gjërat e mrekullueshme që ka bërë, aq më tepër do të nderohet Perëndia dhe do të lavdërohet përgjithmonë.

A kujton se cila ishte ambicia e madhe e Palit në jetë (Veprat 20:24)? Pali donte t'i bindej urdhërit të fundit të Zotit Jezus që dha para se të ngjitej në qiell.

*Pastaj u tha atyre: "Dilni në mbarë botën dhe i predikoni ungjillin çdo krijese (Marku 16:15).*

Fryma e Shenjtë po u bën tani thirrje njerëzve nga çdo komb e gjuhë për t'i besuar ungjillit dhe për t'u bërë pjesë e Kishës (Veprat 1:8; Zbulesa 5:9). Të gjithë ne duhet ta kemi synim që t'i bindemi urdhërit të Zotit Jezus për t'ua transmetuar ungjillin atyre që nuk e kanë dëgjuar.

Pali e mbylli letrën e tij me lavdërim ndaj Zotit dhe siguroi besimtarët që fuqia e Perëndisë është në gjendje t'i bëjë të fortë në besim, duke mos i lënë të binin në mëkat apo gabim.

Këndojini Zotit, bekoni emrin e tij; lajmëroni çdo ditë shpëtimin e tij. Shpallni lavdinë e tij midis kombeve dhe mekullitë e tij midis tërë popujve (Psalmi 96:2-3).

**Jetët tona le të tregojnë nderin  
dhe lavdërimin ndaj Perëndisë në  
çdo gjë që bëjmë!**

# Varg përmendsh

**Psalmi 96:2-3: Këndojini Zotit, bekoni emin e tij; lajmëroni çdo ditë shpëtimin e tij. Shpallni lavdinë e tij midis kombeve dhe mekullitë e tij midis tërë popujve.**

## Historia

- Xhaxhi Piter, a mendon se ka ende vende sot ku njerëzit nuk kanë dëgjuar për ungjillin? – pyeti Xhoni. – Pali ka predikuar prej kohësh.

- Patjetër! – u përgjigj xhaxhi Piteri. – Është e vërtetë që ka kaluar kohë e gjatë që kur Pali dhe apostujt ishin këtu në tokë, por ka shumë më tepër njerëz sot se sa atëherë dhe njerëzit lindin çdo ditë.

- Duket se pothuaj të gjithë ata që njoh ka dëgjuar të paktën për Perëndinë, - tha Karola. – Por jo të gjithë besojnë të njëjtat gjëra për Jezu Krishtin. Disa vajza në shkollë u përpoqën të më thonë se Jezusi është thjesht një njeri i mirë që ka jetuar shumë vjet më parë. Kur përpieqem t'u them se Jezusi nuk ishte thjesht një njeri i mirë, por se Ai ishte edhe Perëndi, ato më thanë se e kisha shumë gabim. Ato më thanë se nëse doja të njihja të vërtetën, mund të shkoja në një prej takimeve të tyre të studimit biblik.

- Do të ishte interesante të shikoje se çfarë do të thoshin, - tha Xhoni.

- Po mendoja sikur të shkonim, - tha Karola, - mund të dëgjonim se çfarë do të thonin dhe po ta kishin gabim, mund t'u thonim të vërtetën. Çfarë mendon, xhaxhi Piter? A është ide e mirë?

- A e kujtoni që folëm sot për njerëzit që mësojnë nga Bibla, por shtrembërojnë dhe ndryshojnë fjalët e Perëndisë duke thënë diçka ndryshe nga e vërteta? – pyeti xhaxhi Piteri. – Këta njerëz mund të mendojnë se e njohin të vërtetën, por janë mashtruar nga Satani. Ata nuk e njohin Zotin Jezus si Shpëtimtarin e tyre. Ata nuk kanë lindur në familjen e Perëndisë dhe Fryma e Shenjtë nuk jeton në ta, kështu që ata nuk mund të kuptojnë domethënien e Fjalës së Perëndisë. Për këtë i paralajmëroi apotulli Pal besimtarët romakë. Ai nuk donte që ata të mashtroheshin nga këta mësues të rremë.

- Por ne njohim shumë gjëra për Biblën, xhaxhi Piter, - tha Xhoni. – Ne do ta kuptojmë nëse po mësojnë diçka të gabuar.

- Ju dini shumë, - tha xhaxhi Piteri. – Por Perëndia dëshiron të vazhdojmë të jemi të mençur dhe të kuptojmë se çfarë është e drejtë dhe të qëndrojmë larg nga gjithçka që është e keqe.

- Atëherë po thua që është ide e keqe, apo jo? – pyeti Karola.

- Ai po thotë: “Rrini larg nga mësimet e atyre njerëzve!”, - tha Xhoni. – Do të doja që të mbanim edhe të tjerët larg. E di! Mund të bënim një studim biblik çdo javë dhe të ftonim njerëzit e pashpëtuar këtu përreth që të dëgjonin të vërtetën: ungjillin.

- Kjo është ide e mirë! – tha xhaxhi Piteri duke buzëqeshur.



Le të përmbledhim disa nga të vërtetat e Fjalës së Perëndisë për të ndihmuar njerëzit që të kuptojnë qartë kur shpallin ungjillin. Përko të vërtetat me numra para me përshkrimin e saktë.

1. Jezusi është Perëndi    2. Ndëshkimi për mëkatin duhet të paguhet    3. Jezusi u ngjall përsëri    4. Jezusi mori ndëshkimin në vendin tonë duke vdekur në kryq.  
5. Ndëshkimi i mëkatis është vdekja    6. Jezusi na do    7. Ata janë mëkatarë  
Lajmi i keq për mëkatin është:

---

---

---

Lajmi i mirë për Jezusin:

---

---

---

Ajo që duhet të bëjnë është të vendosin besimin e tyre në atë që bëri Jezu Krishti në kryq për të paguar ndëshkimin për mëkatet e tyre.

## Veprimtari shtesë

Nëse nuk ke folur me dikë për ungjillin më parë, tani është momenti i duhur. Ose, nëse ke folur, mos resht tani, fol për ungjillin me dikë tjetër. Nëse të duhet ndihmë që të kujtosh të vërtetat e ungjillit, përdor shënimet në faqet 136-137. Ato do të të ndihmojnë të kujtosh atë që ke mësuar. Shkruaj këtu se kujt do t'i dëshmosh dhe kërkoji mësuesit tënd të lutet për ty. Emri i personit:

---

---

### Karta Awana 5 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_



# Pyetje, pyetje, pyetje

1. Kur u bëmë besimtarë, pjesë e kujt familjeje u bëmë ? **Pjesë e familjes së Perëndisë.**
2. Nëse jemi bijtë e Perëndisë, si mund ta thërrasim Perëndinë? **Ne mund ta thërrasim Perëndinë: “Atë”.**
3. Kur besimtarët e parë u bënë të krishterë, me kë i krahason apostulli Pal për mënyrën se si i kuptuan ata rrugët e Perëndisë? **Me fëmijët apo foshnjat**
4. Si mund të bëhemi të krishterë të rritur, duke kuptuar dhe jetuar ashtu siç dëshiron Perëndia? **Duke lexuar Fjalën e Perëndisë.**
5. Nga na vjen çdo e mirë që kemi? **Vjen nga Perëndia, ati ynë qiellor.**
6. Kur nuk do të kenë më vuajtje besimtarët? **Kur të jenë në qiell.**
7. Nga e dimë që do të jetë më mirë për ne në qiell se sa këtu në tokë? **Sepse Perëndia na e thotë në Fjalën e Tij.**
8. Kush na ndihmon t’i tregojmë Perëndisë ndjenjat tona dhe gjërat që duam? **Fryma e Shenjtë dhe Jezusi.**
9. Kush na premtoi se Ai do të përdorë për mirë gjithçka që na ndodh? **Perëndia**
10. Perëndia po ndryshon besimtarët për t’u bërë si kush? **Jezu Krishti.**
11. Kur të shkojmë në qiell, si do të jenë trupat tanë? **Ata do të jenë si trupi i Jezusit.**
12. Kush mund t’i mundë apo shkatërrojë besimtarët? **Askush**
13. Përveç Frymës së Shenjtë, kush lutet për ne? **Zoti Jezus.**
14. Kur lutet Jezusi për ne? **Tërë kohën.**
15. Çfarë apo kush mund të ndalojë Perëndinë për të dashur besimtarët? **Asgjë apo askush.**
16. Cila ishte zgjedhja e parë e Perëndisë për të qenë lajmëtarët e Tij në botë? **Populli jude.**
17. Pse Pali ishte aq i trishtuar për judenjtë? **Sepse ata nuk besonin që Jezu Krishti ishte Çlirimtari i premtuar.**
18. Ku po besonin judenjtë për shpëtimin e tyre? **Ata po besonin tek vetja. Ata mendonin se ishin aq të mirë sa të zbatonin ligjin.**
19. Kur shumica e judenjve refuzuan Jezusin si Çlirimtari i tyre, cili grup njerëzish filloi të besonte te Jezu Krishti për shpëtimin e tyre? **Johebrenjtë.**
20. Pse Perëndia mund të bëjë me këdo çfarë të dojë? **Sepse Ai është Krijuesi ynë.**
21. Cili jude i njohur kishte përndjekur të krishterët? **Pali, kur quhej Saul.**

22. Në ç'mënyrë u vërtetoi Perëndia Izraelitëve se Jezusi ishte Zoti? **Duke e ngjallur prej së vdekurish.**
23. A besuan tërë izraelitët në Jezusin pasi u ngjall prej së vdekurish? **Jo, shumica e izraelitëve refuzuan të besonin në Krishtin.**
24. Cili është plani i shpëtimit për momentin? **Tërë ata që i afrohen Perëndisë me anë të besimit në Jezu Krishtin: judenjtë dhe jobrenjtë.**
25. Kush na jep talentet apo dhuntitë (aftësitë për të bërë gjërat për Perëndinë)? **Perëndia.**
26. Kush na ndihmon të bëjmë veprën që Perëndia ka zgjedhur për ne me dhuntitë tona? **Fryma e Shenjtë**
27. Nëse një person i familjes së Perëndisë është në nevojë, çfarë duhet të bëjmë? **Duhet të bëjmë atë që mundemi për t'u siguruar ushqim, veshmbathje apo çfarëdo lloj gjëje tjetër që kanë nevojë.**
28. Si duhet të veprojmë me njerëzit që kanë brena apo gëzime? **Nëse po vuajnë, duhet të jemi të trishtuar për ta dhe duhet t'i ndihmojmë dhe ngushëllojmë. Nëse janë të lumtur dhe po kalojnë mirë, duhet të jemi të lumtur për ta.**
29. Si duhet të trajtojmë të pasurin në dallim me të varfrin? **Nuk duhet të ketë dallim! Ne duhet t'i trajtojmë të gjithë njësoj.**
30. Çfarë duhet të bëjmë me ata që na lëndojnë? **Asgjë, sepse ne i përkasim Zotit dhe Ai do të ndëshkojë ata që u bëjnë keq bijve të Tij.**
31. Si duhet të sillemi ndaj autoriteteve civile? **Perëndia na urdhëron t'u bindemi atyre që janë drejtuesit qeveritarë mbi ne.**
32. Nëse nuk u bindemi ligjeve të qeverisë që nuk janë kundër Perëndisë, kujt tjetër nuk po i bindemi? **Perëndisë.**
33. Kush e ka kontrollin e shumicës së njerëzve në këtë botë? **Satani.**
34. Përveç Satanit, cilat janë dy gjërat e tjera që janë armiq të besimtarit?
  - a. **Rrugët e kësaj bote.**
  - b. **Mëkatet që dëshiron mishi ynë.**
35. Si mund të shmangim rënien në mëkat? **Duke qëndruar larg gjërave që na tundojnë për mëkat.**
36. Kush na ndihmon të kuptojmë domethënien e Fjalës së Perëndisë, na forcon në besim dhe na jep gëzim, paqe dhe shpresë? **Fryma e Shenjtë.**
37. Përmes veprës së kujt dhe fuqisë së Frymës së Shenjtë mijëra johebrenj besuan për herë të parë në Zotin Jezus si Çlirimtari i tyre? **Veprës së Palit.**
38. Cila ishte dëshira e madhe e Palit në jetë? **T'u predikonte ungjillin njerëzve që nuk e kishin dëgjuar.**
39. Pse tërë besimtarët duan t'u predikojnë ungjillin njerëzve që nuk e kanë dëgjuar? **Sepse Zoti Jezus dha këtë urdhër.**

40. Kundër kujt i paralajmëron Pali besimtarët? **Kundër atyre që mësojnë diçka ndryshe rreth ungjillit nga mësimi që kishte marrë nga Fjala e Perëndisë.**
41. Pse ishte e gabuar që besimtarët të refuzonin pranimin e një personi tjetër ngaqë kishin mendime të ndryshme rreth ligjeve të vjetra rreth ushqimeve e ditëve të veçanta të adhurimit? **Meqë Perëndia i pranoi të gjithë, edhe ata duhet të pranonin njëri-tjetrin.**
42. Kush duhet të jetë Ai që përpiqemi t'i pëlqejmë në gjithçka që bëjmë? **Perëndia.**
43. A do të gjykohet një besimtar në Krishtin në lidhje me shpëtimin e tij? **Absolutisht jo!**
44. Kush është shembulli më i mirë që kemi për të na treguar se si të trajtojmë besimtarët e tjerë? **Jezu Krishti.**

## Veprimtari shtesë

A mund t'u përgjigjesh saktë të 44 pyetjeve? Mund t'i studiosh në fillim para se të t'i bëjë pyetjet.

### Karta Awana 33 e përfunduar

Firma e mësuesit \_\_\_\_\_

Data \_\_\_\_\_

Pikët shtesë? \_\_\_\_\_

# Librat e Dhiatës së Vjetër

Zanafilla	Fjalët e Urta
Eksodi	Predikuesi
Levitiku	Kantiku i kantikëve
Numrat	Isaia
Ligji i Përtërirë	Jeremia
Jozueu	Vajtimet
Gjyqtarët	Ezekieli
Ruthi	Danieli
1 Samuelit	Osea
2 Samuelit	Joeli
1 Mbretërve	Amosi
2 Mbretërve	Abdia
1 Kronikave	Jona
2 Kronikave	Mikea
Ezdra	Nahumi
Nehemia	Habakuku
Esteri	Sofonia
Jobi	Hagai
Psalmet	Zakaria
	Malakia



# SHËNIME PËR TË SHPALLUR UNGJILLIN

Ndërsa tregon se çfarë ka ndodhur, kujton që Perëndia është karakteri kryesor i Biblës: është Historia e Tij!

- Trego për Perëndinë, Krijuesin e madh, i cili e do njerëzimin (Shiko faqe tjetër për shënime rreth attributeve të Perëndisë).
- Trego për rebelimin e Luciferit.
- Tregoju për Adamin dhe Evën, Pemën e Jetës, Pemën e njohjes të së mirës e të së keqes, tundimin mashtrues të Satanit dhe mosbindjen e Adamit dhe Evës dhe ndarjen nga Perëndia.
- Trego për rezultatet e mosbindjes (mëkatit) të Adamit: që tërë njerëzit kanë lindur mëkatarë nën sundimin e Satanit, të ndarë nga Perëndia.
- Thuaj që nga kjo kohë e tutje, Perëndia premtoi vazhdimisht të dërgonte Çlirimtarin, i cili do të shpëtonte njerëzit nga Satani, mëkati dhe vdekja frymërore (ndarja nga Perëndia).
- Shpjego që Perëndia e dëboi Adamin dhe Evën nga kopshti, larg nga Pema e Jetës, për shkak se ndëshkimi për mëkatin është vdekja dhe ndëshkimi i përvetshëm në Liqenin e Zjarrit.
- Shpjego se vetëm Perëndia mund të sigurojë një mënyrë që njerëzi t'i afrohet Atij. Para se të dërgonte Çlirimtarin, Perëndia kërkonte që njerëzit t'i afroreshin me anë të besimit (duke pranuar se ishin mëkatarë dhe se vetëm Perëndia mund t'i shpëtonte nga ndëshkimi i përvetshëm) duke ofruar flijime të kafshëve: duke derdhur gjakun e tyre (Hebrenjve 9:22b). Kafsha po zinte vendin e mëkatarit. Kjo ishte kujtesa e Perëndisë se ndëshkimi për mëkatin është vdekja.
- Tani trego për Jezu Krishtin, Birin e Perëndisë: lindja e Tij e mrekullueshme, jeta e Tij e përsosur si Perëndi dhe njeri dhe vdekja e Tij në kryq (borxhi ynë i mëkatit u pagua përmes derdhjes së gjakut të Tij), varrosja, ringjallja dhe ngjitja në qiell.

## **Çfarë duhet të bëjë dikush për t'u shpëtuar nga Satani, mëkati dhe vdekja frymërore?**

Kushdo që kupton dhe beson të vërtetat më sipër duhet të ketë besim te Jezusi dhe vdekja e Tij në kryq për të paguar mëkatet e tij dhe të pranojë dhuratën e shpëtimit të Perëndisë. T'i besosh ungjillit do të thotë të pranosh me të vërtetë Jezu Krishtin si Shpëtimtar.

*Dhe ata i thanë: "Beso në Zotin Jezu Krisht dhe do të shpëtohesh..." (Veprat 16:31a).*

*Ju në fakt, jeni të shpëtuar me anë të hirit, nëpërmjet besimit, dhe kjo nuk vjen nga ju, po është dhurata e Perëndisë, jo nga vepra, që të mos mburret askush (Efesianëve 2:8-9).*

# Atributet e Perëndisë

Perëndia komunikon me njeriun.

Perëndia nuk ka fillim dhe nuk do të ketë kurrë fund: Ai është i përjetshëm.

Perëndia është kudo në çdo kohë; Ai njihet gjithëkudo.

Perëndia është më i madh se të gjithë dhe më i rëndësishëm se të gjithë: Ai është autoriteti më i lartë.

Perëndia është i shenjtë dhe i drejtë; Ai kërkon vdekjen si pagesë për mëkatin.

Perëndia është i plotfuqishëm; nuk ka asgjë të vështirë për Të.

Perëndia është i dashur, plot hir dhe i mëshirshëm.

Perëndia është besnik; Ai gjithmonë bën atë që thotë; Ai nuk ndryshon kurrë.

## **Sigurohu që di:**

Lajmin e mirë për mëkatin:

- Ata janë mëkatarë
- Ndëshkimi i mëkatit është vdekja
- Ndëshkimi për mëkatin duhet të paguhet.

Lajmin e mirë për Jezusin:

- Jezusi është Perëndia.
- Jezusi na do.
- Jezusi mori ndëshkimin në vendin tonë duke vdekur në kryq.
- Jezusi u ngjall përsëri.

Çfarë duhet të bëjnë:

- Të vënë besimin e tyre të plotë në atë që bëri Jezu Krishti në kryq për të paguar ndëshkimin për mëkatet e tyre.

## **Shpëtimi përmes Jezu Krishtit është i përjetshëm!**

*Sepse Perëndia e deshi aq botën, sa dha Birin e tij të vetëmlindurin,  
që, kushdo që beson në të, të mos humbasë,  
por të ketë jetë të përjetshme (Gjoni 3:16).*

*Dhe unë u jap atyre jetën e përjetshme dhe nuk do të humbasin kurrë, e askush nuk  
do t'i rrëmbejë nga dora ime. Ati im, që m'i dha, është më i madh se të gjithë; dhe  
askush nuk mund t'i rrëmbejë nga dora e Atit tim (Gjoni 10:28-29).*